




EX MUNIFICENTIA
FERDINANDI III. M. E. D.

DIE 3. IUNII 1791.

9.7. 463





9.7.63


SUMMA
DOCTRINÆ
ET
INSTITUTIONIS
CHRISTIANÆ,
SIVE
CATECHISMUS MAJOR.
EX
POSTREMA RECOGNITIONE
AUTHORIS D. PETRI CANISII
SOCIETATIS JESU THEOLOGI.



Cum permissu Superiorum.

Apud EMANUELEM THURNEYSSEN.





CAPUT PRIMUM.

DE FIDE ET SYMBOLO FIDEI,

I.

Quis dicendus est a Christianus?

Qui baptismatis Sacramento initiatus,
JESU CHRISTI veri Dei & ho-
 minis salutarem doctrinam in ejus *b*
 Ecclesia profitetur.

Omnes proinde cultus & sectas, quæ ex-
 tra Christi doctrinam & Ecclesiam ubivis
 gentium reperiuntur, ut est Judaica, Ethni-
 ca, Mahometica, Hæretica, damnat & de-
 testatur penitus, qui verè Christianus est, &
 in ipsa Christi doctrina firmiter acquiescit.

*a Act. 11. d. 1. Pet. 4. d. b Atban. contra Ar-
 rian. orat. 2. Cypr. 52. ep. li. 4. & de simplicit.
 pralat. Ignatius ep. ad Mugnesian. August.
 tract. 113. in Joan. & serm. 181. de temp. c. 12.
 Item in Enchir. cap. 5. Tertull. lib. de pudicitia
 cap. 7. & de præsc. hæretic. c. 37.*

II.

*Quo compendio Christianam doctrinam
 licet complecti?*

UT nimirum Christianus ea norit & ob-
 servet, quæ tum ad Sapientiam, *a* tum

ad Justitiam spectant. Sapientia, ut Augustinus *b* ostendit, circa virtutes versatur Theologicas *c* Fidem, Spem, & Charitatem, quæ & divinitus infunduntur, & cùm in hac vita purè maximeque excoluntur, beatos homines divinosque reddunt. Justitia verò *d* duabus partibus, declinatione à malo, & boni operatione, absolvitur. Huc enim spectat quod Propheta inquit Regius : *e* *Diverte à malo, & fac bonum.* Jam ex hisce fontibus, Sapientiæ scilicet, & Justitiæ, non difficulter hauriuntur cetera, quæcunque Christianæ quidem institutioni atque disciplinæ congruunt.

a Eccli. 1. d. *b* Lib. 2. *Retracta.* c. 63. *¶* *Euch.* c. 2. *¶* 3. c. 1. Cor. 13. d. *d* Prosper *sent.* 98. ex Aug. e Psal. 33. c. *¶* 36. c. 1. Pet. 3. b.

III.

*Quid primum traditur in doctrina
Christiana ?*

Fides, janua illa nostræ salutis, sine qua Deum invenire, & invocare, Deo servire & placere nullus in hac vita potest. *a* *Credere enim oportet accedentem ad Deum,* inquit Apostolus : *qui b verò non crediderit, condemnabitur, & c jam judicatus est,* ex Christi sententia.

Ro. 10.

ET SYMBOLO. 5

Ro. 10. c. Heb. 11. a. Aug. ser. 38. de temp. & serm. 1. de verb. Apost. c. 4. Leo ser. 4. de Nat. Dom. a. Heb. 11. b. b Mar. 16. c. c Joan. 3. b.

IV.

Quid fidei nomine intelligitur?

DEI *a* donum & lumen, quo illustratus homo firmiter assentitur atque adhæret iis, quæ ut credantur, sunt divinitus revelata, & ab Ecclesia nobis proposita.

Cujusmodi sunt, Deum esse trinum & *b* unum, è nihilo *c* creatum mundum, Deum factum esse hominem, & pro nobis mortem sustinuisse. Mariam *d* & Virginem, & Dei matrem existere, mortuos omnes ad vitam excitandos esse, hominem ex aqua & Spiritu sancto regenerari, totum Christum *e* in Eucharistia contineri, & id genus alia Religionis nostræ veneranda mysteria: quæ divinitus revelata, non humani *f* sensus captu comprehendi, sed fide dumtaxat percipi possunt.

Unde Propheta: *g Nisi credideritis, inquit, non intelligatis.* Non enim spectat fides naturæ ordinem, non sensuum fidit experientiæ, non potentia aut ratione humana sed virtute & auctoritate Divina nititur, illud planè certum habens, summam æter-

A 3

namque

namque veritatem quæ Deus est, nec falli posse unquam, nec fallere.

Quamobrem id fidei vel maximè proprium est, ut in *h* captivitatem redigat omnem intellectum in obsequium Christi, *apud quem non est difficile, nedum impossibile i omne verbum.* Hæc *k* fides lumen est animæ, ostium vitæ, fundamentum salutis æternæ.

a Epbes. 2. *b.* Heb. 11. *a.* Basil. in serm. de fidei confess. Bern. epist. 190. August. contra epist. Fundamenti, cap. 5. *b* 1. Joan. 5. *b.* *c* Gen. 1. *a.* Joan. 1. *b.* Luca 2. *a.* Rom. 5. *b.* *d* Conc. Epbes. can. 13. *Luc.* 1. *e.* 1. Cor. 15. *g.* Joan. 3. *b.* *e* Conc. Constantiens. Florent. Trident. *f* Eccli. 3. *c.* 2. Cor. 10. *b.* *g* Esaia 7. *b.* secundum 70. Basil. in Psalm. 115. *Et* in Moral. lib. Reg. 80. *c.* 21. Greg. hom. 26. in Evang. Chrys. in 1. Cor. hom. 4. *h* 2. Cor. 10. *b.* *i* Luca 1. *c.* Hier. 32. *d.* *k* Euseb. Emis. homil. 2. de symb. Cyril. Cateches. 5. *Illud* Chrysost. serm. de fide spe *Et* char. Cyril lib. 4. in Joan. cap. 9.

V.

Estne brevis aliqua fidei complexio, ac summa omnium nobis credendorum?

ESt illa, quam duodecim Apostoli suo symbolo tradiderunt, quamq; in sectiones,

ET SYMBOLO. 7

nes, seu articulos duodecim aptè distinxerunt. Dignum sanè opus his & auctoribus, qui post Christum Dominum Christianæ fidei præcipui & sanctissimi fundatores extitere.

Quod quidem symbolum velut illustris nota est, qua Christiani ab impiis, qui vel nullam, vel non rectam Christi fidem profitentur, discernendi ac internoscendi sunt.

a *Clemens epistola 1. ad frat. Do. Ambr. epist. 81. & serm. 38. August. serm. de Tempore 181. Ruffin. in symb. Irenæus lib. 2. cap. 2. & lib. 3. cap. 4. Hieron. epist. 61. ad Pammachium, adversus errores Joan. Hieros. c. 9. Leo serm. 11. de pass. & epist. 13. ad Pulcheriam, & serm. contra Eutychetem. Maximus serm. de tradition. symb.*

VI.

Qui sunt symboli hujus articuli?

Credo in Deum Patrem omnipotentem, creatorem cæli & terræ.

II. Et in Jesum Christum filium ejus unicum, Dominum nostrum.

III. Qui conceptus est de Spiritu sancto, natus ex Maria Virgine.

IV. Passus sub Pontio Pilato, crucifixus, mortuus & sepultus.

A 4

V. De

V. Descendit ad inferos, tertia die resurrexit à mortuis.

VI. Ascendit ad cælos, sedet ad dexteram Dei Patris omnipotentis.

VII. Inde venturus est judicare vivos & mortuos.

VIII. Credo in Spiritum sanctum.

IX. Sanctam Ecclesiam Catholicam, Sanctorum communionem.

X. Remissionem peccatorum.

XI. Carnis resurrectionem.

XII. Vitam æternam, Amen.

Symbolum explicarunt. Cyril. in Catechesibus Illuminatorum. Chrysost. tomo 5. hom. 1. & 2. in symbolum. Ruffin. in symb. Aug. in Enchiridio ad Laurent. item in libris 4. de symb. ad Catech. maxime 1. & 2. In lib. de fide & symb. ser. 115. 119. 121. 125. 131. 181. 194. de tempore Euseb. Emis. hom. 1. & 2. in symb. Chrysolog. serm. 57. 58. 59. 60. 61. 62. Maximus hom. 1. de diversis.

VII.

Quò maxime spectant hæc symboli verba?

EO certè, ut veram Dei divinarumque rerum cognitionem, quæ ad benè beateque vivendum est cuique necessaria, succinctè comprehensam habeamus.

Ubi

Ubi primum & præcipuum habet locum agnitio & confessio sanctissimæ Trinitatis, ne ullo modo dubitetur, Deum, quo nihil aut *a* majus, aut melius aut sapientius potest excogitari, in essentia quidem *a* seu natura divina unum & simplicem, in *b* personis verò tribus esse distinctum, ut alius *c* Pater, alius Filius, alius Spiritus sanctus esse, ante omnia certò credatur. Pater est qui suum ab *d* æterno filium generat fons & opifex rerum: Filius ex Patris genitus substantia, mundi Redemptur est ac Salvator: Spiritus sanctus, qui & *e* Paracletus dicitur, Ecclesiæ seu Christi fidelium est administrator. Jam *f* hi tres unum sunt; hoc est, unus, verus, æternus immensus & incomprehensibilis Deus.

Pulchrè igitur huic sanctissimæ simul & individux Trinitati partes Symboli tres præcipuæ respondent: Prima nimirum de creatione, secunda de redemptione, tertia de sanctificatione.

Hier. 9. *f.* *Joan.* 17. *a.* 1. *Cor.* 2. *a.* 1. *Pet.* 1. *b.* *Sapient.* 13. *a.* 2 *Aug. confess. lib.* c. 4. *b* *Aug. lib. de fide & symb.* c. 9. *c.* *Matth.* 28. *d.* *Athan.* in *symb.* d *Psal.* 109. *a.* *Heb.* a. 1. *Joan.* 4. *cap.* e *Joan.* 15. *d.* & 16. *b.* 14. *b.* d. *f* 1. *Joan.* 5. *b.* 1. *Tim.* 1. d. & 6. d. *Hier.* 32. e, d.

*Quid sibi vult primus Symboli articulus,
Credo in Deum Patrem ?*

Ostendit nobis primum, Deum, unum,
& in Deitate primam personam esse
Patrem cælestem, æternum, potentia, ma-
jestateque summum, cui nihil factu impos-
sibile sit vel difficile; qui vitæ ac mortis a
potestatem omnem obtinet.

Is ipse Pater Filium *b* ex omni æternitate
genuit, & nos hoc tempore gratiæ in filios
sibi adoptavit. Ejus tanta vis est, ut verbo
c solo tam visibilia quàm invisibilia produ-
xerit ex nihilo; producta verò usque con-
servet, atque gubernet summa cum boni-
tate ac sapientia, à quo & ad quem omnia.
Ipse *d* Pater luminum, apud quem non est
transmutatio; Pater misericordiarum, &
Deus totius consolationis: talis demum ac
tāntus, ut ad *e* nutum illius supera, terre-
stria, infera subito pareant: quo duce ac pro-
tectoꝛe, nos in summis etiam malis atque
periculis illæsi ac tuti conservamur.

*Deut. 6. a. Matth. 6. b. 1. Tim. 1. d. Genes.
1. a. Esa. 53. a. Job. 37. a. & d. Ecclæ. 3. b. Laic.
1. c. Hier. 32. c. a Sap. 16. b. 1. Reg. 2. a. b
Psalm. 2. b. Heb. 1. b. Rom. 8. c. d. & Psalm.
32. b.*

32. b. Coloff. 1. b. Matth. 6. d. Heb. 13. b. 1. Tim. 4. c. & 6. d. Rom. 1. d. d Jac. 1. ep. 2. Cor. 1. a. Act. 14. c. e Luc. 12. 2. Genes. 7. a. b. Psalm. 26. a. 90. a. 124. a. Job. 41. a. 1. Cor. 10. c. Eccli. 33. a.

IX.

*Quid habet secundus articulus, Credo in
Jesum Christum?*

COMMONSTRAT secundam in Deitate personam Jesum Christum verum Deum, & verum hominem: dictum quidem Jesum, hoc est, salvatorem populi sui, & Christum, id est, unctum Spiritu sancto, ac a plenum omni gratia & veritate, Messiam, Regem & Pontificem nostrum, qui primum tenet in omnibus, & in quo corporaliter inhabitat omnis plenitudo divinitatis.

Ostendit eundem *b* esse filium Dei unicum à Patre natum, ab æterno genitum, naturalem, consubstantialem, & ei prorsus æqualem secundum divinitatem: Dominum verò nostrum, & omnium in ipsum credentium, ut quos ipse *c* perditos ex servitute Satanæ ultrò liberavit, quosque iugo peccati & damnationis obnoxios liberalissimè redemit.

Is impiis quoque dominatur: omnia

A 6

enim

enim *d* pedibus ejus subiecta sunt. Tum verò maximè Dominum *e* dominantium, & Regum regem se improbis ac *f* universo mundo palam declarabit, cùm hostes ad unum omnes, quamvis invitos, suæ subiciet potestati, ac veluti *g* paleam igne comburet inextinguibili. Hic dilectus filius, hic noster Emmanuel, & audiendus Præceptor: nec aliud nomen est sub cælo *h* datum hominibus, in quo nos salvos fieri oporteat.

1. *Joan.* 5. *d.* *Luc.* 1. *c.* *Eccl.* 2. *c.* *Matth.* 1. *d.* *Esai.* 9. *a.* *Eccl.* 61. *a.* *Lucæ* 4. *c.* *Psalms.* 44. *b.* *Eccl.* 88. *c.* *ep.* *Act.* 4. *c.* *Eccl.* 10. *f.* 1. *Reg.* 10. 16. *a.* *c.* *a Joan.* 1. *b.* *f.* *Apoc.* 17. *d.* *Eccl.* 1. *c.* *Heb.* 3. *a.* *Eccl.* 5. *b.* 1. *Pet.* 2. *d.* *Coloss.* 1. *c.* *Eccl.* 2. *b.* *b Ep.* 1. *a.* *Eccl.* *d.* *Joan.* 10. *c.* *Heb.* 1. *a.* *Apoc.* 1. *d.* *Matth.* 28. *d.* *Dan.* 7. *d.* *Philip.* 2. *a.* *b.* *c* *Luc.* 15. *b.* *f.* *Eccl.* 11. *c.* *Rom.* 8. *a.* 1. *Cor.* 6. *d.* 1. *Pet.* 16. *d* *Psalms.* 8. *b.* *Rom.* 14. *b.* *c.* *Apoc.* 19. *c.* 17. *d.* *f* *Matth.* 25 *c.* 1. *Cor.* 15. *d.* *Psalms.* 106. *a.* *g* *Lucæ* 3. *c.* *de ep.* *Matth.* 3. *c.* *d.* 17. *a.* 1. *b.* *Lucæ* 20. *b.* *Esaiæ* 7. *c.* *h* *Act.* 4. *b.*

X.

Qui credendum proponit tertius articulus, Conceptus est de Spiritu sancto?

EUndem testatur Dominum, qui jam inde ab æterno genitus, à Deo Patre sine matre

tre fuit, propter nos de cælis descendisse, & humanam assumpsisse *a* naturam, qua temporaliter & conceptus sit in Nazareth, & sub Cæsare Augusto in Bethlehem natus sine patre ex illibata Virgine, operante scilicet in illa sic Spiritus sancti virtute, ut (quod admirationem omnem excedit) Verbum *b* caro, & Deus homo fieret, atque Maria simul Dei Mater & *c* Virgo esset.

Hæc filii Dei temporalis conceptio & generatio, humanæ salutis ac redemptionis *d* primordia continet, nostræque est forma regenerationis. Qua fit, ut maledicti Adæ filii de immundo semine concepti, & iræ filii nati, purificemur: tum ut *e* carnalibus spirituales ac planè filii Dei efficiamur in Christo, cui Pater æternus conformes fieri voluit electos, *ut sit ipse*, quem admodum *f* Paulus ait, *in multis fratribus primogenitus.*

Mich. 7. a. Joan. 1. a. Jo. 16. f. Esaia 53. c. Jo. 6. f. a Galat. 4. a. Rom. 1. a. Matth. c. d. Luca 1. c. d. Jo. 2. a. Esaia 7. ep. Hier. 31. d. b Concil. Eph. can. 3. c Hieron. in Helvidium. Amb. in epist. 81. Ezech. 44. a. d Joan. 3. a. 1. Pet. 2. a. Jo. 3. d. Heb. 2. a. Jo. 7. d. Tit. 3. b. c Job. 14. a. Ephes. 2. a. Rom. 6. a. 8. a. f Rom. 8. f.

*Quid continet articulus quartus, Passus
sub Pontio Pilato?*

Ostendit Christum, cùm præclarè docendi & miracula patrandi finem fecisset, suum pro nobis, qui perieramus, redimendis agonem tandem absolvisse. Itaque licet Agnus esset absque macula innocentissimus, imo & Deus simul immortalis, tamen ut charitatem erga nos suam maximam declararet, passus est ille *a* volens à scelestissimis extrema & acerbissima quæque: unde nec iudicium impii iudicis Pilati, quamvis iniquissimum, neque crucem *b* probrosissimum supplicii genus defugit, mortem pro nobis crudelissimam adiens, & sepulturam in alieno etiam monumento delatam non recusans: totum ut se vivens moriens donaret atque impenderet mortalibus.

Quæ Christi passio, *c* sanguis, crux, vulnera, & mors, peccatoribus consolationem, sanitatem, virtutem & vitam continuè exhibent; si tamen paremus & *d* compatimur capiti, ut ita simul & conglorificemur.

e Consummatus enim factus est omnibus obtemperantibus sibi causa salutis æternæ.

Act. 10. f. Matt. 17. f. Mar. 15. ep. Esa. 50. c.

53. a. b.

53. a. b. c. Joan. 1. d. Heb. 7. d. 1. Pet. 1. c. & 2. d. Apoc. 1. d. 1. Tim. 6. c. d. Rom. 5. b. Joan. 15. b. a Jo. 18. a. & 19. b. Matth. 27. Marc. 15. Luca 23. Joan. 19. Act. 13. d. b Sap. 2. d. Heb. 12. a. Phil. 2. b. Rom. 5. b. Matth. 27. g. Tit. 2. d. Galat. 1. a. Esa. 53. d. c 1. Pet. 1. c. 1. Joan. 1. c. Apoc. 1. b Eph. 1. b. d Rom. 8. c. 2. Cor. 1. b. 2. Tim. 2. b. e Heb. 5. c.

XII.

*Quis usus & fructus in eo est, quòd crucem
Christi digitis efformamus, & ea fron-
tem consignamus?*

Hunc sanè ritum & a veterum pietas, & constans Ecclesiæ consuetudo nobis commendat. Ac primum hinc excitamur ad gratam memoriam summi mysterii atque beneficii, quod nobis in cruce peractum, ac amplissimè donatum fuit.

Deiinde provocamur ad veram sanctamque gloriam, & totius salutis nostræ ancoram in cruce Domini nostri defigendam.

Est hoc præterea testimonium, nos cum inimicis crucis Christi Judæis ac Ethnicis nihil habere commune, sed contra hos omnes liberè profiteri quem colimus, Dominum Jesum, & hunc crucifixum.

Hoc etiam signaculo ad patientiæ studium

dium incitatur, ut si æternæ gloriæ cupidi sumus (esse verò debemus omnes) crucem quam colimus & viam crucis, *b* duce Christo non gravatim amplectamur.

Neque minus arma hinc victricia petimus *c* adversus Satanam olim crucis virtute prostratum, imò & contra omnes nostræ salutis adversarios ita communimur.

Demum, ut auspiciatius *d* ordiamur, & majorem in rebus gerendis successum experiamur, hoc crucis illustre trophæum arripimus, & in hoc signo *e* victuri, sæpe dicere non dubitamus: *In nomine* ✠ *Patris, & Filij, & Spiritus sancti.*

a Tertull. de coron. militis cap. 3. Basil. de Spiritu sancto cap. 27. Aug. de catechizand. rud. cap. 20. & tract. in Joan. 118. Nazian. orat. 3. in Julian. 1. Hieron. ad Eusto. de custod. virg. epist. 22. cap. 16. & ad Fabiol. de vest. sacer. & in cap. 9. Ezech. Chrysostom. hom. 55. in Matth. Trip. hist. lib. 6. c. 1. Effram. lib. de vera pœnit. c. 3. Orig. hom. 8. in divers. Evang. Ruff. lib. 2. Eccles. hist. c. 29. Niceph. lib. 18. c. 20. Cyrill. Catech. 4. & 13. Illum. Chrys. in demonstr. adversus Gentiles, quod Christus sit Deus. b Matth. 6. d. Luca 9. cap. 1. Pet. 3. c. 2. & 2. d. c Athan. in vita B. Antonii. Hier.

in vita B. Hilarionis. Ignatius ad Philipp. d Ambr. serm. 43. e Euseb. lib. 1. § 2. de vita Constantini. Niceph. lib. 8. cap. 3. § lib. 7. cap. 47. § 48.

XIII.

Quid credendum profert quintus articulus, Descendit ad inferos, & resurrexit?

CHristum docet, postquam mortuus esset in cruce, secundum animam quidem ad inferos usque penetrasse, tum ut mortis ac Satanæ devictorem, tum ut Patrum in limbo sedentium liberatorem sese declararet: secundum corpus autem, quo jacuerat in sepulchro, tertio post die, cum Triumphator ex inferis redire vellet, eundem ad vitam sua vi immortalem ac gloriosum, primogenitum ex mortuis resurrexisse.

Quo admirabili opere consolatur ac docet, electos, de potestate Satanæ, mortis & inferni liberari, eamque resurgendi gratiam omnibus offert atque commendat, ut verè credentes in Christum, de vitiis *a* ad virtutem, à morte peccati ad vitam gratiæ, in fine *b* porrò seculorum omnium de morte corporis ad vitam immortalem resurgant. *Nam qui c suscitavit Jesum; & nos cum Jesu suscitabit.*

Psal.

Psal. 15. b. Zach. 9. cap. 1. Pet. 3. d. Coloss. 2. c. Eccl. 24. d. Ador. 2. d. Osee 13. d. Iren. lib. 5. cap. 31. August. epist. 99. & 57. q. 1. & lib. 20. de civit. Dei, cap. 15. Item serm. 137. de tempore: Hier. in cap. 4. ad Ephesios & in Osee 13. de Tertul. lib. 2. contra Marcion. c. 4. Matth. 12. Hebr. 2. d. Marc. 16. b. c. Apoc. 1. b. d. Joan. 2. d. Coloss. 1. c. 1. Cor. 15. a. c. 2. Rom. 6. a. Coloss. 3. a. b. Philip. 3. d. Ephes. 4. c. 1. Pet. 1. a. b. 1. Corinth. 15. c. c 2. Corinth. 4. d. 1. Tbess. 4. c. d.

XIV.

Quid adfert sextus articulus, Ascendit ad calos?

Absolute humanæ redemptionis opere, Dominum JESUM ostendit, postquam redivivus ille suis apparuisset, multisque argumentis resurrectionis suæ veritatem confirmasset, demum quadragesimo die in cælum ascendisse, ut secundum naturam humanam super omnia exaltaretur, & unus omnium maximè ab omnibus celebraretur. *a* Sedet igitur Dominus JESUS in cælis, ad dexteram virtutis Dei, parem cum Patre potestatem exercens, gubernans omnia divinaque majestate resplendens penitus: quod *b* est nimirum ad Patris federe dexteram.

Hæc

Hæc læta Christi ascensio, nostræ Fidei ac Spei certitudo est, ut quò caput præceffit, prostratis semel hostibus, eodem membra etiam, si capiti *c* modò pareant & inhæreant suo, perventura esse maximè confidamus. *d Vado*, inquit, *parare vobis locum.*

Psal. 67. *c.* *d.* 46. *a.* *Eccl.* 8. *a.* *Marc.* 16. *d.* *Jo.* 3. *b.* *Act.* 1. *b.* *Ephes.* 4. *b.* 2. *b.* 1. *c.* *Coloss.* 3. *a.* *Heb.* 1. *b.* 1. *Pet.* 2. *a.* 1. *Jo.* 2. *a.* *Joan.* 20. *d.* *a Psalm.* 109. *a.* *Act.* 7. *g.* *Luc.* 22. *g.* 1. *Cor.* 15. *d.* *Ephes.* 1. *d.* *Matth.* 28. *d.* *b Aug. lib. de fidei & symb. cap. 7. c Rom.* 8. *c.* *Heb.* 5. *c.* 2. *Tim.* 2. *b.* *Joan.* 15. *a.* *d Joan.* 14. *a.*

XV.

*Quid credendum exhibet septimus articulus,
Inde venturus est judicare?*

PRoponit, extremum judicii diem, quando Christus in humana carne rursus à summo cælo descendit, ac tremendum aget judicem totius orbis, & palam unicuique reddet secundum opera sua. Judicabit *a* igitur in sede majestatis suæ ad unum omnes probos, sive quos judicii dies illa vivos adhuc in carne, vel antea mortuos offendet.

Unde admonemur ea cautiùs rectiusque nobis vivendum esse, quò certius persuasum habemus, nostras actiones *b* cogitationes,

tiones, & vitæ rationes omnes ob oculos cuncta cernentis, & æquissimè judicantis, Dei usque versari. Etenim æquus & iustus est scrutator *c* ille cordium, & vindex iniquitatum, ante cuius tribunal manifestari nos omnes oportet, ut unusquisque prout gessit suo in corpore, sive bonum, sive malum, ab illo recipiat. Qui nec boni *d* quicquam in hac vita gestum suo præmio defraudabit, nec perperam facta ulla impunè finet abire.

Psal. 96. *a.* *Esa.* 3. *c.* *Eccl.* 66. *d.* *Joan.* 5. *d.* *ep.* *Soph.* 1. *c.* *Malac.* 4. *a.* *b.* *c.* *Joël.* 3. *a.* *ep.* *a* *Matth.* 25. *c.* 24. *b.* *c.* *d.* *Luc.* 21. *ep.* *Act.* 10. *f.* 1. *Thess.* 4. *d.* 5. *a.* 1. *Cor.* 15. *g.* 2. *Thess.* 2. *a.* *b.* 2. *Pet.* 3. *c.* *b* *Matth.* 12. *c.* *Sap.* 1. *c.* *Esa.* 66. *f.* *Eccle.* 12. *d.* *Rom.* 2. *c.* *Apoc.* 20. *d.* *Basil.* *epist.* *ad virginem lapsam.* *c* *Jerem.* 17. *b.* *Heb.* 4. *d.* *Galat.* 6. *b.* 1. *Thess.* 4. *b.* *Eccles.* 12. *d.* 2. *Cor.* 5. *b.* *Rom.* 14. *b.* *d* *Matth.* 10. *d.* *Job.* 24. *b.*

XVI.

*Quæ summa est articulorum de secunda in
Deitate persona?*

HÆc summa est Christum verum Deum & hominem esse, qui mirificum redemptionis humanæ opus sit aggressus atq; perfecit,

ET SYMBOLO. 21

fecerit, ut idem sit ipse nobis *a* Via, Veritas & Vita, per quem unum, cum periissemus omnes, salvati & liberati, Deoque Patri reconciliati sumus.

De cujus quidem redemptionis beneficio ac vero usu ita scriptum est: *b Apparuit gratia Dei Salvatoris nostri omnibus hominibus, erudiens nos, ut abnegantes impietatem & secularia desideria, sobrie & juste & pie vivamus in hoc seculo, exspectantes beatam spem, & adventum gloriæ magni Dei & Salvatoris nostri JESU Christi: qui dedit semetipsum pro nobis, ut nos redimeret ab omni iniquitate, & mundaret sibi populum acceptabilem sectatorem bonorum operum.* Sic Apostolus Paulus. Et *c* alibi: *Ipsius (Dei) sumus factura, creati in Christo JESU in operibus bonis, qua præparavit Deus, ut in illis ambulemus.* Atque iterum, *d pro omnibus mortuus est Christus, inquit, ut & qui vivunt, jam non sibi vivant, sed ei qui pro ipsis mortuus est & resurrexit.*

Quare cavendus illorum est error maxime, qui Christum non integrè, sed veluti mutilatum confitentur, dum solum *e* Mediatorem illum & Redemptorem cui fidamus, agnoscunt: nec simul recipiunt eum

&

& *f* Legislatorem, cujus jussis obtemperemus & virtutum exemplar omnium, quod imitemur, & justum judicem, qui debitum cujusque *g* operi præmium aut supplicium certò rependat.

Joan. 1. a. b. 1. Joan. 5. d. Ephes. 1. b. a Joan. 14. a. Rom. 5. b. Apoc. 1. b. 1. Tim. 2. b. Rom. 3. d. b Tit. 2. d. c Ephes. 2. b. d 1. Cor. 5. c. e 1. Tim. 2. b. Rom. 3. d. f Esa. 33. d. Jacob. 4. c. Joan. 13. b. d. 1. Joan. 2. b. 1. Pet. 2. d. g 2. Tim. 4. b. Rom. 2. b.

XVII.

Quid docet oclavus articulus, Credo in Spiritum sanctum?

Subjungit tertiam in Deitate personam, Spiritum sanctum: qui ex Patre Filioque procedens, verus utrique coæternus, coequalis, consubstantialis Deus existit, & eadem fide parique cultu & honore colendus est.

Hic ille paracletus & Doctor veritatis, qui corda credentium gratia sua suisque donis illustrat, purificat, sanctificat, & in omni sanctitate confirmat. Hic est à pignus hæreditatis nostræ, qui adjuvat infirmitatem nostram, & singulis prout vult, varias donationes suas distribuit impertitque.

Symb.

ET SYMBOLO. 23

Symb. Constantinop. & Florentin. Genes. 1. a. Psalm. 103. Job. 24. b. Matth. 28. d. Joan. 1. cap. 14. b. d. 16. cap. 1. Joan. 5. b. Rom. 8. b. cap. 1. Corint. 6. d. & 3. cap. 2. Corint. 3. d. Psalm. 50. cap. Esaie 1. a. Galat. 5. a. d. Rom. 5. a. a Ephes. 1. cap. Rom. 8. cap. 1. Corint. 12. b.

XVIII.

*Quid addit articulus nomus, Credo Ecclesiam
sanctam, Catholicam?*

Ostendit Ecclesiam, id est cunctorum Christi fidelium a visibilem congregationem, pro qua Dei filius hominis natura suscepta, cuncta & fecit & pertulit.

a Matth. 5. b. Esa. 2. a. & 60. a. c. Psalm. 18. a. August. tract. 1. in epist. 10. 1. & de unitat. Eccl. c. 16. & in Psalm. 30. conc. 2. Chrysost. hom. 4. de verbis Esaie.

Eamque docet primum *b* unam esse & consentientem in fide fideique doctrina, & administratione Sacramentorum, quaque sub uno capite suo Christo, unoque vices ejus in terris gerente *c* Pontifice maximo regitur, ac in unitate conservatur.

b Joan. 11. g. 10. c. 17. b. Cont. 6. c. 1. Cor. 1. b. 12. b. de Ephes. 4. a. Cypr. de simp. prael. Iren. lib. 1. cap. 3. Hier. ad Ageruch. epist. 11.

cap. 4. Chrysost. hom. 1. in 1. Cor. c. Cypr. de simp. § lib. 1. epist. 3. § lib. 4. ep. 9. alias ep. 55. § 69. Iren. lib. 3. c. 3. Hier. ad Damasum ep. 57. § 58. Leo epist. 89. ad Vien.

Deinde hanc sanctam *d* esse prædicat, quia per Spiritum sanctum à Christo usque sanctificatur, ut sancti homines & sanctæ leges nunquam in illa desint. Nec ullus extra hujus consortium, sanctitatis particeps esse potest.

d Eph. 5. ep. Cantic. 4. b. 1. Pet. 2. b. Aug. in ench. c. 56. § in Psalm. 85. Bern. serm. 3. in vigilia nat. Greg. l. 35. mor. c. 6. Iren. lib. 3. c. 40.

Tertiò esse *e* Catholicam id est, universalem, adeò, ut per orbem longè lateque diffusa, omnes omnium temporum, locorum, ac nationum homines, qui modò in Christi fide ac doctrina conveniunt, uno quasi materno sinu excipiat, concludat ac salvet.

e Gen. 22. d. Act. 1. b. Marc. 16. d. Luca 24. g. Matth. 28. d. 16. c. Aug. ep. 166. § 170. § Cont. ep. fund. cap. 4. lib. de vera relig. cap. 7. Vincentius Livin. Hier. cont. Lucif. c. 9. Beda in 6. c. Cant.

Quartò esse in eadem Ecclesia Sanctorum communionem, ut qui *f* in Ecclesia velu-

veluti domo Dei familiaque versantur, societatem quandam inter se *f* & unionem servant individuum; & sicuti unius corporis membra, mutuis officiis, meritis & orationibus se invicem juvent. Apud hos est unitas fidei doctrina consentiens, conformis usus Sacramentorum, qui etiam *g* qualescunque demum quorundam errores aut dissensiones incidant, *soliciti * sunt servare unitatem Spiritus in vinculo pacis.* In qua quidem communione non modo sancti Ecclesiæ militantis in terra peregrinantes, verum etiam beati omnes Ecclesiæ cum Christo in *h* cælis felicissimè triumphantis, ac insuper piorum animæ, quæ ex hac vita egressæ, nondum *i* tamen illam beatorum felicitatem sunt consecutæ, simul comprehenduntur.

*f Ephes. 4. c. d. Psalm. 118. b. Col. 1. b. Philip. 5. a. 2. Corinth. 8. c. 1. Joan. 1. b. Rom. 12. b. 2. Corinth. 12. b. August. tract. 32. in Joan. * Eph. 4. a. g. Euseb. Eccl. hist. lib. 7. cap. 19. August. 2. Contra Donat. cap. 6. 3^o epist. 19. Item de vera relig. cap. 6. h August. de tempore serm. 181. cap. 13. in Enchir. cap. 56. i Aug. lib. 20. de civi. Dei c. 9. Greg. lib. 4. Dialog. c. 39.*

Extra hanc sanctorum communionem

B

(sicut

(sicut extra *k* Noë arcam) certum quidem exitium, nulla verò salus mortalibus : non Judæis aut Ethnicis, qui fidem Ecclesiæ nunquam receperunt : non Hæreticis, qui receptam deseruerunt vel corruperunt : non Schismaticis, qui pacem & unitatem Ecclesiæ reliquerunt : postremò neque / Excommunicatis, qui qualibet alia gravi de causa id meruerunt, ut ab Ecclesiæ corpore, ceu perniciosa quædam membra, præscinderentur ac separarentur. Atque istiusmodi omnes, quoniam ad Ecclesiam, ejusque sanctam communionem non pertinent, *m* divinæ gratiæ & salutis æternæ non possunt esse participes, nisi Ecclesiæ, à qua suo illi vitio sunt semel avulsi, primum reconcilientur atque restituantur. Certa est enim *n* Cypriani & o Augustini regula : Non habebit Deum patrem, qui Ecclesiam noluerit habere Matrem.

k Genes. 7. d. 1. Pet. 3. d. Isaia 60. b. August. epist. 50. *Œ* 152. Item de unit. Eccl. cap. 4. *Œ* 19. Fulgent. de fide ad Petrum cap. 37. 78. *Œ* 39. Pacian. ep 2. ad Symp. Iren. lib. 4. cap. 43. Greg. 14. moral. cap. 2. Chrys. hom. 11. in Epist. ad Eph. Conc. Lateran. 1. an. 1. Alcimus Avidius l. 4. cap. 9. 1. Joan. 2. c. Joan. 6. g. *Œ* 13. c. Jnal.

c. Jud. c. 1 *1. Corinthe. 5. a. 1. Tim. 1. d. Num. 12. d. Matth. 18. b. 2. Joan. c. d. 2. Theff. 3. b. d. Cypr. lib. epist. 11. vel epist. 62. August. lib. 1. con. advers. leg. & proph. cap. 17. Euseb. apud Damas. paral. lib. 3. cap. 4. m Aug. serm 181. de temp. cap. 12. & in Psalm. 88. Corinth. 2. Item epist. 204. Cypr. lib. 1. epist. 1. & lib. 4. epist. 2. vel ep. 57. & 52. n Cypr. de simpl. prælato- rum. o August. lib. 4. de Symb. ad Catech. cap. 13.*

XIX.

Quid proponit articulus decimus?

REmissionem peccatorum qua sine justus & salvus esse nullus potest. Hunc autem verè divitem thesaurum Christus a nobis acerba morte, suoque pretioso sanguine comparavit, totus ut mundus peccatis eorumque poenis perpetuis liberaretur.

Cujus quidem thesauri per Christi gratiam participes dumtaxat fiunt ij, *b* qui se Fide & Baptismo ad Christi adjungunt Ecclesiam, & in ejus unitate obedientiaque persistunt. Deinde qui de commissis post Baptismum peccatis *c* poenitentiam seriò agunt, & ijs adversus peccata pharmacis, quæ Christus instituit, hoc est, Sacramentis, convenienter utuntur.

Atque huc spectat potestas, ut vocant, *d* Clavium, quam Christus ad remittenda peccata ministris Ecclesiæ, & in primis Apostolo *e* Petro ejusque successoribus legitimis, utpote summis Ecclesiæ rectoribus, commendavit.

a Esa. 33. *d.* Matth. 1. *d.* 9. *a.* Apoc. 1. *b.* Luc. 24. *g.* Act. 10. *g.* Heb. 9. *d.* 1. Joan. 1. *c.* Eph. 1. *b.* Coloss. 1. *b.* Heb. 1. *a.* *b.* Act. 2. *f.* 8. *b.* *g.* Matth. 16. *d.* Joan. 3. *a.* Aug. in Enchir. cap. 65. 9. de verbis Dom. serm. 11. cap. 20. 9. 22. *c.* 2. Corint. 12. *f.* Act. 8. *d.* Joan. 20. *c.* Apoc. 2. *b.* *d.* Hier. ep. 1. ad Heliud. cap. 7. Aug. hom. 49. cap. 3. 9. 50. cap. 4. 9. 5. Chrysost. lib. 3. de sacerdot. Cypr. lib. 1. epist. 2. vel epist. 54. Luca 10. *f.* Matth. 18. *b.* Joan. 20. *c.* *c.* Matth. 16. cap. Joan. 21. ep. Hilarius can. 16. in Matth. Bern. lib. de consid. cap. 8. Conc. Florent. in literis unionis.

XX.

Quid habet undecimus articulus?

Carnis Resurrectionem, quæ in novissimo die bonis malisque continget. Nam corpus hoc, quod fragile, caducum, multisque morbis & perpetuis ærumnis obnoxium, & post mortem quoque verminibus exedendum circumferimus, tum
revi.

reviviscet cum in extremo illo die mortui omnes, Christo vocante iudice, simul ad vitam & iudicium excitabuntur. Igitur ante Christi a tribunal in carne cuncti apparebunt, ut citra exceptionem unusquisque, prout gessit in corpore suo, quod illi reddetur integrum, sive bonum, sive malum, recipiat.

b *Procedent autem qui bona fecerunt, in resurrectionem vitæ, qui verò mala egerunt, in resurrectionem iudicii, & c in supplicium æternum.*

Hac fide vir bonus & patiens in ærumnis se vel maximis consolatur, ut in supremo etiam vitæ agone dicat, d. Scio quod Redemptor meus vivit, & in novissimo die de terra surrecturus sum, & rursum circumdabor pelle mea, & in carne mea videbo Deum. Prudentes illi sanè, qui terrena hæc & moribunda membra, in iustitiæ & ac virtutis servitutem redigunt; quique corpus hoc veluti vas purum, beatæ præparant immortalitati.

Esai. 26. d. Job. 19. d. Ezech. 37. a. 1. Cor. 15. g. 1. Thess. 4. d. Joan. 11. c. & 5. ep. Matt. 22. c. Dan. 12. a. Phil. 3. d. Hieron. ad Minerium & Alexan. ep. 152. Item ad Pamma. ep.

B 3

61. adver.

61. *adver. Err. Joan. Hieron. c. 9. & Greg. lib. 14. moral. c. 30. & seqq. Aug. in Enchir. c. 84. & seq. Item de civit. Dei lib. 22. cap. 12. & seqq. 22. Cor. 5. b. Rom. 14. b. b. Joan. 5. c. Matt. 13. d. f. c. Matt. 25. d. & 13. g. Athan. in Symb. d. Job. 19. d. Col. 3. a. 1. Pet. 3. c. e. 1. Cor. 9. d. Rom. 6. b. c. d. 1. Cor. 15. f.*

XXI.

Quis est postremus articulus?

DE vita æterna, quam electis post mortem superesse minimè dubitemus. Atque hic fructus & finis est fidei, spei, patientiæ & exercitationis Christianæ. Cujus vitæ consequendæ causa nullum pietatis opus arduum, nullus labor gravis, nullus dolor acerbus, nullum in agendo patienti-
doque tempus diuturnum ac molestum verè credenti debet existimari. Quod si vita hac, quæ calamitatis alioquin plena est, nihil dulcius ac optabilius ducitur; quanto illa demum potior habenda est a quæ ab omni malorum sensu & metu procul abest, quæ cælestibus & ineffabilibus sine fine gaudiis, deliciis ac voluptatibus omni ex parte semper abundat.

De qua vita Christus, *b Nolite timere Pusillus grex*, inquit, *quia complacuit Patri vestro dare vobis regnum.* Qui & in extremo judi-

judicii die dicet electis: *c Venite benedicti Patris mei, possidete paratum vobis regnum à constitutione mundi.* Impiis verò in hunc modum loquetur: *d Discedite à me maledicti in ignem æternum, qui paratus est Diabolo & Angelis ejus.* Id quod e non solum ad Ethnicos, Hæreticos, Schismaticos & palam flagitiosos pertinet: verum etiam ad Christianos, quos in mortali peccato *f* mors opprimit, est referendum.

Adjicitur demum clausula hæc *g Amen*, ut fidei & confessionis hujus Christianæ testimonium apud nos indubitatum esse ac solidum demonstretur.

1. Cor. 2. cap. Joan. 17. a. Matth. 19. b. d. & 25. d. Apoc. 2. b. cap. g. & 3. cap. de Rom. 7. d. & 21. b. 22. a. cap. Rom. 2. b. Tit. 1. a. & 2. d. 3. b. 2. Tim. 4. b. 1. Joan. 2. 3. a. 1. Petr. 1. a. Rom. 6. d. a Aug. de civit. Dei lib. 22. cap. 29. & 30. & lib. 3. de lib. arb. cap. ult. Item serm. 64. de verbis Dom. cap. 4. & seq. & lib. 3. d. Symb. ad Catech. cap. 12. b Luc. 12. d. cap. c Matth. 25. c. d ibidem. d. e Aug. vel Fulgentius in lib. de fide ad Petrum diacon. cap. 18. & 40. f Ezech. 18. a 33. b. Rom. 6. de Sap. 1. d. 1. Cor. 6. b. g Hier. ad Marcellam. epist. 137.

Esne satis Christiano ea sola credere quæ complectitur Symbolum?

Primum & maximè quidem ea, quæ Symbolo traduntur Apostolico, cuius cre-
denda, & apertè *a* profitenda sunt. Ea ve-
rò explicatiora fiunt ex collatione tum Sym-
boli patrum, tum ejus quod hoc Athanasio
inscribitur.

Secundò Christianus, quæcunque Scri-
ptura *b* divina seu Canonica complectitur,
credat neceffè est. Certos verò & *c* legi-
timos scripturæ libros non aliunde, quam
ex Ecclesiæ judicio & auctoritate petere
fas est.

Tertiò huc illa pertinent, quæ partim
ex Symboli articulis, partim ex Scriptu-
ris, velut divinis fontibus, necessariò *d*
deducuntur.

Quartò demùm pro sacrosanctis haben-
da firmissimæque fide complectenda sunt,
quæ Spiritus sanctus credenda nobis reve-
lat, pronunciatque per *e* Ecclesiam, sive
scripto illa, sive vivæ vocis traditione no-
bis commendentur. Qua de re postea com-
modiùs differetur.

Circa hæc igitur omnia fides orthodo-
xa

xa versatur, qua f sine Sectarij omnes frustra sibi ac aliis gratiam ac salutem in Christo pollicentur.

1. *Pet.* 3. c. *Heb.* 5. d. 6. a. a *Ambr. lib.* 3. de *Virg. Aug. lib.* 1. de *Symb. ad Catec. cap.* 1. & *lib.* 2. cap. 1. b 2. *Pet.* 1. d. *Rom.* 15. a. 2. *Tim.* 3. d. c *Toletan.* 1. c. 21. *Aug. serm.* 129. & 191. de temp. *Hieron. in Symb. ad Damasum. Aug. contra epist. fundamenti, cap.* 5. *Trident. Sess.* 4. d *Matth.* 32. c. e *Cyril. ep.* 10. ad *Nestor. in Conc. Nicen.* & *Const. Iren. lib.* 3. c. 4. & *lib.* 4. cap. 45. & 63. *Hier. con. Lucif. cap.* 4. *Vincent. Livinen. con. novatores. f Leo serm.* 4. de *Nativit. Dom.*

CAPUT II. DE SPE, ET ORATIONE DOMINICA.

I.

Quid est Spes?

Virtus est divinitus infusa, per quam certa cum fiducia, nostræ salutis & æternæ vitæ bona à Deo expectantur. Parum est alioquin Deo Deique verbo fidem habere, ac divina, quæ in Ecclesiâ prædicantur, dogmata profiteri, nisi Christianus Dei bonitate percepta, spem inde concipiat ac

B 5

fidu-

fiduciam consequendæ gratiæ & salutis æternæ. Quæ spes tantopere justum fulcit in summis *a* ærumnis, ut etiam si mundi præsidiiis omnibus destituatur, intrepidè tamen dicat *b* *Etiam si occiderit me, in ipso sperabo.* Et, *c* *in Deo speravi, non timebo quid faciat mihi caro,* *d* *Deus meus in te confido, non erubescam.*

Aug. in Ench. c. 8. 1. Cor. 1. d. Rom. 5. a. 8. d. Tit. 1. d. 3. b. 1. Petr. 1. a. 1. Joan. 5. c. Jac. 1. a. Joan. 14. b. 15. a. c. 16. d. Marc. 11. c. Psalm. 26. d. 129. b. 72. d. 6. 1. b. 1. Tim. 4. c. 1. Thess. 5. b. Eph. 6. c. Heb. 6. d. 10. g. a Eccli. 4. Rom. 8. g. Psal. 30. d. Proverb. 28. a. b Job. 13. b. c Psal. 55. a. d Psalm. 24. a.

II.

Qua ratione banc spem licet consequi?

Primum huc pertinet ardens & frequens ad *a* Deum precatio, deinde nutrienda Spes est excitanda quotidiana meditatione bonitatis ac beneficiorum *b* Dei illorum præsertim, quæ Christus Dominus pro immensa in nos charitate sua præstitit ac promisit vel immerentibus. Demum conscientia *c* puritas conjungenda venit, eaque pijs operibus & invicta in adversis patientia semper est comprobanda. *d* Nam quibus bonæ

ET ORAT. DOMIN. 35

bonæ conscientiae testimonium, aut melioris vitae propositum deest, hi spem quam oportet, non adferunt, sed e præsumptionem potius, & vanam omninò fiduciam temerè jactant, quantumvis de Christi meritis Dei que gratia gloriantur.

Spera, inquit *f* Propheta, *in Domino*, & *fac bonitatem*. Idemque rursus: *Subditus esto Domino*, & *ora eum*. Et alius *g* *Bonus est Dominus sperantibus in eum*, animæ quærenti illum. Quam spem ab omni timore *h* disjungendam non esse, satis illud ostendit: *i* *Beneplacitum est Domino super timentes eum*: & *in eis qui sperant super misericordia ejus*.

a 1. *Thess.* 5. *epist.* *Luc.* 11. *b.* & 18. *a.* *Matth.* 7. *b.* *Eccli.* 18. *c.* *b* *Epb.* 2. *a.* *Tit.* 3. *a.* *Rom.* 8. *f.* *Joan.* 5. *epist.* 1. *Joan.* 4. *b.* *Heb.* 10. *d.* *Tit.* 1. *a.* *Rom.* 5. *b.* *d.* 8. *d.* *c* *Prov* 15. *b.* 1. *Joan.* 3. *d.* *August.* *lib.* 1. *de doct. Christi.* *cap.* 37. & 40. & *lib.* 3. *cap.* 10. & *in præf.* *Psal.* 31. *d* 2. *Cor.* 1. *b.* *Heb.* 3. *b.* 10. *g.* *Joan.* 3. *a.* *Coloss.* 1. *cap.* 2. *Pet.* 1. *b.* *c* 2. *Pet.* 2. *d.* *Eccl.* 5. *a.* *b.* *Greg.* 33. *moral.* *cap.* 15. *f* *Psal.* 36. *a.* *g* *Thren.* 3. *epist.* *h* *Greg.* *lib.* 6. *epist.* 22. *ad Gregoriam Bern.* *de festo Magdalene.* *i* *Psal.* 146. *b.*

*Quæ bona sub Spem cadunt, & Christiano
speranda sunt?*

PRæcipue quidem *a* bona illa regni cælestis, quæ homines beant, nec sinunt ulla ex parte miseros esse. Tum illa, quæcunque mortalibus in hac vita *b* conducibilia rectè à Deo desiderantur atque petuntur, in bonis sperandis & expectandis debent haberi. Ea verò præcipue relucet in Dominica oratione, ut pòte quam Christus Dominus *c* ore sacro prodidit, & admirabili sapientia præscripsit omnibus qui spem suam ac vota oratione cupiunt Deo explicare.

IV.

Quæ forma est Dominicæ Orationis?

HÆc est, Pater noster qui es in cælis,
 1. Sanctificetur nomen tuum,
 2. Adveniat regnum tuum,
 3. Fiat voluntas tua sicut in cælo & in terra,
 4. Panem nostrum quotidianum da nobis hodie,
 5. Et dimitte nobis debita nostra, sicut & nos dimittimus debitoribus nostris,
 6. Et ne nos inducas in tentationem,
 7. Sed libera nos à malo, Amen.

Oratio-

ET ORAT. DOMIN. 37

Orationem Dominicam explicans Tertull. & Nyssenus l. de orat. Cyp. serm. 6. de orat. Dom. Cyril. Catech. 5. mystago Chrys. hom. de orat. Dom. & in cap. 6. Matth. Hieron. Theoph. Enthym. in Matth. Ambr. lib. 5. de Sacramentis. c. 4. Aug. ep. 121. ad Probam c. 11. Idem l. 2. de serm. Dom. in monte c. 4. & hom. 42. ex 50. & serm. de temp. 126. 135. & 182. & serm. 9. ex diu. Chrysolog. serm. 67. & seq. Innoc. 3. lib. 5. de mystier Missæ c. 17. seqq. Petrus Laodic. & Germ. Patriarcha Constantinop. in Expos. orat. Dominicæ Cassian. Collat. 9. c. 18. & seq.

V.

*Quæ summam in Dominica oratione
trahantur?*

SEPTem in *a* ea petitiones proponuntur, ad quas referri omnes omnium *b* orationum species & formæ possunt ac debent, siue pro expedendis bonis, siue pro delendis peccatis, siue pro evertendis malis quibuslibet divinam opem imploremus. In prioribus autem tribus petitionibus, ea quæ proprie ad æterna pertinent, ordine poscuntur: in reliquis quatuor etiam temporaria, quæ & ipsa propter æterna consequenda sunt nobis necessaria.

a Aug. in Ench. cap. 115. & lib. 2. de serm. Dom.

Dom. in monte , cap. 10. b Aug. epist. 121. ad Probam. cap. 12.

VI.

*Quid sibi vult initium orationis , Pater
noster qui es in cælis ?*

PRæfatiuncula est , & nos memores reddit summi beneficij , quo Deus Pater , æterna illa majestas in cælis per beatè regnans , nos recepit in gratiam , & propter Christum filium in suos quoque filios & regni cælestis hæredes , per Spiritum sanctum , adoptavit.

Quæ tantorum beneficiorum memoria non solum *a* attentionem excitat , sed etiam ad redamandum Patrem , illique obtemperandum provocat filios , neque minus orandi impetrandique illis *b* auget fiduciam.

Exod. 15. a. c. Esaiæ 42. b. E 63. d. Malach. 1. b. 2. Cor. 1. a. Philip. 4. d. Gal. 4. d. Rom. 8. c. Gal. 4. a. 1. Pet. 3. d. Leo serm. 6. de Nativ. Dom. a Cypr. in serm. de orat. Dom. b Luc. 11. b. Jac. 1. a.

VII.

*Quis est sensus primæ petitionis , Sanctificetur
nomen tuum ?*

IN nobis , quemadmodum in omnibus aliis , promoveri semper & augeri petimus , quidquid ad gloriam summi optimique Patris nostri spectat. Id

ET ORAT. DOMIN. 39

Id verò sit maximè, cum veræ fidei confessio, Spes etiam & Charitas, ac simul Christianæ vitæ sancta a conversatio suam in nobis lucem ac vim exerit, ut spectantes *b* alii quoque glorificent Patrem.

Matth. 5. c. 1. Pet. 2. c. 9. 4. c. 1. Corinth. 10. g. Col. 3. c. Rom. 15. b. Eccli. 36. a. a Luc. 1. g. 1. Pet. 1. c. 3. c. Philip. 2. b. b Matth. 5. b.

VIII.

Quid continet secunda petitio, Adveniat regnum tuum?

PETIMUS, ut per gratiam & justitiam suam regnèt in Ecclesia Deus, imò & in mundo universo, ejectis hinc adversariis potestatibus, & cupiditatibus malis omnibus è medio profligatis.

Tum optamus & precamur, ut ex hoc mundo, veluti è gravi *a* peregrinatione militiaque vocati, quàm primum transferamur ad regnum gloriæ & felicitatis æternæ, ut cum Christo & Sanctis ejus in sempiternum regnemus.

Matth. 6. d. Rom. 14. c. Psal. 22. a 79. a. Luc. 1. c. 17. c. 1. Cor. 3. c. 4. d. Ephef. 1. d. Matth. 13. f. 1. Cor. 15. c. d. Col. 1. b. Psal. 67. a. a Phil. 1. d. Heb. 11. c. 1. Pet. 2. b. Job. 7. a. 2. Cor. 5. a. b. Sap. 5. c. Apoc. 22. a. Matth. 8. b.

IX. *Quid*

Quid includit tertia petitio, Fiat voluntas tua?

ROgamus, ut sicut in cælo Angeli & Beati omnes, nos quoque in terris, quamvis imbecilles, & exigui, exactam Deo præstemus obedientiam, nihil habentes prius, quàm ut divinæ voluntati tum in prosperis, tum in adversis libenter nos subjiciamus, & nostra, *a* quæ ad malum prona est, voluntate rejecta, in *b* divinâ semper acquiescamus.

Psal. 102. d. Rom. 1. b. Act. 9. a. 21. ep. Deut. 12. Heb. 13. d. Jac. 4. d. Luc. 22. c. 1. Pet. 4. a. Act. 5. ep. Job. 1. d. 1. Pet. 5. c. a Gen. 3. d. Matt. 22. de Bern. Serm. 3. de resurrect. b Joan. 4. c. 5. ep. 6. d. 1. Reg. 3. d.

X.

Quid habet quarta petitio, Panem nostrum quotidianum da nobis hodie?

AB omnis boni auctore ac fonte nos, veluti pauperes & mendici, ea desideramus, quæ ad hanc vitam corporis quotidie sustentandam sunt satis, victum scilicet & vestitum: præterea quæ ad vitam animæ promovendam faciunt, nimirum *a* verbum Dei, animæ spirituale pabulum, *facro-*

ET ORAT. DOMIN. 41

cro sanctam *b* Eucharistiam, panem illum
cælestem ceteraque salutifera Ecclesiæ Sa-
cramenta, ac Dei Dona, quæ ad bene bea-
teque vivendum pascunt, curant, confir-
mant hominem interiorem.

*Jac. 1. a. c. Psalm. 39. d. Deut. 10. d. Gen. 28.
d. 1. Tim. 6. b. Prov. 30. a. Psal. 144. c. a Matt.
4. a. Amos. 8. c. Eccli. 15. a. Prov. 9. b. b Matt.
26. c. 6. b. Joan. 6. 5. Hier. in 6. cap. Matt. Cypr.
in serm. de orat. Dom. Ambr. lib. 5. de Sacram.
cap. 4. Aug. lib. 2. de serm. in monte. c. 7.*

XI.

*Quo pacto intelligitur quinta petitio, Dimitte
nobis debita nostra?*

Hic petimus à labe peccati, quo nihil foe-
dius, nihil animæ pestilentius esse po-
test, clementer expurgari, & ea ipsa quæ
peccando contraximus, debita relaxari. Ne
verò frustranea sit precatio, animo in pro-
ximum perperam affecto, illud addimus,
nos vindictæ *a* cupiditate ac similitate po-
sita, cum proximis in gratiam rediisse, &
cuius ex animo noxam condonasse. Hoc
est enim quod Christus alibi voluit, cum
diceret: *b* Dimittite, & dimittimini. Et ite-
rum, *c* Si non dimiseritis hominibus, nec Pa-
ter vester dimittet vobis peccata vestra.

Thren.

Thren. 4. b. 1. Cor. 10. b. Lev. 26. c. Nu. 5. a. e. Ex. 32. f. g. Luc. 7. g. Tob. 12. c. Sap. 16. b. Psal. 50. a. a Rom. 12. d. Col. 3. b. Luc. 23. ep. Act. 7. g. Marc. 11. c. Eph. 4. g. b Luc. 6. f. c Matth. 6. b. 18. d. ep. Eccl. 22. a. Aug. in Ench. cap. 74.

XII.

Quid continet sexta petitio, Et ne nos inducas in tentationem?

QUoniam præsens hæc vita perinde ac militia est super terram, dum variis tentationibus semper impugnamur, graviterque cum mundo, carne & Satana conflictamur; idcirco piè solliciti divinam opem imploramus, ne hujusmodi adversariorum impugnationibus succumbamus, atque succumbendo damnemur; sed ut in hac perpetua pugna durantes, Deique dextra nitentes, potestati Satanæ resistamus fortiter, contemnamus mundum, castigemus carnem, atque ita demum veluti invicti milites Christi, post victoriam coronemur. *a Neque enim coronabitur, Apostolo teste; nisi qui legitime certaverit.*

Job. 7. a. Judit. 8. c. Tob. 3. d. 12. c. Matth. 4. a. b. 26. d. Heb. 2. d. 2. Thess. 3. a. Joan. 2. c. & 5. a. Matth. 16. d. 1. Cor. 9. d. 10. c. Jac. 4. b. & 1. b. 1. Pet. 5. c. 2. Pet. 2. b. Eph. 6. b. c. Col. 3. a. Apoc. 2. b. c. g. 2. Tim. 4. b. a 2. Tim. 2. a.

XIII.

XIII.

*Quid est in septima & postrema petitione ,
Libera nos à malo ?*

PRecamur ad extremum , ut hujus seculi calamitatibus, quibus exercentur etiam pii , non sinat nos Deus perdi & everti cum impiis , sed ut benignitate sua nos liberet , quatenus salutis nostræ convenit , atque ab omni malo cum corporis, tum animæ , sive in hac vita, sive in futura propitiis tueatur. Nam & ipse ita promisit, *a Invoca me in die tribulationis, eruiam te, & honorificabis me.*

Demum totam precationem hac una voce *b Amen*, claudimus, ut nostram in orando simul & impetrando fiduciam comprobemus, tum propter Christi, qui non fallit, promissionem, *c Petite, inquit, & dabitur vobis* : tum propter Patris erga nos immensam clementiam & propensam in omnes misericordiam, ut hinc Joannes dixerit, *d Quodcunque petierimus secundum voluntatem ejus, audit nos.*

3. Reg. 8. d. Prov. 10. d. Eccli. 23. a. Hier. 2. c. Tol. 1. d. & 2. c. Eccli. 27. a. Apoc. 3. b. Psalm. 24. cap. d. Psalm. 30. a. b. cap. & 33. a. b. d. a. Psalm. 49. cap. b 2. Corint. 1. d. Ambr.

Ambr. in Psal. 40. Hieron. in cap. 6. Matth. c Matth. 7. b. Lu. 11. b. Joa. 16. d 1. Jo. 17. 5. c.

XIV.

Quæ est summa orationis Dominica?

Formulam absolutam continet non solum orandi ac postulandi bona, verum etiam deprecandi ac fugiendi mala quælibet.


Inter bona verò primum est illud expetendum, ut Pater cælestis ab omnibus semper & ubique glorificetur, deinde verò ut illius regni participes efficiamur: tum ut ea nobis adminicula suppetant, quibus ad regnum Dei commodè pervenitur. Quale est ex parte quidem animæ nostræ, voluntati divinæ conformari; ex parte verò corporis victum habere necessarium.

Quæ autem secundo loco ad finem usque totius precationis adduntur, affectum exprimunt mala deprecantis, ut Dei gratia virtute aut penitus illa removeantur, peccata nimirum bonorum omnium corruptelæ, & reliquorum lernæ malorum; aut eadem sic temperentur; ne sua vi salutem consequendæ officere possint. Ejusmodi sunt variae in hoc mundo tentationes, & quælibet tum præsentis, tum futuræ vitæ calamita-

mita-

ET ORAT. DOMIN. 45

mitates. Reliqua de Oratione tractanda, in eum reservabuntur locum, qui bonorum operum genera triplicia declarabit.



DE SALUTATIONE ANGELICA.

XV.

Quæ salutatio dici Angelica solet?

EA, quæ sanctissimæ Virgini Dei quæ matri his verbis defertur: *Ave Maria gratia plena, Dominus tecum; benedicta tu in mulieribus, & benedictus fructus ventris tui JESUS. Sancta Maria Mater Dei, ora pro nobis peccatoribus nunc, & in hora mortis nostræ, Amen.* Lucæ 1. c. ep. Chrys. & Jacob. in Liturgiis. August. serm. 2. de Annunc. Ambr. in c. 1. Luc. Chrysolog. ser. 140. & seq. Bern. hom. 3. super Missus est. Fulgent. in serm. de laud. B. V.

XVI.

Unde hic modus Deiparam Virginem salutandi profuxit?

Primum ex Evangelicis verbis & exemplis nata est hæc salutatio, quando, nos ita docent afflati divino Spiritu, magnus Gabriel Archangelus, a- & præcursoris Domini mater sancta Elisabetha.

Dein-

46 DE SALUTATIONE

Deinde confirmat nobis hanc salutandi formulam usus, & consensus Ecclesiæ perpetuus, quem sancti Patres *b* & majores in hunc usque diem religiosissimè observarunt, ac observari à nobis voluerunt.

a *Lucæ* 1. c. ep. *b* *Athanz. in Evang. de sanctiss. Deipara & plures alij.*

XVII.

Quid prodest hujusmodi Salutatione uti?

HIs præclaris verbis admonemur primùm summi beneficii, quod per Mariam Deiparam æternus Pater inchoare voluit in Christo, & humano generi redimendo clementer exhibere. *Galat. 4. a.*

Tum insignis hæc est commendatio sacrosanctæ & admirandæ Virginis, quam nobis Deus inventricem gratiæ ac vitæ genitricem esse decrevit. *Luc. 11. d. 1. cap.*

Quare nihil mirum, si post pia vota, quæ in precatione Dominica Deo commendavimus, hic acceptæ per Christum gratiæ memores, non modo Christi matrem, sed etiam Deum patrem in eadem Virgine Deipara laudemus, & collætantes Angelis, eandem reverenter, & sæpe quidem salutemus.

XVIII.

Quis est hujus salutationis sensus ?

PRimis quidem verbis jure gratulamur , & gratulando prædicamus eam, quæ nobis Evam secundam , eamque felicem præstitit. Etenim quod illa prior mundo intulit Væ maledictionis , hæc suo salutifero partu sustulit , ipsamque maledictionem filiorum Adæ , benedictione perpetua commutavit. †

Digna quidem illa, quæ *Gratia plena* prædicetur , ut quæ plena Deo , plena virtutibus , sola (nam Ambrosii verbis utemur) gratiam , quam nulla alia meruerat. Consecuta est , ut gratiæ repleretur auctore. Et quis potuit in ejus anima vel corpore locus esse vitiorum , quando sancti sanctorum est templum effecta ? *

Additur porro , *Dominus tecum* ; quia & virtus Patris illi singulariter (a) obumbravit , & Spiritus sanctus cumulatissimè supervenit , & (b) verbum caro factum ex illa tanquam sponsus de thalamo suo , admirabiliter processit. Ad hæc , *Benedicta in mulieribus*, quia (c) virginitate sponsæ simul & fecunditate mater existit , quam proinde summo jure (d) beatam dicunt , semperque

& Deus, ea propter & Mater quæ eum genuit, Regina, & Domina, & Deipara propriè & verè censetur. Ista nova Eva Mater vitæ appellatur, variegataque permanet ad primitias vitæ immortalis omnium viventium. Dicimus eam igitur iterum atque iterum & semper & undequaque beatissimam. Ad te clamamus, recòrdare nostri sanctissima Virgo, quæ etiam à partu Virgo, permansisti: *Ave gratia plena, Dominus tecum*: beatam te prædicant omnium Angelorum & terrestrium hierarchiæ. *Benedicta tu in mulieribus, & benedictus fructus ventris tui*. Intercede Hera, & Domina, & Regina, & Mater Dei pro nobis. *In Evangel. de S. Deipara.*

GREGORIUS NAZIANZEN.

In trag. Christus.

O ter beata Mater, ô lux Virginum,
 Quæ templa cæli lucidissima incolis,
 Mortalitatis liberata sordibus,
 Ornata jam immortalitatis es stola:
 Verbis benignâ ab alto aurem exhibe meis,
 Measque Virgo, suscipe, obsecro, preces,
 Nam solus est honor hic tibi à mortalibus,
 Quæ facta verbi Mater es divinitus,
 Confusus unde verba persolvo tibi,

52 DE SALUTATIONE

Plexamque de prato coronam florido
 Tibi offero regina, quod me plurimis
 Dignata quondam gratiis, variis adhæc
 Me liberas semper calamitatibus.
 Multisque defensas ab adversariis,
 Tam qui videntur, quam videri qui haud
 queunt.

Me flecte tandem, quomodo in vita auctior
 Virtute fiam teque semper præsidem
 Vitæ meæ, ac demum benignam ac sedulam
 Habeam advocatam filio coram tuo,
 Cum cæteris charis Deo virgunculis.
 Ne me ergo tradier finas tortoribus,
 Aut perditori hominum fieri ludibrio:
 Adsisce & à tenebris & igne libera:
 Fac ut fide tuaque salver gratia
 Per te ex De nobis profecta est gratia.
 Quare hunc tibi hymnū pango Charisteriō:
 Salve puella gratiosa, mater &
 Virgo omnium castissima ac pulcherrima,
 Exercitibus præstantior cælestibus,
 Regina mundi gaudium mortalium,
 Semper benignam te exhibe mortalibus,
 Mihi que sis salus ubique maxima.

*In quo sane carmine magnus ille Theologus
 B. Mariam V. invocat cum Aug. serm. 18.
 de sanct. & titulis insignibus ornat.*

Augu-

Augustinus (a) Sancta Maria succurre miseris, juva pusillanimes, refove flebiles, ora pro populo, interveni pro clero, intercede pro devoto foemineo sexu: sentiant omnes tuum juvamen, quicunque celebrant tuam commemorationem: *Fulgentius* (b) facta est Maria fenestra cæli, quia per ipsam Deus descendit ad terras, ut per ipsam homines ascendere mereantur ad cælos. Facta est Maria restauratio foeminarum, quæ per ipsam à ruina primæ maledictionis probantur esse subtractæ.

(a) *Serm. 2. de Annunt. Domini.* (b) *Serm. 2. de laudibus Mariae.*

Bernardus: Virgo regia ipsa est via, per quam Salvator advenit, procedens de ipsius utero, tanquam sponsus de thalamo suo. Per te accessum habeamus ad filium, ô benedicta inventrix gratiæ, genitrix vitæ, mater salutis; ut per te nos suscipiat, qui per te datus est nobis.

Serm. 2. de Advent. Lege eundem hom. 2. super Missus est &c in illud Apocal. Signum magnum apparuit. Item serm. de Nativitate Virginis.

][✠]]

CAPUT III.
DE CHARITATE ET DE-
CALOGO.

I.

Estne satis Christiano, in fidei ac spei doctrina institui?

Refert summopere, illum qui Fidem ac Spem est consecutus, Charitate quoque præditum esse. Nam de his tribus conjunctim docet Paulus, (a) *Nunc manent*, inquit, *Fides, Spes, Charitas, tria hæc: major autem horum est Charitas.*

Magna certè Fides, quæ satis esse (b) queat ad montes transferendos, & patranda miracula. Magna etiam Spes, salutis quædam (c) galea & ancora, quæ proposita Dei bonitate & præmii magnitudine, tum efficacem consolationem laborantibus, tum fiduciam singularem precantibus suggerit. Maxima verò Charitas (d) virtutum omnium princeps, quæ modum finemque nescit, uec morientes deserit, morte ipsa fortior, quâ sine fides & spes Christiano quidem inesse, sed ad benè beateque vivendum (e) sufficere minimè possunt. Unde à Joanne dictum est: (f) *Qui non diligit, manet*
in

in morte. quamvis interim credat ac speret ille, ut fatuæ virgines in (g) Evangelio nobis exemplo esse possunt.

(a) 1. Cor. 13. d. (b) 1. Cor. 13. a. Marc. 11. c. Matth. 7. c. (c) 1. Thess. 5. Eph. 6. c. Hebr. 6. d. (d) Prospe. l. 3. de vita contempl. c. 13. & 15. Aug. in Psal. 47. Idem tract. 5. in epist. Joan. Item in enchir. c. 117. & ser. 53. de temp. (e) Aug. 15. de Trin. c. 18. (f) 1. Joan. 3. c. (g) Matth. 25. a. Aug. ser. 23. de verb. Dom. cap. 4. & 8.

II.

Quid verò est Charitas?

Virtus infusa divinitus, qua sincerè diligitur propter se Deus, & propter Deum proximus.

Diligendus enim præcipuè est Deus in omnibus, (a) & super omnia, & propter se solum, ut qui unus summum, æternumque bonum existit, quod solum nostros explet animos: cujus amor & (b) honor nostræ tum voluntatis, tum actionis omnis initium & scopus esse debet.

Deinde propter (c) Deum amandus proximus: hoc est; citra discrimen (d) homo quilibet, quando inter nos omnes proximi maximaque propinquitate conjuncti sumus secundum eandem scilicet naturam

humanam filiis Adæ communem, & ob divinam gratiam æternamque gloriam cunctis, qui velint, communicabilem.

Matth. 22. d. Luc. 10. c. Marc. 12. c. Aug. l. 3. de Doctr. Christ. c. 10. (a) Bern. in tract. de diligendo Deo. (b) 1. Cor. 10. g. Col. 3. c. (c) Aug. bom. 38. & 50. (d) Aug. in Psal. 118. concione 8. item serm. 53. & 59. de temp.

III.

Quot sunt charitatis præcepta?

DUO quidem summaria: quorum primum de diligendo Deo, sic (a) in veteri novaque lege proponitur, *Diliges Dominum tuum ex toto corde tuo, & ex tota anima tua, & ex tota mente tua, & ex omnibus viribus tuis. Hoc est primum & maximum mandatum: Secundum autem simile est huic; Diliges proximum tuum sicut teipsum: In his duobus mandatis universa Lex pendet & Propheta.*

Hæc charitas est (b) plenitudo legis & summa justitiæ, hoc est, (c) vinculum perfectionis: Charitas in quam (d) de corde puro, & conscientia bona, & fide non ficta.

(a) *Deut. 6. a. Matth. 22. d. Mar. 12. 6. Luc. 10. c. Greg. l. 10. Mor. cap. 6. & 7. (b) Ro. 13. (c) Col. 3. c. (d) 1. Tim. 1. 4.*

IV.

ET DECALOGO. 57

IV.

Quo indicio se prodit sincera charitas?

PROBATIO (a) dilectionis seu charitatis, exhibitio est operis, & divinorum observatio mandatorum. Unde & Joannes Christo dilectus inquit: (b) *Hæc est vera charitas Dei, ut mandata ejus custodiamus: & mandata ejus gravia non sunt: Et rursum: (c) Qui dicit se nosse Deum, & mandata ejus non custodit mendax est, & in hoc veritas non est. Qui autem servat verbum ejus, verè in hoc charitas Dei perfecta est. In hoc scimus, quoniam in ipso sumus.*

Quin etiam Christus ipse docet, (d) *Si diligitis me, mandata mea servate. Qui habet mandata mea, & servat ea, ille est qui diligit me. Qui autem diligit me, diligetur à patre meo; & ego diligam eum, & manifestabo ei meipsum. Qui non diligit me, sermones meos non servat.*

(a) Greg. hom. 30. in Evang. (b) 1. Joan. 5. a: (c) Joan. 2. a: (d) Joan. 14. b. c.

V.

Quæ sunt mandata Dei, ad Charitatem præcipuè spectantia?

DECem Dei verba primum per Moysen Judæis tradita, & deinde per Christum & Apostolos (a) Christianis omnibus com-

C 5

men-

58 DE CHARITATE

mendata, quæ & Decalogi nomen obtinuerunt, atque ita recensentur.

Exod. 20. a. b. 34. d. Levit. 19. a. b. Deut. 4. a. b. 5. a. b. 10. (a) Matth. 19. c. 5. c. 22. b. Marc. 10. 12. c. Luc. 18. 10. e. Rom. 2. b. 7. b. 13. c. Galat. 5. c. Jacob. 2. b. 1. d. 4. c. 1. Tim. 1. b. Concil. Trident. sess. 6. can. 19. 20. 21. (b) Levit. 26. a.

I. Ego sum Dominus Deus tuus.

Non habebis Deos alienos coram me.

Non facies tibi sculptile, (b) ut adores illud.

II. Non assumes nomen Domini Dei tui in vanum.

III. Memento ut diem sabbati sanctifices.

IV. Honora patrem tuum & matrem tuam ut sis longævus super terram, quam Dominus Deus tuus dabit tibi.

V. Non occides.

VI. Non mæchaberis.

VII. Non furtum facies.

VIII. Non loqueris contra proximum tuum falsum testimonium.

IX. (c) Non concupisces uxorem proximi tui.

X. Non domum, non agrum, non servum, non ancillam, non bovem, non asinum, & universa quæ illius sunt.

Ex.

ET DECALOGO. 59

Exponunt Decalogum. Orig. in Exo. homilia 8. August. quæst. 71. in Exo. & Tract. de decem plagis & lib. de decem chordis. (c) Deut. 5. c.

VI.

*Quid sibi vult hoc exordium: Ego sum
Dominus Deus tuus?*

DEcalogum exorditur Deus à notitia sui, & ab insinuatione majestatis suæ, ut cognitum Legislatorem magis revereamur, ejusque propositis mandatis major apud omnes auctoritas constet. Nempe tam serio nobiscum agitur, ut si unquam (a) salvi esse velimus, hic velut in clarissimo speculo, divinæ majestatis voluntatem, omnemque rectè vivendirationem certò contemplemur, agnitamque legem illam sanctissimam (b) adjuvante Christi Spiritu, accuratè servemus.

Nec enim præcipit solùm, sed (c) benedictionem quoque promittit, & opera tribuit noster Legislator: (d) *Spiritum meum, inquit, ponam in medio vestri, & faciam ut in præceptis meis ambuletis, & judicia mea custodiatis & operemini.*

Quare cum Christus (e) etiam præcepisset, *Tollite jugum meum super vos, ne quis causaretur difficultatem, adjecit, Jugum enim*

60 DE CHARITATE

meum suave est, & onus meum leve, ijs, videlicet, qui gratiæ spiritu imbuti, in charitate non ficta ambulant.

Deut. 6. a. d. 4. 10. d. Malach. 1. b. d. Hier. 32. c. Psal. 46. a. (a) Matth. 5. c. 19. c. 28. d. Heb. 5. c. Psal. 118. a. c. 1. Joan. 3. d. Aug. qu. 140. super Exodum. (b) Rom. 8. c. Joan. 1. c. Phil. 4. c. (c) Ps. 83. b. Deut. 28. a. b. Lev. 26. a. b. (d) Ezech. 36. f. & 11. d. (e) Matth. 11. d. 1. Joan. 5. a. Concil. Trid. sess. 6. cap. 11. & can. 18. Chrys. l. 1. de compunct. cordis. Basil. quæst. 176. in regulis brevioribus. Aug. de nat. & grat. c. 43. & 69. Item ser. 61. & 121. de temp. Hieron. in Symbol. ad Damasum.

VII.

Quid complectitur in primum præceptum?

Prohibet ac damnat idololatriam, observationes superstitiosas, usum etiam artis magicæ vel divinatoriæ.

Docet etiam atque exigit ut nullam prorsus (a) creaturam, quantumvis excellentem, pro Deo habeamus, sed solum unum verum, æternum, immensumque Deum credamus & confiteamur, ei que uni sacrificium & singularem summumque (b) cultum quem Græci *latreian* appellant, exhibeamus.

Hoc fit, ut super (c) omnia colamus, in-
voce-

vocemus, adoremus summum illud æternumque bonum, optimum maximum Creatorem, Redemptorem, Salvatorem, unum & immortalem Deum, (d) qui est super omnia benedictus, omnis gratiæ & gloriæ largitorem.

Deut. 12. a. 4. b. 1. Reg. 28. a. Ps. 113. b. c. Levit. 19. f. 20. a. e. Eccli. 34. a. (a) Aug. lib. 10. de civ. Dei, ca. 1. & epist. 49. ad Deogratias. q. 3. . (b) Aug. 10. de civit. Dei. c. 1. & 4. Contra Faust. lib. 15. ca. 9. & l. 20. c. 21. (c) Joan. 4. c. Rom. 10. 1. Joan. 4. b. c. Matt. 4. b. Luc. 4. b. Esa. 43. a. b. 1. Tim. 6. c. (d) Rom. 9. b. Psalm. 83. d.

VIII.

*Quomodo præter Deum Sanctos colimus
& invocamus?*

DE sanctis, hoc est, sanctificatis & in Christo renatis omnibus hoc loco non agimus, sicut (a) Paulus hoc nomen ad Christianos omnes crebrò refert: sed eos intelligimus, qui vera suæ sanctitatis (b) in cælo præmia sunt consecuti. De quibus idem Paulus testatur, quod (c) *per fidem vicerunt regna, operati sunt justitiam & adepti sunt repromissiones.*

(a) Rom. 1. a. 2. Corinth. 1. a. Philip. 4. d. Col. 1. a. Phila. b. (b) Apoc. 7. cap. d. (c) Heb. 1. f.

Ac hi verè quidem sancti & immaculati, sine macula & ruga, (d) hæc præstantiora Ecclesiæ membra, & electa prorsus organa divini Spiritus, in quæ peccatum ac malum jam nullum cadere potest. Qui sancti partim ex Angelica, partim ex humana natura constant, creaturæ quidem illæ omnium nobilissimæ ac beatissimæ, quibus datum est, ut summis & æternis in cælo bonis affluant, & (e) cum Christo Domino semper conjunctissimè vivant.

(e) *Phil. 1. e. 2. Cor. 5. a. b. Greg. 4. mora cap. 32. Nyssen. de S. Ephrem. Ephrem. lib. 1. de compun. cordis. c. ult.*

Igitur & illius gratia, quæ apud nos in terris geruntur, possunt (f) intelligere: & quoniam eximia in fratres etiam absentes charitate flagrant, salutis nostræ cura (g) tanguntur, nobis perpetuò favent, & optant quæque salutaria; tantoque studiosius causam nostram agunt, quo sunt minus de se ipsis solliciti, quoque majorem sinceræ (b) charitatis ac virtutis omnis, quæ beatis congruit, perfectionem continenter exercent.

(f) *Greg. li. 12. mor. c. 13. 2^o lib. 4. dial. ca. 33. Aug. de cura pro mortuis, cap. 15. 2^o 16. Orig. cont. Celsum lib. 8. 4. Reg. 5. g. 6. b. 1.*
Co-

Corint. 14. ep. (g) Dan. 10. c. d. Matth. 18. b. Heb. 1. d. Tob. 12. c. Luc. 15. b. Nazian. or. 19. Ael. 5. d. 12. a. Apoc. 5. b. 8. a. Cyprian. de mortalitate. Naz. or. 19. (h) Hier. in Vigil. cap. 2. & 3. Bern. in Vig. Pet. & Pauli. & ser. in fest. cor. Item ser. 2. de S. Victore.

Est igitur cur hæc cæli lumina, & Ecclesiæ firmamentum, simul & ornamenta post Deum maxima (i) veneremur: est cur sanctos hos præ cæteris mortalibus, quantumlibet excellentibus, magni faciamus, prædicemus, imitemur, & amemus plurimum: est cur eosdem tanta taliq̃ue dignitate jam auctos, magnis afficiamus honoribus, pro nostra quidem exiguitate: est denique cur eos ipsos pro Christiana pietate compellemus sive (k) invocemus, non sanè ut per se largiantur, sed ut apud Deum omnis boni largitorem nobiscum precentur, sintq̃ue vel immerentibus faventes & efficaces intercessores.

(i) *Damasc. lib. 4. orth. fid. c. 16. (k) Basil. in 40. Mart. & in Mamantem. Nazian. or. 18. in Cypr. 21. in Athanas. & 20. in Basilium. Nys-sen. de S. Ephrem. Chrys. in ser. de catenis & gladio S. Petri. Amb. de viduis & de fide resur. & in ca. 22. Luc. Chrysost. hom. 66. ad populum E-sfram. de laudibus Mart. Hieron. in Epitaph. Paula*

Paulæ ep. 27. c. 1. 7. 14. Aug. de cura pro mon. c. 4. 2^o lib. 7. cont. Don. c. 1. Ber. ser. 66. in Cantic. Theod. 1. 8. Grac. aff. 2^o in Philoth. Prudentius in l. perì serànon, 7. Syn. actio 6. Vide etiam supra in Salut. Angel. Gen. 48. c. Job. 5. a. G. 32. f. Oseæ 12. a. Zach. 1. c. Hieron. 15. a.

Cujusmodi cultus & invocatio si recte fiat, nimirum ut summus ille (l) cultus & honor summo Deo debitus, quem *latreian*, diximus, integrè constet, nihil sanè habet incommodi, neque cum scriptura (m) pugnat, sed firmis Ecclesiæ testimoniis comprobatur, multumque affert utilitatis.

(l) *Aug. lib. 10. de civit. Dei. c. 1. 2^o lib. 20. cont. Faust. c. 21. Item lib. 8. de civit. Dei. c. 27.*
 (m) *Rom. 15. g. Heb. 13. c. Eph. 6. c. Col. 4. a. 1. Th. 5. d. 2. Thess. 3. a. Luc. 7. a. Job. 42. b. c.*

Quod autem hunc in modum sanctos colimus, & cum Ecclesia invocamus, adeò Christi Salvatoris & Domini nostri gloriam (n) non obscurat, ut etiam magis illustret, amplificet, augeatque. Hic enim Christi Redemptoris virtus eximia splendet ac gloria, quod is non quidem in se tantum sed in (o) sanctis etiam suis est, apparetque potens, gloriosus, mirabilis: quod eosdem (p) honorat ipse, nimisque (q) honorari vult

ET DECALOGO. 65

vult in cælo & in terra : quòd per eos itidem , & propter (r) eos multa largitur , & parcit sæpè immerentibus. Nec enim obscurum est , quòd (s) Abraham , Isaac , Jacob , David , Hieremias , quanquam defuncti , vivis tamen profuisse legantur.

(n) *Trid. sess. 25.* (o) *Psal. 67. g. Jo. 14. b. (p) Jo. 12. d. Matt. 19. d. Luc. 19. cap. Apoc. 2. g. 3. d.* (q) *Pf. 138. d.* (r) *Cbrysf. hom. 2. in Pf. 50. & hom. 27. in Matt. & 22. in Gen. Item ser. de virtutib. & vitiis.* (s) *Gen. 26. a. ep. Ex. 32. c. 3. Reg. 11. b. f. 15. a. Esai. 37. g. 4. Reg. 8. ep. & 19. g. 20. a. 2. Mach. 15. b. c.*

Unde Patres cùm de Sanctis loquuntur , (t) suffragatores eos & intercessores patronosque nostros frequenter appellant. Nec immeritò sanè , quòd Sanctorum fida suffragia , cùm humiliter & piè in Christi nomine implorantur , experientia teste multis opitulentur.

(t) *Ambr. de viduis. & in c. 21. Luc. Leo serm. 1. & 2. de Petro & Paulo & in sermonib. de anniversar. Pontif. Paulin. ad Cytherum & de B. Felice Maximus de Taurinen. Martyribus. Basil. in 40. Mart. August. quest. 180. in Exod. Euseb. de præpar. Evang. lib. 13. cap. 7.*

Quam jam pridem damnati sunt : (u) Vigilant-

gilantiani, qui Sanctos & horum (x) Reliquias sacras suis fraudant honoribus, quos illis Ecclesia tribuit orthodoxa.

(u) *Hieron. contra Vigilant. cap. 2. & seq. & in epist. 53. ad Riparium & in cap. 6. 5. Esai. 2. Synod. Nicæn. & Gangrenf. (x) 4. Reg. 13. ad d. Aug. 22. de civ. Dei cap. 8. Dam. lib. 4. c. 16. Bas. in Psal. 115. Chrys. in Juv. & Max. Item in Babylam & in serm. de catenis & gl. S. Pet. Naz. Amb. 18. Amb. ep. 85. & serm. 91. & 93. Trid. Sess. 25. Act. 19. b. 5. c. Luc. 8. f. Matt. 14. d.*

Nec audiendi etiam calumnitatores, qui fiagunt (*) divinum honorem in homines hac ratione transferri, Sanctos pro diis adorari, creaturas creatori à Catholicis exæquari. Nam longè secùs rem habere, cùm alia multa convincunt, tum vetus & solemnis illa testatur supplicatio, quam Litaniam vocant, ubi Deus divinæque personæ primùm, ac multò quidem sublimius quam (y) Sancti & Sanctorum ordines omnes coluntur & invocantur. Hinc & illæ de Sanctis institutæ feriæ quas Augustinus, adversus Faustum Manichæum scribens, (z) ita defendit: Populus Christianus, inquit, memorias Martyrum religiosa solemnitate concelebrat, & ad excitandam imitationem,

tationem,

ET DECALOGO. 67

tationem, & ut meritis eorum confocietur, atque orationibus adjuvetur.

* *Gen. 19. a. 23. a. 33. a. b. 42. b. Josue 5. d. 1. Reg. 20. g. 25. d. 4. Reg. 2. c. 1. Paral. 29. ep. (y) Bern. ser. de 4. modis orandi. Victor. lib. 3. de persecut. Vuandal. (z) lib. 20. cont. Faust. cap. 21. in Psal. 88. Con. 3. & serm. 47. de sanctis. Bernardus in vigil. Petri & Pauli. Isid. lib. 1. de offic. Eccl. cap. 34. 35.*

IX.

Pugnatne cum hoc primo præcepto usus receptus imaginum Christi atque Sanctorum?

HAudquaquam: quia non, sicut (a) Ethnici solent, adoramus sculptilia, ligna, lapides, perinde ac (b) Deos quosdam (id enim hoc præcepto cavetur maximè) sed more Christiano ac mente pia Christum ipsum & sanctos illic veneramur, ubi per imagines propositas nobis (c) repræsentantur.

Ita tum præsens, tum vetus (d) Ecclesia summo consensu docet, commendans nobis pias & venerandas Imagines, ut quarum usum Apostolica etiam traditione commendatum acceperimus, sacrosancta Patrum Synodo approbatum retineamus. Imò & veteri (e) Synagogæ suas Deus imagines dedit.

Qua-

Quapropter damnatus est (f) error Iconoclastarum, ut qui inter simulachra Deorum & imagines Christi atque Sanctorum discrimen nullum constituerent; neque rationem temporis gratiæ seu novæ Legis haberent, quo Deus homo factus, imaginem similitudinemque (g) suam initio à se creatam ipse induit, atque in ea se nobis repræsentavit. Neque solùm imperitus error, sed etiam nefandus istorum (h) furor est, qui sacris à locis imagines ipsas, & in his Dominicam quoque crucem ejiciunt, ac sacrilegis manibus sacra ferè omnia, ubi possunt, demoliuntur.

(a) *Baruch. 6. d. Deut. 4. c. 5. a. Psal. 113. b. 134. c. Sap. 14. b. c. d. 1. Cor. 1. o. b. 8. b.*
 (b) *Lev. 26. a. Tert. lib. 2. adversus Marcionem c. 22. (c) Basil. de Spir. sanct. c. 18. Damasc. lib. 4. c. 17. orth. fid. Athanas. ser. 4. cont. Arian. (d) 7. Syn. Item 8. Syn. Can. 3. Aug. l. 1. de conf. Evang. c. 10. Damascus in vita Silvestri. Athanas. de pass. imagin. c. 4. Greg. lib. 9. ep. 9. 1. 7. ind. 2. ep. 53. 1. 109. Dam. l. 4. c. 7. orth. Euseb. lib. 7. Eccl. Hist. c. 14. Sozo. l. 5. c. 20. Nicephor. l. 2. c. 7. 1. 43. 1. lib. 6. c. 16. Nice-
 tas de imp. Manuelis Comm. lib. 5. 1. Jo. Conn. Jonas Aurel. de imag. cultu 1. Damasc. in tribus orat. de imaginibus. (e) *Exod. 25. b. 37. a. Num.**

7. g. *Œ* 21. b. 3. Reg. 6. c. d. (f) 2. Syn. Nic. Act. 7. *Œ* Syn. 8. can. 7. Niceph. l. 16. c. 27. Greg. lib. 9. epist. 9. ad Serenum Massiliensem. Trid. sess. 25. (g) Gen. 1. d. Phil. 2. a. (h) Paulus Diaconus lib. 6. de gestis Longobard. c. 14. *Œ* lib. ult. de gestis Rom. in fin. Joan. Patriar. Hierosol. in vita Damasceni.

X.

Quid nobis præscribit secundum præceptum?

PROHIBET abusum divini nominis, & irreverentiam, quæ committitur à per juris, blasphemis, & per Deum, sanctos vel sacra (a) temerè jurantibus, contra illud, (b) *No- lite jurare: sit sermo vester, est est, non non.*

Deinde requirit, ut juxta rectum linguæ usum ingentem reverentiam divino nomini exhibeamus, juramenta fervemus, vota Deo & Ecclesiæ facta non violemus; denique ut verbum (c) Dei tractemus reverenter.

Exod. 20. b. Deut. 19. c. 5. a. b. Eccli. 23. b. 27. b. Zach. 5. a. b. *Œ* 8. c. Lev. 24. c. c. Matth. 5. f. (a) Conc. Tolet. 8. Can. 2. (b) Matt. 5. f. Jac. 5. c. Psal. 33. a. Hierem. 4. a. Psal. 14. b. *Œ* 75. b. Eccle. 5. a. 1. Tim. 5. b. Deut. 23. d. (c) Psal. 49. c. 2. Cor. 2. d. 4. a. Trid. Synod. sess. 4.

XI.

Quid imperat tertium Præceptum?

Postulat Sabbatum seu diem festum in Ecclesia, pijs operibus transigi. Vult igitur, ut animus tunc adsit curis vacuus, qui se liberè transferat ad cultum interiorem & exteriorem Deo in fide, spe, & charitate præstandum. Vult, ut expediti, divina meditemur beneficia, tractemus sacra, oremus & adoremus Deum cum privatim, tum publicè, cum aliis in (a) Spiritu & veritate.

Prohibet autem diebus festis laborare, operibus vacare mechanicis, & occupationibus deditum esse profanis, nimirum ut otio sancto vacemus, adeundo templum, & audiendo publicum Ecclesiæ sacrum seu Missam, & statam concionem, quemadmodum hoc præceptum observare pij consueverunt.

Exod. 20. b. 31. Deut. 5. b. Lev. 23. a. Hier. 17. d. Esa. 56. b. Apoc. 1. c. Act. 20. b. 1. Cor. 16. a. Aug. ad Januarium ep. 119. c. 12. Et 13. Et ep. 118. c. 1. Item ser. 154. de temp. Leo ep. 81. ad Diosc. 1. (a) Joan. 4. c. Deut. 5. b. Num. 15. d. Lev. 23. ep. Ignat. ad Phil. Leo serm. 3. de Quadrag. Greg. lib. 11. ep. 3. Hier. in cap. 4. ad Galat. Aug. contra Adimant. cap. 16. Et serm.

ET DECALOGO. 71

251. de temp. Conc. Mogunt. can. 36. 2. Matif.
can. 1. Agath. can. 21. § 47.

XII.

Quæ summa est horum trium Præceptorum?

HÆc tria priora quidem præcepta, quæ sunt (a) primæ tabulæ, nos eò instituunt, ut verum Deo cultum præstemus, interiorē scilicet & exteriorē corde, ore, & opere, privatim & publicè.

Reliqua septem, quæ porro sequuntur, præcepta secundæ tabulæ dicuntur, in hoc addita, ut nostrum erga proximum officium explicent.

(a) *Aug. quæst. 71. in Ex. § in Psal. 32. Conc. 2.*

XIII.

Quid proponit, & injungit quartum præceptum?

DOcentur hic filij, quid suis debeant parentibus, quorum & ope in hanc lucem editi, & labore liberaliter sunt educati. Docentur & (a) subditi, suum deferre officium majoribus, id est, omnibus qui dignitate & potestate quadam, sive in Politicis, sive in Ecclesiasticis magistratibus gerendis præcellunt.

Debent autem & illi parentibus, & hi majoribus suis tum interiorē, tum exteriorē, (b) quandam reverentiam & observan-

servan-

fervantiam, (c) opem itidem & obedientiam.

Vetatur præterea, ne quacunque ratione vel (d) offendamus, vel contristemus personas ejusmodi sublimiores, siue verbis aut signis, siue factis id committatur.

Deut 5. b. *Coloff.* 3. d. *Eph.* 6. a. *Eccli.* 3. a. b. *Prov.* 23. c. *Tob.* 4. a. (a) *Rom.* 13. a. b. *Hebr.* 13. c. *Tit.* 3. a. 2. c. 1. *Tim.* 2. a. § 6. a. 1. *Pet.* 2. c. 5. b. *Ephes.* 6. a. *Coloff.* 3. d. (b) *Lev.* 19. g. 1. *Pet.* 2. c. *Gen.* 43. f. 1. *Tim.* 6. a. *Eccli.* 14. a. *Act.* 10. d. (c) 1. *Tim.* 5. c. 1. *Cor.* 9. b. *Matt.* 10. b. 22. b. *Luc.* 10. b. *Amb. lib.* 5. *Hexa. c.* 16. (d) *Matt.* 15. a. *Heb.* 13. c. *Exod.* 21. c. 22. d. *Lev.* 20. b. *Deut.* 21. d. 27. c. *Prov.* 20. c. 28. d. 30. b. c. *Eccli.* 3. b.

XIV.

Quid includit quintum præceptum?

NON solum externam prohibet cædem & vim omnem quæ corpus & vitam proximi lædit, sed etiam, iram, odium, rancorem, indignationem, vindictæ cupiditatem, & quosvis internos affectus ad proximi læsionem propensos, amputat.

Requirit verò (a) animi mansuetudinem, humanitatem, clementiam, comitatem, beneficentiam: nimirum ut injuriarum facile obliviscamur, nec vindictam expe-

expetamus, sed ita condonemus invicem
offensas, sicut in Christo Deus (b) nobis
donavit.

Genes. 9. a. Lev. 24. c. 19. d. Deut. 5. b. Exod.
20. c. 21. Matt. 5. c. Jac. b. 1. Joan. 3. c. Ephef.
4. g. Coloss. 3. b. Psal. 4. a. Rom. 12. c. d. Deut.
32. c. Eccli. 28. a. b. Hebr. 10. f. 12. d. (a) E-
phef. 4. a. Coloss. 3. b. Rom. 12. c. d. 1. Pet. 3. b.
Ephef. 6. b. Philip. 4. b. Matth. 6. b. 5. g. 18. c.
d. Luc. 6. f. Marc. 11. c. Proverb. 24. d. (b) E-
phef. 4. g.

XV.

Quid habet sextum præceptum?

Prohibet fornicationem, adulterium, &
omnem concubitum illegitimum, ac im-
puram qualemcunque libidinem.

Caveri præterea, & præscindi vult occa-
siones, quæ carnis libidinem irritant ac fo-
vent, ut sunt (a) obscœna verba, cantilenæ
inhonestæ, gestus impudici.

Requirat ex adverso fidem (b) in conju-
gio, tum pudicitiam omnem, sive (c) cordis
in cogitationibus & desiderijs, sive (d)
corporis in lingua, ac facie, oculis, auribus,
tactu atque omni demum habitu, cultuque
exteriore, ut sive soli, sive cum alijs viva-
mus, non modò luxus, & intemperantiæ
notam effugiamus, verumetiam mode-
stiam,

ftiam, frugalitatem continentiamque sedulo exerceamus.

Lev. 20. b. 19. f. Deut. 22. c. & 23. c. Matt. 5. ep. Eccli. 41. d. 1. Cor. 6. b. d. Eph. 4. d. & 5. a. Prov. 6. d. Judæ b. c. d. (a) Coloss. 3. b. Ephes. 5. a. 2. Pet. 2. b. c. (b) 1. Thess. 4. a. Heb. 13. a. Tob. 4. b. 1. Cor. 7. a. b. (c) Tob. 3. c. Matt. 15. b. Dan. 13. b. f. (d) 1. Tim. 5. b. Eccli. 9. a. b. Job. 3. a. b. Prov. 6. c. d. Gen. 9. d. Deut. 25. c. Gen. 38. b. 1. Tim. 2. c. 1. Pet. 3. a. Esaia 3. c. d. Amos 6. b. Jacob. 5. a. Rom. 13. d. Ezech. 16. f. 1. Tim. 5. a. d.

XVI.

Quid docetur in septimo præcepto?

Prohibetur omnis rei alienæ illicita contrectatio & usurpatio per furtum, rapinam, simoniam, usuras, lucra injusta, dolum malum, & quosvis contractus alios, quibus fraterna læditur charitas, ac proximus fraude circumvenitur. †

Exigit è regione hoc præceptum, ut in omni negotio seu commercio inviolata servetur æquitas, & proximi utilitas, sicubi sese offerat occasio, quacunque ratione ac ope nostra promoveatur. *

† *Lev. 19. b. c. g. Ephes. 4. f. 1. Cor. 6. b. Luc. 6. c. Act. 8. d. 4. Reg. 5. f. g. Deut. 25. c. Prov. 11. a. 20. b. Eccli. 10. a. 1. Thess. 4. c. * Ps. 14. a. b.*

ET DECALOGO. 75

a. b. Luc. 6. d. Ezech. 18. a. b. c. d. Rom. 13. Matth. 5. f. g.

XVII.

Quid in octavo praecepto comprehensum est?

PROHIBEMUR eo falsum dolosumve testimonium in quenquam proferre, & quoquo modo proximi causam in iudicio subvertere, vel etiam extra iudicium famam illius lædere, quod sanè fit à susurronibus, detractoribus, maledicis, criminatoribus & adulatoribus. Breviter, omne mendacium, & omnis linguæ contra proximum abusus hic interdicitur. †

Docemur interim de proximo benè & commodè loqui, nempe ad illius defensionem & utilitatem, sine fucō, simulatione, insidijsve. *

† *Lev. 16. b. c. Exod. 23. a. Deut. 5. c. 16. d. 19. c. 27. c. Prov. 12. c. 4. d. 24. c. 25. c. Jac. 4. c. 1. Pet. 2. a. Ephes. 4. f. g. Prov. 17. a. b. c. d. 18. a. b. 19. a. Rom. 1. d. Ps. 5. a. Apoc. 21. b. 22. Jac. 3. b. c. * Matth. 12. c. Coloss. 3. b. Eph. 4. g. Prov. 15. a. Eccl. 6. a.*

XVIII.

Duo postrema praecepta quid continent?

VETANT concupiscentiam uxoris ac rei alienæ: ut non solùm ab uxore aliena,

D 2

illici.

illicitis commercijs, & externa aperta-
que iniustitia nos abſtineamus; ſed etiam ne
voluntate quidem noceamus cuiquam, aut
nocere deliberemus. †

∴ Igitur hoc utrumque præceptum cordis
ſinceritatem, & benevolentiam erga omnes
integram eſſe vult, ut, quæ in rem & ſalu-
tem proximi cedunt, optemus ex animo,
neque cupiditati unquam cum levi alterius
injuria conſentiamus. *

† *Deut. 5. c. Eccli. 25. d. Matt. 5. d. Rom. 13.
c. 1. Theſſ. 4. b. Jac. c. 1. a. Eſa. 1. f. Eccl. 5. a.
18. d. Pſ. 9. c. 61. ep. Act. 20. g. * Job. 31. a. b.
1. Cor. f. Job. 9. d. 10. d. Genes. 24. g. 1. Tim. 6. b.*

XIX.

*Quò demum referenda ſunt mandata de-
calogi omnia?*

AD charitatem, quam nobis geminam
duæ illæ (a) Tabulæ, quibus Dei digito
mandata hæc inſcripta fuere, commendant.
Docent enim primæ mandata, quæ ad cha-
ritatem Dei: mandata verò ſecundæ tabu-
læ, quæ ad charitatem proximi ſpectant.

Igitur ex his decem duo quidem priora
id faciunt, ut quæ vitia cultui honori-
que Dei maximè adverſantur, idololatriam
ſcilicet ac perjurium, in primis caveamus.

Ter-

ET DECALOGO. 77

Tertium porrò mandatum admonet, verum purumque cultum corde, ore ac opere fideliter exhibendum esse. Quod sanè ubi rectè observatur, solus utique Deus in omnibus & super omnibus diligitur ac honorificatur.

Jam summa præceptorum quæ ad proximum diligendum pertinent, vel hoc uno constat, *Quod ab alio oderis fieri tibi, (b) vide ne tu aliquando alteri facias.* Cui respondet illa Christi sententia. *(c) Omnia quæcunque vultis ut faciant vobis homines, & vos facite illis. Hac est enim Lex & Propheta.*

(a) *Exod. 32. d. & 34. a.* (b) *Tob. 4. c.* (c) *Matth. 7. b. Luca 6. d.*

XX.

*Qua sunt fraterna charitatis officia
& argumenta?*

DE his Paulus ita differt. † *Charitas patientis est, benigna est. Charitas non annulatur, non agit perperam, non inflatur, non est ambitiosa: Non querit quæ sua sunt, non irritatur, non cogitat malum: non gaudet super iniquitate; congaudet autem veritati. Omnia suffert, omnia credit, omnia sperat, omnia sustinet.*

Christus verò, ut seipsum nobis veræ perfectæque charitatis * exemplum præ-

D 3

claris

78 DE CHARITATE

claris suæ charitatis indicijs mirè condivit , tam serio dixit (a) *Mandatum novum do vobis ut diligatis invicem, sicut dilexi vos, ut & vos diligatis invicem.* Ac iterum (b) *Hoc est præceptum meum ut diligatis invicem, sicut dilexi vos.* Quod tanti sanè momenti, ut Paulus affirmet, (c) *Qui diligit proximum legem implevit.*

Igitur ut hunc de Charitate locum oraculo divino absolvamus: (d) *Elige vitam, ut & tu vivas, & semen tuum: & diligas Dominum Deum tuum, atque obedias voci ejus, & illi adhareas. Ipse enim est vita tua, & longitudo dierum tuorum.*

Tum ne quisquam dubitet, Evangelicam Christi doctrinam, hac in parte cum Lege quadrare, dictum illud à Christo meminimus: (e) *Si vis ad vitam ingredi, serva mandata.* Et alibi post commendata Charitatis præcepta & opera, idem hæc verba subjunxit: (f) *Hoc fac & vives.* (g) *Non enim auditores legis justi sicut apud Deum, sed factores legis justificabuntur.*

Ex hisce factoribus (h) erant Abel, Noë, Abraham, Zacharias, & cæteri, quos scriptura justos apud Deum fuisse testatur: ut qui opere & veritate Deum proximumque diligèrent.

Qua-

Quare David inter eos haud postremus, & sancte gloriabundus canit: (i) *Viam mandatorum tuorum cucurri, cum dilatasti cor meum:* (k) *Dilexi, servavi, custodivi mandata tua & testimonia tua:* (l) *In custodiendis illis retributio multa:* (m) *maledicti, qui declinant à mandatis tuis.*

† 1. Cor. 13. b. Greg. lib. 10. moral. c. 8. * Jo. 13. a. Luc. 22. b. (a) Joan. 13. d. (b) Joan. 15. b. (c) Rom. 13. c. (d) Deut. 30. d. (e) Matth. 19. b. f. (f) Luc. 10. c. (g) Rom. 2. b. (h) Gen. 6. b. 7. a. in oratione Manassis. Sap. 10. b. c. Matth. 23. d. 1. c. Job. 13. c. Luc. 2. a. & 2. d. Jac. 2. d. (i) Psal. 118. d. (k) ibidem x. (l) Psal. 118. d. (m) Psal. 118. c.

DE PRÆCEPTIS ECCLESIAE.

I.

Suntne præter Decalogum alia præcepta Christianis observanda?

Sunt utique, quando (a) Legislatoꝝ & (b) Magister noster Christus non solum docuit (c) præcepta Decalogi, sed etiam in universum præcepit, quæ ad obedientiam, Apostolicis & Ecclesiasticis mandatis præstandam spectant.

D 4

Hinc

Hinc extant Evangelicæ ille sententiæ (d) *Sicut misit me Pater, & ego mitto vos* (e) *Qui vos audit me audit: & qui vos spernit me spernit.* (f) *Si non audierit eos, dic Ecclesiæ: si autem Ecclesiam non audierit, sit tibi sicut Ethnicus & Publicanus.* Ubi summum atque extremum iudicium Christus defert, deferri-que jubet ad Ecclesiam, i. (g) ad Ecclesiæ Præpositos & Rectores, sicut Chrysost. (h) interpretatur, & verba Evangelij mox sequentia declarant atque convincunt.

Proinde nec frustra scriptum est de Apost. Paulo: (i) *Perambulabat Syriam & Cili-
ciam, confirmans Ecclesias, præcipiens custo-
dire præcepta Apostolorum & Seniorum.*

(a) *Jac. 4. c.* (b) *Matth. 23. b.* (c) *Matt. 19. c.*
(d) *Joan. 20. ep. & 17. c.* (e) *Luc. 10. c.* (f) *Matt. 18. c.* (g) *3. Reg. 8. b.* (h) *Hom. 61. in Matt. & Basil. c. 30. constit. monast. Item Theophil. & Euthym. in cap. 18. Matt. (i) Act. 15. g. & 16. a.*

II.

*Cujusmodi porrò sunt Apostolorum, Seniorum-
que præcepta, quæ Paulus custodire iussit?*

PAuli discipulus Dionysius Areopagita (a) testatur, duplicis ea generis: utpote partim scripta, partim non scripta esse. Ad utrumque genus pertinet; quod Joannes

nes affirmat Evangelista (b) *Qui novit Deum audit nos : qui non est ex Deo non audit nos : in hoc cognoscimus spiritum veritatis, & spiritum erroris.*

Ac primum quidem genus quod literis mandatur, scriptisque legibus constat, satis est perspicuum : quia libris canonicis constat.

Posteriori verò circa praecepta & instituta ea versatur, quæ uno Traditionum nomine comprehendendi, & à Patribus (c) nuncupari solent. Non enim scripto, uti superiora, sed viva voce tradita, & velut per manus à majoribus ad nos transmissa, Ecclesiae quæ commendata retinentur.

(a) *Eccles. Hier. c. 1. & Basil. de Spiritu S. c. 27. Euseb. lib. 1. demonstr. Evang. c. 8. Epiph. haeres. 61. cont. Apostolicos Bert de corona milit. c. 3. & 4. (b) 1. Joan. 4. b. (c) Cypr. de ablut. pedum. Hieron. cont. Lucifer. c. 4. Chrys. in 2. ad Thes. 2. bom. 4.*

III.

Estne utrumque hoc praeceptorum genus observatu necessarium?

ESt planè, si doctorem Paulum sequimur ita praeipientem : (a) *State & tenete traditiones, quas didicistis, sive per sermonem,*

D 5

sive

82 DE PRÆCEPTIS

sive per epistolam nostram. Unde laudat hoc nomine Corinthios, quod Apostolica (b) præcepta, quæ viva voce tradita jam acceperant, sedulò custodirent. Tum admonet Thessalonicenses, [c] ut ab omni se fratre subducant, qui inordinatè, & non secundum traditionem ab Apostolis acceptam ambulat.

Atque hoc est, quod sacrosancta Synodus Nicæna [d] divinæ scripturæ consonans, verbis tam luculentis expressit: Oportet nos Ecclesiasticas Traditiones, sive scripto, sive consuetudine in Ecclesia retentas, unanimiter & inviolabiliter observare. Et apud Cyprianum [e] legimus, non minùs ratum esse, quod dictante Spiritu sancto Apostoli tradiderunt, quam quod Christus ipse tradidit. Sicut [f] enim par est Spiritui sancto & Christo divinitas: ita utriusque in suis institutis æqua est auctoritas & potestas.

(a) *Theff. 2. d. & ibid. Chrys. ac Theoph.* (b) *1. Cor. 11. a.* (c) *2. Theff. 3. b.* (d) *Secunda Nicæn. Syn. contra Iconomachos actiõn. 7. Item 8. Synod. Can. 1.* (e) *De ablut. pedum.* (f) *Ibid.*



IV.

*Quomodo cognoscemus, quæ sint Apostolica
& probata in Ecclesia Traditiones?*

DE his nobis regulam observatu dignam Augustinus (a) præscribit: illa, inquit, quæ non scripta, sed tradita custodimus, quæ quidem toto terrarum orbe servantur, datur intelligi, vel ab ipsis Apostolis, vel plenarijs Concilijs, quorum est in Ecclesia saluberrima auctoritas, commendata atque statuta retineri. Sic idem (b) contra Donatistas, imò hæreticos omnes, differens, hoc graviter admonet: Quod universa tenet Ecclesia: nec Concilijs institutum, sed semper retentum est, non nisi auctoritate Apostolica traditum rectissimè creditur.

Cui Leo ille (c) Magnus consonans ait: Dubitandum non est, quicquid in Ecclesia in consuetudinem devotionis est retentum, de Traditione Apostolica, & de sancti Spiritus prodire doctrina.

(a) in epist. 118. ad Januarium cap. 1. (b) Lib. 4. cap. 24. & lib. 2. cap. 7. lib. 5. cap. 23. (c) Serm. 2. jejun. Pentecost.

Cujusmodi sunt Traditiones Apostolicae, quae Christianis veniunt observanda?

EXempla satis multa apud Patres extant, & eos quidem qui vel ante mille annos fidem publicam meruerunt. Nimirum secundum Traditionem (a) Origenes, & (b) Augustinus docent, parvulos esse baptizandos.

(c) Dionysius & (d) Tertullianus ostendunt, preces & oblationes pro defunctis ad altare fieri oportere.

Hinc (e) Hieronymus & (f) Epiphanius statas Ecclesiae jejunationes, praesertim Quadragesimae, observandas esse demonstrant.

Sic etiam (g) Ambrosius & (h) Chrysostomus eorum dignitatem adstruunt, quae in sacro Missae officio solemniter peraguntur.

Tum praeter (i) Damascenum Patres, quos Nicæna Synodus secunda (k) citat, eadem ratione testantur, quod Christi & Sanctorum ejus imagines deceat venerari.

Demum, ut cæteros omittamus, Magnus ille (l) Basilii ob Traditionem retineri vult sacrum Chrisma, aliasque solennes

lennes ceremonias, quæ Sacramentis sanctissimis adhibentur.

Et addit (m) Basilius: Si instituta consuetudinesque non scriptas, tanquam in eis vis magna non insit, semel repudiare aggre- diemur, clam ac pedetentim ratas ipsas Evangelij sententias improbabimus, aut potius ad inane nomen ejus prædicationem contrahemus. Sed Apostolicum existimo ait, (n) ijs etiam Traditionibus, quæ scriptæ non sunt, inhærere.

(a) *In cap. 6. ep. Rom.* (b) *Lib. 10. de Gen. ad lit. c. 23. & cont. Don. l. 4. c. 24.* (c) *De Eccl. Hier. c. 7.* (d) *In exhort. ad castitatem. c. 11. & de corona militis cap. 3. de monogam. c. 10.* (e) *Ad Marcellam cont. err. Mont. ep. 4.* (f) *Contra Aerium hæres. 75.* (g) *In officio Mediolan.* (h) *In Liturgia.* (i) *lib. 4. de orthodox. fide c. 17. & in lib. sive Or. de imag* (k) *Action. 6. tom. 4. & actio. 7.* (l) *Lib. de Spiritu S. cap. 27.* (m) *ibid.* (n) *cap. 29. ejusd. libri.*

VI.

*Quantum hodie circa Traditiones Apostolicas
& Ecclesiasticas aberratur?*

PLurimum; dum eas plerique contem-
nunt, alij negligunt, aut certè pluris non
faciunt, quàm Politicorum (a) magistratuum

86 DE PRÆCEPTIS

constitutiones: & hæc instituta esse hominum fingunt, quæ vel observare, vel omittere liberum sit, exiguæque aut nullius omninò frugis: ipsi *adiaphora* vocant.

Sunt qui universas ferè Traditiones ejusdem esse ponderis volunt atque adeò foedè commiscent Scripturæ loca, perinde ac idem sit judicium de Traditionibus (b) Pharisaicis, & (c) Apostolicis; de privatis seu particularibus, (d) & ijs quæ totius Ecclesiæ consensu receptæ, communique piorum usu tot sæculis comprobatae, ac veluti per manus ad nos transmissæ, ubique ferè gentium comperiuntur.

(a) *Rom. 13. a.* (b) *Matth. 15. a.* (c) *Coloss. 2. b. d. Marc. 7. a. b.* (d) *2. Thess. 2. d. Act. 15. c. & 16. a.* (e) *Aug. in ep. ad Januar. 18. cap. 1. & 2. Item epist. 86. ad Casulanum presb.*

VII.

Quid verò de ijs judicandum, qui Ecclesiæ Traditiones repudiant, ac pro nihilo habent?

HOs verbum Dei redarguit, ac damnat, cum Traditiones (a) observandas esse decernit, cum jubet (b) Ecclesiam audire, & Apostolorum, Seniorumque (c) præcepta custodire, Verbum Dei est, quod subjicit nos Magistratibus, cum (d) Politicis, tum (e) Ec-

(e) Ecclesiasticis, modestis (f) juxta & dy-
scolis propter (g) conscientiam vult illorum
legibus & reverentiam (h) & obedientiam
deferri maximam. *Obedite*, inquit, (i) *Præ-*
positis vestris, & *subjacete eis: Omnia* (k)
quacunque dixerint vobis, servate & facite;
secundum opera verò eorum nolite facere.

Quapropter isti non tam homines sper-
nunt (l) quàm Deum ipsum Opt. Max.
quem in (m) Apostolis eorumque (n) suc-
cessoribus audire ac revereri sanè oportebat.
Igitur planè verbo Dei resistunt, dum
potestati, & ordinationi Dei resistunt, &
hinc sibi damnationem acquirunt, si Paulo
(o) credimus.

Nimirum divina est isthac ordinatio,
quæ nec aboleri potest humana auctorita-
te, ut certis legibus, iisque partim scriptis,
partim non scriptis, quas (p) Apostolica
nobis commendat Traditio, Ecclesia rega-
tur, dogmata conserventur, Religio vin-
dicetur, alatur concordia, disciplina reti-
neatur.

(a) 2. *Thess.* 2. d. 1. *Cor.* 1. a. (b) *Matth.* 18.
c. (c) *Act.* 15. c. 16. a. (d) *Rom.* 13. a. *Matth.*
22. c. (e) *Matth.* 23. a. *Luc.* 10. c. (f) 1. *Pet.*
2. c. (g) *Rom.* 13. a. (h) *Tit.* 3. a. (i) *Heb.* 13. c.
(k) *Matth.*

(k) *Matth.* 23. a. (l) 1. *Thess.* 4. b. 1. *Cor.* 14. g.
 (m) *Joan.* 20. ep. 17. c. *Luc.* 10. c. (n) *Cypr.*
lib. 4. ep. 9. vel ep. 69. ad *Flōrent. Pippianum.*
Basil. cap. 23. *Constit. Monast.* (o) *Rom.* 13. a.
 (p) *Basil. de Spiritu sancto cap.* 27. *August.* lib. 4.
contra Donat. cap. 24. *Æ* lib. 2. cap. 7. lib. 5.
cap. 23. *Æ* 26. *Epiphan. hæres.* 55. *Euseb. lib.* 3.
Eccles. hist. cap. 30.

VIII.

Quid Patres hac de re judicarunt?

ORigenes, qui celebris & pervetustus est auctor, in hæc verba scripsit: (a) Hæreticus nobis habendus est omnis ille, qui Christo se credere profitetur, & aliud de veritate Christianæ fidei credit, quam hactenus definitio Traditionis Ecclesiasticæ. Tum idem alibi (b) illa sola credenda est veritas, inquit, quæ in nullo ab Ecclesiastica discordat Traditione. Et Hieronymi verbum est: (c) Ego illud breviter admonendum puto, Traditiones Ecclesiasticas, præsertim quæ fidei non officiunt, ita observandas, ut à majoribus traditæ sunt.

Augustinus verò ita (d) docet: Si quid divinæ Scripturæ præscribit auctoritas, non est dubitandum quin ita facere debeamus, ut legimus: similiter etiam si quid per orbem frequentet Ecclesia. Nam hoc quin
 ita

ta faciendum sit, disputare, insolentissimæ infantiæ est. Ac rursus idem: (e) In his rebus, de quibus nihil certi statuit scriptura divina, mos populi Dei, vel instituta majorum pro lege tenenda sunt. Et sicut (f) prævaricatores divinarum legum, ita contemptores Ecclesiasticarum consuetudinum coërcendi sunt.

Demùm Tertullianus, doctissimus, & antiquissimus Ecclesiæ scriptor, toto libro (g) adversus eos disputat, qui nihil, quod litteris sacris non sit expressum, admittunt; graviterque contendit, traditiones & observationes quasdam Ecclesiasticas esse non scriptas, quæ non possint nisi ab hæreticis repudiari. *Si quis autem videtur contentiosus esse, (ut Paulinis (h) verbis utamur) nos talem consuetudinem non habeamus, neque Ecclesia Dei.*

(a) *In cap. 3. epist. ad Tit. teste Pamphilo in Apolog. pro Orig. Vide etiam Iren. lib. 4. cap. 43.*

(b) *Lib. 1. Periarch. in proëm.* (c) *Ad Lucinium ep. 28.* (d) *Epist. 117. c. 5.* (e) *Ad Casulan. ep. 86.* (f) *Dist. 11. c. in bis.* (g) *Lib. de præscript. adversus hæretic.* (h) *1. Cor. 11. c.*

IX.

Age verò, quid est Ecclesia?

Ecclēsia est omnium Christi fidem atque doctri-

doctrinam profitentium universitas, quam Princeps Pastorum Christus, tum Petro Apostolo, tum hujus (a) successoribus paciscendam tradidit atque gubernandam.

Quare nomen Ecclesiæ non merentur, sed (b) falso arrogant sibi Hæretici & Schismatici omnes: qui etsi fidem atque doctrinam Christi profiteri videntur; tamen summi Pastoris ac Pontificis, quem Christus ovili Ecclesiæ loco suo præfecit, & perpetua (c) successione in Romana Ecclesia usque conservavit, oves esse detrectant.

Hanc Petri Cathedram, hunc Ecclesiæ primatum qui negant & oppugnant, primum illi quidem Christi magnificas promissiones * Petro factas, & mysticas regni cælestis claves illi uni traditas, aliaque multa de Petro Apostolorum (d) principe, ore vertice scripta non intelligunt: Deinde pacem Ecclesiæ ordinemque certum manifestè perturbant, quæ absque summo antistite & hujus præcellenti auctoritate nec ritè gubernari, neque in unitate atque contra portas inferorum soliditate necessaria, diu contineri posset. Postremò Patribus horumque Synodis & scriptis de hac illustri Ecclesiæ (e) nota consen-

tien-

tientibus, imò & totius orbis Christiani consonæ voci detrahunt impudenter.

Agnovit hanc Ecclesiam ejusque dignitatem Hieronymus, cujus hæc (*f*) verba sunt: Qui Petri Cathedræ jungitur, meus est. Agnovit Optatus (*g*) Afer, qui Petri Cathedram inter veras Ecclesiæ notas primam esse testatur. Agnovit Augustinus, (*h*) qui apertè scribit, in Romana Ecclesia semper Apostolicæ Cathedræ principatum viguisse. Agnovit (*i*) Cyprianus, qui omnium hæresum & schismatum pullulantium causam in eo statuit, quòd uni & summo Sacerdoti ac judici vice Christi non obtemperatur. Agnovit Ambrosius, (*k*) ut dixerit, se in omnibus cupere Romanam sequi Ecclesiam.

His autem omnibus Antiquior & Apostolorum temporum vicinus vereque Apostolicus vir (*l*) Irenæus tale tribuit elogium Ecclesiæ Romanæ: Ad hanc, inquit, Ecclesiam propter potentio rem principalitatem, necesse est, omnem convenire Ecclesiam, hoc est eos qui sunt undique fideles: in qua semper ab ijs qui sunt undique, conservata est ea, quæ est ab Apostolis, traditio.

Rom.

Rom. 12. b. 1. Cor. 12. b. 1. Pet. 5. b. Joan. 21. c. Matth. 16. c. (a) Chrys. l. 2. de Sacerdot. Concil. Florent. Bernard. lib. 2. de Confid. ad Eugen. cap. 8. (b) Hieron. contra Lucifer. cap. 9. Cypr. lib. 4. epist. 9. vel ep. 69. (c) Iren. lib. 3. cap. 3. Optatus lib. 2. Tert. l. 3. contra Marcion. c. 9. Aug. ep. 165. § 42. § in Psal. cont. partem Don. § lib. 2. cont. lit. Petiliani c. 51. * Matth. 16. c. Joan. 21. ep. Luc. 22. c. Matth. 10. a. 17. d. Joan. 1. f. Act. 1. c. (d) Cypr. de simp. prel. in cap. 16. Matth. Hilar. § Hieron. Idem lib. 1. in Jovinianum c. 14. Cyrill. in Joan. lib. 2. cap. 12. August. in Joan. tract. 56. § 124. Orig. hom. 2. in divers. Evang. § tract. 6. in Matth. Basil. de pœnit. Chrysost. hom. 87. in Joan. § 55. in Matth. item 9. de pœnitentia § serm. de catenis § gladio S. Petri. Item hom. in SS. Petrum § Eliam. Leo Magn. ser. 3. in anniv. Pont. § ep. 89. ad Episc. Vien. Prov. (e) Aug. cont. ep. Fund. c. 4. Item de util. credendi c. 17. § l. 11. contr. Faust. c. 2. (f) Ad Dam. ep. 58. § ad eundem 57. (g) Lib. 2. cont. Donatist. (h) Epist. 162. 90. 92. 93. § 165. (i) Lib. 1. ep. 3. § lib. 4. ep. 5. vel ep. 55. § 69. Item Hieron. cont. Lucifer. cap. 4. § Leo epist. 84. ad Anast. Thes. cap. 11. (k) Lib. 3. de Sacram. c. 1. § de obitu Satyr. (l) Lib. 3. c. 3. Tertul. de præscript. heret. cap. 36. Cypr. lib. 4. epist. 8. § lib. 3. ep. 11. vel ep. 45. § 46. Theod. lib. 2. hist. c. 4. Bern. epist. 109. ad Innoc. § lib.

lib. 2. de confid. c. 8. Con. Chal. action. 3. Anaclet. ep. 1. & 3. Marcell. ep. 1. Synod. Alex. ad Felicem.

X.

Quænam Ecclesiæ dignitas est, atque auctoritas?

MUltis & eximiis sanè dotibus, promissionibus, ac beneficiis illustrat Deus Ecclesiam suam, qua nihil habet in terris charius.

Hanc usque ornat, conservat, defendit, vindicat.

Hanc porrò constituit esse (a) domum suam, in qua omnes filii Dei foveantur, doceantur & exerceantur.

Voluit esse (b) columnam & firmamentum veritatis, ut de illius non dubitemus doctrina, quæ tanquam magistra, custos, & interpres veritatis fidem atque auctoritatem obtinet inviolabilem.

Præterea fundatam esse [c] supra firmam petram decrevit, ut certi essemus, eam immobilem inconcussamque stare, atque inferiorum etiam [d] portis, hoc est, gravissimis adversariorum impugnationibus, inexpugnabilem prævalere.

Demùm vult eam sanctissimam quandam [e] esse civitatem supra montem positam,

tam, omnibusque conspicuam atque aditu facilem: ne quis, ea relicta, pestíferas hæreticorum speluncas latebrasque confectetur, & fallis illis vocibus, *Ecce [f] hic est Christus, ecce illic.* fortè perculsus, ab ea divertat aut dimoveatur.

Hæc est, quam Scriptura nobis proponit atque commendat, Christi [g] amica, soror, & sponsa unica pro qua [h] redimenda, mundanda, sanctificanda [i] congreganda, & prorsus adjungenda sibi, Filius Dei nihil non facit ac pertulit, ut corpus etiam sanguinemque suum sacrosanctum illius amore tradere non dubitarit.

Pro hac [k] rogavit & impetravit, ut fides, unitas, & firmitudo ejus deficeret nunquam.

Huic [l] promisit fideliterque [m] transmisit & reliquit doctorem, præsidem, ac rectorem Spiritum S. Ille, [n] inquit, *docebit vos omnia & suggeret vobis omnia, quaecunque dixerò vobis: [o] ille manebit vobiscum in æternum: [p] ille docebit vos omnem veritatem*, quæ videlicet scitū creditūque est necessaria.

1. Cor. 12. d. *Ephes.* 5. f. *Joan.* 14. 16. & 17. *Matth.* 28. d. & 16. c. *Psal.* 120. b. (a) 1. *Tim.* 3. d. *Psal.* 22. a. *Joan.* 10. c. (b) 1. *Tim.* 3. d.

Aug.

Aug. lib. 1. contra Crecon. cap. 33. § lib. 2. c. 32. (c) Matth. 16. c. 7. d. Eph. 2. d. Psal. 86. a. § 47. c. Aug. in Psal. 47. Alcimus lib. 4. c. 14. (d) Matth. 16. c. (e) Apoc. 21. a. Matth. 5. b. Isaia 2. a. Mich. 4. Malach. 1. c. Act. 1. b. Psalm. 21. f. 1. Joan. 2. c. (f) Matth. 24. b. § ibid. Orig. tract. 29. § 30. (g) Cant. 4. b. § 6. b. (h) Eph. 5. ep. (i) Joan. 11. f. Coloss. 1. c. d. Ephes. 4. c. 1. d. (k) Joan. 17. c. Luc. 22. ep. Matth. 16. ep. (l) Joan. 14. b. d. 15. d. 16. c. (m) Act. 2. a. (n) Joan. 14. d. (o) Ibid. b. (p) Joan. 16. c. Aug. tract. 97. in Joan.

XI.

*Per quos tandem nos docet Spiritus in
Ecclesia veritatem?*

PER eos planè, quos Apostolus testatur à Spiritu Sancto, ut Ecclesiam regant, esse constitutos, quales vocat Episcopos, Præpositos, Pastores itidem atque doctores. Et hi post [a] Apostolos fuere semper, ac etiamnum sunt, primarij Dei Ecclesiæque ministri, & summi [b] dispensatores mysteriorum Dei.

Horum verò auctoritas cùm in alijs, tum in sacris [c] Synodis quam maximè cernitur ubi de fide ac religione illi non modò definire quædam, sed suo etiam jure, ac pro auctoritate Apostolica contestari possunt,
ac

ac dicere, visum est Spiritui Sancto & nobis, sicut ex actis constat primi Concilij [d] Hierosolymis celebrati. Certè olim nefas erat, & extremo [e] supplicio expiabatur crimen, si quis iudicio summi sacerdotis, qui Moyse regebat [f] cathedram, non obtemperasset. [g] Atqui haudquaguam inferiorem nunc habet Ecclesia, quam Synagoga, in regendo, iudicando ac decernendo, auctoritatem. Quod jus obediendi manebat Judæis, etiam Christianis incumbit, ut sacerdotum præcellenti dignitate præsentium [h] iudicia de his quæ ad Religionem pertinent, recipiantur, approbentur atque observentur.

Quapropter magno se illi crimine contaminant, qui Magistratibus Ecclesiasticis auctoritatem & obedientiam adco non deferunt, ut etiam convellere & oppugnare palam audeant jam quidem sacras summorum Pontificum [i] sanctiones, penes quos de sacris definiendi [k] suprema semper potestas fuit: jam verò venerandas Conciliorum generalium constitutiones, quorum in Ecclesia, ut [l] Augustinus loquitur, saluberrima est auctoritas: jam demum certas Patrum de
Fide

Fide sententias, in re una communis sensus atque (m) consensus, firmum est testimonium Christianæ veritatis. Illud præclare dictum est à pijs Imperatoribus: (n) Injuriam facit iudicio Synodi, si quis semel iudicata & rectè disposita revolvere, & publicè disputare contendit.

Actor. 20. f. Tim. 3. a. Heb. 13. c. Eph. 4. c. 1. Cor. 12. d. (a) Aug. in Psal. 44. (b) 1. Cor. 4. a. cap. Can. Apost. 38. Conc. 1. Nic. & reliq. Sozon. (c) 6. c. 7. Theodos. Imp. apud Cyril. ep. 4. Basil. Imp. in 8. Syn. act. 10. Athan. in epist. ad solit. vitam agentes. Ruff. lib. 1. Eccl. histor. c. 5. (d) Act. 15. epist. (e) Deut. 17. b. c. (f) Matth. 13. a. (g) Cypr. lib. 1. epist. 3. ad Corn. & epist. 11. ad Pomponium. (h) Greg. lib. 1. epist. 24. ad Patria. & lib. 2. Indic. 11. epist. 10. ad Savin. Niceph. lib. 16. hist. cap. 33. (i) 3. Con. Tol. can. 1. dist. 19. & 9. q. 1. Patet. & sequent. (k) Hieron. ad Dama. ep. 57. & 58. Chalced. Syn. Act. 3. in epist. ad Leon. 6. Syn. act. 4. (l) Epist. 118. c. 1. & lib. 1. cont. Donat. c. 18. Greg. ut supra. (m) Vinc. Lir. cont. Novato. Aug. lib. 1. & 2. contra Julian. Patianus epist. 1. ad Sempron. (n) In actio. 3. Concil. Chalcedon. Gelasius in epist. ad Episc. Dard. Leo. 43. & 50. ad Martia. & 78. ad Leonem Augustum.

*Quorsum vero spectat divina isthac ordinatio,
ut Pastores & Doctores in Ecclesia
conserventur?*

Non parum utilis ac salutaris est nobis divina hæc ordinatio, qua potestas & hierarchia Ecclesiastica Politicos Magistratus omnes longè (a) antecellit. Est enim potestas hæc spiritalis, qua Christianus populus ad spiritualia æternaque bona consequenda maximè promovetur.

Prodest inprimis, ut Pauli verbis (b) utamur, *ad consummationem sanctorum*, hoc est ut qui illa potestate funguntur, exhibeant (c) omnem hominem perfectum in Christo, sicut idem Paulus alibi loquitur, suoque studio fideles ad sanctitatis, in quam vocati sunt, (d) perfectionem adducant.

Prodest etiam *in opus ministerij*, ut qui sunt & dicuntur ministri præcipui Ecclesiæ, habeant quod (e) vigilent ac curent semper pro concrediti sibi summi muneris ratione.

Prodest præterea *in ædificationem corporis Christi*, ut norint hi spirituales & sapientes (f) architecti circa (g) corpus Christi mysticum, quod singularem in ædificando conten-

tentionem requirit, continenter sibi esse versandum, ut jam veræ fidei fundamenta jacent ac confirment, jam reliqua fidelibus ad perfectam justitiâ necessaria (b) superstruant.

Prodest demùm, ut (i) non simis parvuli fluctuantes, ac circumferamur omni vento doctrinæ in nequitia hominum. Hoc est, propter imbecilliores, qui semper in Ecclesia sunt plurimi, necessarium est munus antistitum Ecclesiasticorum, præsertim hæresum ventis ac persecutionum (k) procellis in Ecclesiæ domum irrumpentibus. Tum enim opus est præsentem eorum præsidio, qui pro auctoritate velint & possint (l) arcere lupos, oves defendere, zizania extirpare, & sana confirmare dogmata, ne simplices alioquin fallacium ac (m) perditorum hominum verbis, scriptis, & exemplis à via veritatis regia seducantur; quin potius ut omnes veritatem non modò cognoscant, sed etiam facientes, in illo qui caput est Christus, grandescant atque proficiant, ut idem Paulus (n) adjunxit.

(a) Chrys. l. 3. de Sacerd. item hom. 4. § 5. de verb. Esa. Ignat. ad Smirnen. Ambr. in exor. ad Virgin. § lib. 2. de dignit. sacerdotali, 2. c.

(b) *Eph.* 4. c. (c) *Coloss.* 1. d. (d) 1. *Thess.* 4. d. 2. *Tim.* 3. d. 2. *Cor.* 13. d. (e) *Act.* 20. f. *Hebr.* 13. c. *Cypr. lib. epist.* 9. vel *epist.* 66. ad *Furnens.* * *Eph.* 4. c. (f) 1. *Cor.* 3. b. (g) *Ephes.* 1. d. *Col.* 1. c. d. *Ephes.* 2. d. (h) *Cor.* 3. c. (i) *Eph.* 4. d. 1. *Cor.* 14. d. *Rom.* 15. a. *Act.* 14. d. 1. *Thess.* 13. a. *Ezech.* 34. a. (k) *Matth.* 7. d. (l) *Act.* 20. f. *Ezech.* 33. b. 2. *Tim.* 2. d. 4. a. *Tit.* 1. c. (m) 2. *Pet.* 2. a. 3. a. *Rom.* 16. c. *Judæ.* f. *Matth.* 7. c. (n) *Eph.* 4. d.

XIII.

Quo pacto insignes hos fructus consequemur?

ITa nimirum, si non altè sed sobriè (a) sapiamus, solliciti semper (b) servare unitatem Spiritus in vinculo pacis, ut nosmet oves Christi humiles obedientesque præstemus.

Quarum sanè ovium illud est proprium (c) lupos fugere: nec alienos, sed suos Pastores sequi: illis velut ordinariis ovilis Dominici præfectis sese (d) submittere, in illis audire (e) Spiritum veritatis.

Is est, qui per (f) majores etiam Præpositos Dominicum gregem docere, pascere, & conservare dignatur: quique per eosdem, tum Dei Patris, tum Ecclesiæ Matris præcepta

cepta nobis his verbis commendat : (g) *Audi fili mi disciplinam patris tui, & ne dimittas legem matris tuæ.* Et rursus idem inculcans, *Conserua*, (h) inquit, *fili mi præcepta Patris tui, & ne dimittas legem matris tuæ.*

(a) *Rom. 12. a.* (b) *Eph. 4. a. Joan. 10. a. & 21. epist.* (c) *Joan. 30. a. Tit. 3. a. Heb. 13. c. Matt. 10. c.* (d) *Bern. de præcept. & dispens. c. 12.* (e) *Joan. 15. d. 14. b. 16. c.* (f) *Matth. 23. a. Phil. 1. b. Joan. 11. g. Matt. 18. Deut. 17. b. c.* (g) *Prov. 1. a. Epiph. hæres. 75.* (h) *Prov. 6. c.*

XIV.

Quæ sunt præcepta Ecclesiæ?

PRæcipua quinque numerantur, cuique Christiano & scitu & observatu certè necessaria.

- 1 (a) *Statutos Ecclesiæ festos dies celebrato.*
- 2 (b) *Sacrum Missæ officium diebus festis re-
véreuter audito.*
- 3 (c) *Jejunia certis diebus temporibusq; in-
dicta observato*, ut in Quadragesima, qua-
tuor anni temporibus, & festorum quorun-
dam solennium pridianis diebus, quos ma-
jores nostri, quod iisdem temporibus in
templis noctu pervigilaretur, Vigilias (d)
appellarunt.

E 3

4 (e)

- 4 (e) *Peccata tua Sacerdoti proprio annis singulis confiteor.*
 5 (f) *Sacrosanctam Eucharistiam ad minimum semel in anno, idē, circa festum Pascha sumita.*

(a) *Concil. Lug. apud Ivonem p. 4. c. 14. 2. Matiscon. can. 1. Mogunt. can. 36. § 37. Tribur. can. 35. Ignat. ad Philippen. (b) Conc. Agath. cap. 47. § 21. Tribur. cap. 35. Item 1. Aurel. c. 28. (c) Can. Apost. 68. Gangrenf. can. 19. Ignat. ad Phil. Mogunt. can. 34. § 35. Salenginft. can. 1. § 2. Bern. in Vigilia S. Andreae. Vide Burchard. lib. 13. § Itonem p. 4. (d) Tertul. lib. 2. ad uxor. c. 4. § in Apolog. § c. 2. (e) Syn. Later. can. 21. Trid. Sess. 14. can. 8. (f) Lateranens. § Trid. Sess. 13. can. 9.*

XV.

Quem fructum adfert horum præceptorum observatio?

HÆc & ejusmodi reliqua Ecclesiæ tum instituta, tum præcepta tot sæculis recepta, magnoque piorum consensu & usu confirmata, pietati atque rationi valde consentanea, insignes secum adferunt commoditates.

Sunt enim fidei, humilitatis, & obedientiæ Christianæ salutaria exercitia :
 ne-

nestam (a) disciplinam & concordiam popularem promovent : Religionis pulchra existunt symbola : notas præbent demum & indicia interioris nostræ pietatis , quibus ad (b) ædificationem , & bonis collucere , & malis prælucere oporteat.

Breviter hæc eò nos promovent, ut Apostolicus ille Canon (c) *Omnia honestè & secundum ordinem fiant in vobis* , ad unguem observetur.

(a) *Phil. 4. b. 1. Cor. 14. c. f.* (b) *Matth. 5. b. Rom. 15. a. Phil. 2. c. a.* (c) *1. Cor. 14. g.*

XVI.

Ubi necessaria est nobis Ecclesiæ auctoritas ?

Primum in eo quidem , ut scripturas canonicas & veras ab adulterinis certò (a) discernamus. Unde testatur Hieronymus : (b) Novum & vetus testamentum recipimus in eo librorum numero , quem sanctæ Ecclesiæ Catholicæ tradit auctoritas : Et (c) Augustinus : Ego verò , inquit , Evangelio non crederem , nisi me Catholicæ Ecclesiæ commoveret auctoritas.

(a) *Galat. 2. a. 1. Tol. can. 21. Aug. serm. 129. de temp. item lib. 13. contra Faust. c. 4. & 5. Item lib. 28. c. 2. & 4.* (b) *In Symb. ad Damasum.*

sum. & Aug. serm. 191. de tempore. Concil. Laod. can. 59. Conc. 3. Car. cap. 47. Concil. Trid. sess. 4. (c) contra epist. Manichæi cap. 5.

Deinde, ut constet de vero scripturæ (*d*) sensu & apta interpretatione: ne alioquin sine fine dubitemus ac disceptemus de verborum sententia. Omnes enim hæretici, ut scripsit idem (*e*) Augustinus ex sacris scripturis, falsas atque fallaces opiniones suas conantur defendere: Atqui non in legendo, sed in intelligendo Scripturæ constituent, Hieron. (*f*) teste.

(*d*) *Esa. 59. d. Aug. lib. 1. cap. 33. contra Crescon. & de unit. Eccl. cap. 22. Trident. sess. 4. Vincent. Lirinen. contra Novatores. (e) Lib. 1. de Tri. c. a. 3. Hilar. lib. 2. ad Constantium. Vincentius Lirin. (f) cont. Lucif. c. 9. & in c. 1. ad Gal. Hil. 2. de Trin.*

Tertiò, ut in gravioribus de fide questionibus atque (*g*) controversiis, quæ possunt incidere, index (*h*) adsit, atque legitima illius auctoritas interponatur. Ut enim verissimum est, quæ contra hæreticos docet (*i*) Epiphanius, à divina scriptura non posse accipi omnia: ita rectissime (*k*) Augustinus illud affirmat; Palam est, quòd in re dubia ad fidem & certitudinem plurimum valeat auctoritas Ecclesiæ Catholicæ.

tholicæ. Non enim deesse potest Ecclesiæ Spiritus, qui ipsam in omnem ducat veritatem, sicut Christus (l) ipse promisit.

(g) *Deut.* 57. b. (h) *Act.* 12. b. c. (i) *Hæresi* 61. cont. *Apostolicos*. (k) *Lib.* 11. cont. *Fauftum*. c. 2. & *lib.* 7. cont. *Donat.* cap. 53. Item in *Psal.* 57. (l) *Joan.* 14. b. d. & 16. c.

Rursus, ut pro ratione personarum, locorum, & temporum canones (m) constituentur, disciplina integra conservetur ac jura dicantur. Dedit enim hanc potestatem Deus Ecclesiæ (n) ad ædificationem & non ad destructionem.

(m) *Can. Apost.* 38. & *Syn.* 1. *Nic. can.* 5. *Latter.* c. 6. (n) 2. *Cor.* 10. b. & d.

Præterea, ut quam (o) Christus instituit coercendi & excommunicandi potestatem, qua Paulus (p) etiam est usus, pervicaces sentiant, ipsaque corrigantur, & comprimantur. Hinc (q) Augustinus, Eis, inquit, per quos Ecclesia regitur, adest salva pace potestas disciplinæ adversus impios aut nefarios exercendæ.

(o) *Matth.* 18. c. 1. & *ib.* Hieron. (p) 1. *Cor.* 5. b. 1. *Tim.* 1. d. 1. (q) *Lib. de fide* & operibus c. 5. Item c. 3. Item l. 3. contra *Parment.* c. 2. *Greg. hom.* 26. in *Evang.* Chrys. l. 3. de *Sacerd.*

106 DE PRÆCEPTIS

Igitur in his omnibus, ut cætera omittamus, Ecclesiæ auctoritatem non solum utilem: sed etiam necessariam esse constat, ut sine illa quidem nihil aliud Christiana Respublica, quam confusio Babylonica possit existimari. Proinde sicut Scripturæ propter testimonium divini Spiritus in illa [r] loquentis credimus, adhæremus, ac tribuimus maximam auctoritatem: sic Ecclesiæ fidem, reverentiam obedientiamque debemus, quod eo ipso [s] Spiritus à Christo capite, sponsoque suo informata, dotata simul & confirmata sit, ut non possit non esse quod dicitur, [t] *columna*, & *firmamentum veritatis*.

(r) 2. Pet. 1. d. 2. Tim. 3. d. & 16. c. Matth. 18. c. Joan. 14. b. d. & 16. c. (s) Act. 2. a. Ephef. 4. a. (t) 1. Tim. 3. d.

XVII.

Quis est doctrina totius de Ecclesiæ præceptis & traditionibus usus ac fructus?

Ingens profectò est ac varius. Atque primus quidem, ut intelligamus, nos solis litteris seu scripturis divinis minimè alligari. Quid enim (ut Irenæi [a] verbis utamur) si neque Apostoli quidem scripturas reli-

reliquissent nobis, nonne oportebat ordinem sequi Traditionis, quam tradiderunt iis quibus committebant Ecclesias? Itaque luculenter dixit (b) Basilius: Dogmata quæ in Ecclesia servantur ac prædicantur, quædam habemus è doctrina scripto prodita, quædam rursus ex Apostolorum traditione in mysterio, id est, in occulto tradita, recepimus. Quarum utraque parem vim habent ad pietatem: nec his quisquam contradicit, quisquis fanè vel tenuiter expertus est, quæ sunt jura Ecclesiastica.

(a) *Libr. 1. c. 4. Epiph. hæres. 61.* (b) *Libr. de Spiritu S. cap. 27.*

Neque dubium esse potest, quin Christus (c) & Apostoli multa tum egerint, tum docuerint, quæ etsi scripta quidem non sint, ad nos tamen posterosque maximè pertineant. De quibus generatim (d) Paulus admonens. *De cætero fratres, inquit, quæcumq; sunt vera, quæcumq; pudica, quæcumque iusta, quæcumq; sancta, quæcumq; amabilia, quæcumq; bonæ famæ; si qua virtus, si qua laus disciplinæ, hæc cogitate. Quæ & didicistis, & accepistis, & audistis, & vidistis in me, hæc agite: & Deus pacis erit vobiscum.*

108 DE PRÆCEPTIS

(c) *Joan. 20. g. & 21. f. Aug. ep. 108. ad Selen-
cianam.* (d) *Philipp. 4. b.*

Proximus est, rectè uti Christiana libertate, quam homines otio luxuque capti si unquam aliàs, nunc maximè dant in occasionem carnis, ut Apostolus (e) loquitur: illius prætectu, fœdis voluptatibus inferviunt, & quicquid ferè libet, etiam circa Religionis instituta mutanda, id licere sibi arbitrantur. Atqui ab ista profana novitate, ac temeritate nos revocant, tuentur, deterrent Apostolica & Ecclesiastica dogmata simul & instituta: quæ frænum injiciunt humanæ licentiæ, docentque convenienter uti Christiana libertate: ita nimirum, ut nos à (f) jugo peccati & à servitute veteris legis per Christum liberi effecti, [g] ultro libenterque præstemus Christianum officium, serviamus Deo in justitia & sanctitate, ducem sequamur Spiritum in lege charitatis, justitiæ servi, obedientiæ filij, humilitatis cultores, patientiæ custodes, poenitentiae, & crucis amatores. Vos, inquit [h] Apostolus, *in libertatem vocati estis fratres: tantum ne libertatem in occasionem detis carnis, sed per charitatem spiritus servite invicem.* Ad quam Spiritus charitatem sanctæ

sanctæ servitutis obsequio & alendam, & conservandam cum honesta cuncta profunt, tum ingens pondus adferunt piè observatæ Ecclesiæ Traditiones. Postremus est, ut verum inter legitimos & nothos Ecclesiæ filios seu inter Catholicos & Hæreticos, discrimen inde accipiamus. (i) Illi enim simpliciter in doctrina Ecclesiæ sive scripto ea, nempè Biblicis litteris tradita sit, sive Patrum traditione comprobata, acquiescunt. Sequentur enim verbum Dei (k) *Ne transgrediaris terminos antiquos, quos posuerunt Patres tui.*

Hi verò qui sunt hæretici ab hac simplicitate fidei, & à venerandæ matris Ecclesiæ, sanctorumque Patrum probata sententia discedunt, nimiumque sibi, vel desertoribus Ecclesiæ fidunt, adeoque ne moniti quidem resipiscunt. Quare Paulus de ijs tam seriò sanxit, dum ait: (l) *Hæreticum hominem post unam & secundam correptionem evita, sciens quia subversus est, qui hujusmodi est.* Atqui, ut cum (m) Cypriano concludamus; quisquis ab Ecclesiæ unitate discesserit, cum Hæreticis necesse est inveniatur.

110 DE PRÆCEPTIS

(e) *Gal. 5. b. 2. Pet. 2. d. Rom. 6. d. Aug. epist. 118. c. 1. § 5. (f) 1. Pet. 1. c. Rom. 6. d. Galat. 3. b. § 4. d. Rom. 8. a. (g) Psal. 53. b. Coloss. 3. d. Luc. 1. g. 2. Cor. 3. d. Rom. 6. c. 1. Cor. 9. c. 1. Pet. 1. d. 2. d. Luc. 21. d. Matth. 4. c. § 16. d. (h) Gal. 5. b. (i) Vincent. Lirinens. (k) Prov. 22. d. Eccli. 8. b. Deut. 32. a. Hierem. 6. d. (l) Tit. 3. c. (m) *Ad Pompejum.**

XVIII.

Quæ demum est summa omnium superiorum?

QUÆ à principio quidem huc usque tractata sunt de summa Christianæ doctrinæ, eò spectant, ut vera Christiani hominis sapientia constituatur: quæ tribus illis (a) virtutibus, (b) Fide, Spe, & Charitate comprehenditur. Et Fide quidem veritati Dei firmiter (c) assentitur, eique ininititur anima. Spe autem propius (d) adhuc apprehendit bonitatem Dei, Fide jam cognitam atque conceptam: Charitate (e) demum Deo proximoque propter Deum conjungitur & unitur.

(a) *Aug. lib. 2. Retract. c. 63. (b) 1. Cor. 13. d. 2. Tim. 2. d. (c) Heb. 11. a. (d) Galat. 5. a. (e) Rom. 8. g. Joaz. 14. c. Rom. 13. c.*

Cæterum de fide nos docet Symbolum Apostolicum, dum ea proponit, quæ maxime

mè sunt credenda & profitenda Christiano. De his verò quæ speranda & desideranda, precatio nos instituit Dominica. Ad Charitatem porrò spectant, quæ duabus tabulis Decalogus exhibet.

August. in Enchir. cap. 7.

Præclarè igitur (f) Origenes: puto, inquit, quòd prima salutis initia, & ipsa fundamenta, Fides est: profectus verò, & augmenta ædificij, Spes: perfectio autem & culmen totius operis, Charitas.

(f) *In cap. 4. epist. ad Rom.*

Illi ergò beati, qui audiunt (g) & custodiunt verbum Dei, quique voluntatem Patris cognoscunt & faciunt, in Fide, Spe, & Charitate, duce Christo ambulantes & perseverantes.

Et hæcenus pro instituti quidem nostri ratione, satis de summis illis virtutibus, quæ cùm divinitus infundantur, ac divinos mortales faciant, jure quidem Theologicæ nuncupantur, rectèque ad sapientiam Christianam referuntur.

(g) *Luc. 11. d. Rom. 2. c. b. Luc. 6. g. Matth. 7. c. d. 19. c. 25. d. Joan. 15. a. Matth. 10. c. & 24. b.*

112 DE PRÆCEPTIS

XIX.

*Anne aliud quicquam ad doctrinam
Christianam spectat ?*

ETiam : huc enim planè spectat doctrina de Sacramentis, ut norint Christiani, quibus veluti instrumentis divinitus institutis habeant opus (a) ad Fidem, Spem, & præcipuè Charitatem accipiendam, exercendam, augendam, conservandam, ac etiam reparandam.

Adde, quod neque Sapientia, neque Justitia Christiana constitui ac retineri absque Sacramentis potest, ut sine quibus (b) Religionem universam extinguere prorsus necesse sit. Habent igitur ea sublimem in Doctrina Christiana locum, & necessariam quoque tractationem.

(a) *Aug. in Joannem tract. 120.* (b) *Aug. lib. 19. cont. Faust. c. 11. & de vera relig. c. 17. Item epist. 18. c. 1.*

CPAUT IV. DE SACRAMENTIS.

I.

*Cur de Sacramentis docendi sunt
Christiani ?*

Quia Sacramentorum cognitio & usus
facit,

facit, ut illi accepta ex JESU Christi meritis gratia, quæ per Sacramenta ipsa conferatur, legitimè exerceantur, & conserventur, atque promoveantur in divino cultu.

II.

Quid & quotuplex est cultus divinus?

CULTUS divinus dicitur, quem Christianus tanquam præcipuum ac summum obsequium debet ac præstat Creatori ac Salvatore suo Deo Opt. Max.

Neque enim est dubium hominem ea potissimum causa, ut Deum purè integreque colat, & initio conditum, & postea redemptum, atque ad id omninò destinatum esse.

Divinus autem cultus est duplex: interior, & exterior. Interior, quo per intellectum & affectum DEO conjungimur, Fide, Spe, & Charitate, ut antea dictum est, perficitur. Exterior est professio quædam cultus interioris, quem externis quibusdam & visibilibus signis ritibusque declaramus. Deus enim, qui honorum nostrorum non eget, quippe beatus per se, totusque perfectus, tamen sicut totum ipse hominem tum corpore, tum animo constare voluit, sic eundem quoque totum,
hoc

Quare non quævis signa sunt, quæ Ecclesiæ Sacramenta dicuntur: sed certa, sacrosancta, & efficacia signa, Christianis ex divina institutione & promissione commendanda.

Signa quidem idcirco, quoniam externa quadam specie & similitudine id nobis referunt & declarant, quod per ipsa Deus nobiscum invisibiliter atque spiritualiter agit.

Certa verò, sacrosancta simul & efficacia signa, quoniam indubiè quam gratiam significant, etiam continent, conferuntque ad nostram sanctificationem. Sacramenta enim, quantum in se est, (ut Cyprianus loquitur) sine propria esse virtute non possunt: nec ullo modo divina se absentat Majestas mysterijs quamvis etiam ab indignis ministrantur.

Ut, exempli causa, in Sacramento Baptismi exterior ablutio, quæ sordes corporis purgat, efficax est symbolum interioris ablutiois, utpote testimonium præbens indubitatum, quod spiritualiter anima purificetur. Sic res aliæ visibiles & externæ, ut oleum, panis vinique species, quarum in Sacramentis necessarius est usus, aptè nobis constituuntur, tum ad significandum, tum
ad

116 DE SACRAMENTIS

ad conferendum homini divinam gratiam, animæque salutem, modò ad hæc non indignè accedatur.

Per Baptismum etenim regeneramur & renovamur: per Confirmationem auge-mur & roboramur: per Eucharistiam nu-trimur & reficimur: per Pœnitentiam re-stituimur & sanamur in vita spiritali: in qua per reliqua itidem Sacramenta, pro sua cujusque ratione juvamus atque prove-himur, ut suo deinde loco aperiemus.

IV.

*Quibus partibus constat unumquodque
Sacramentum?*

VERBO & elemento. Per Verbum hic intellige certa quædam & determinata verba, in quibus ipsa consistit forma quam vocant Sacramenti. Per Elementum accipe res externas, quæ vera materia sunt Sacramentum, ut aqua, oleum, panis, vinum, ejusmodi.

Jam his partibus perfectè sumptis ad-junguntur reliqua, quæ ad cujusque Sa-cramenti tum idoneam collationem, tum dignam susceptionem spectant, videlicet institutio divina, minister idoneus, in-tentio recta in ministro, fides in susci-piente,

piente, & si quæ sunt hujus generis alia.

V.

Quot sunt Sacramenta?

Septem, quæ à Christo per Apostolos accepta conservavit, ac fideliter dispensavit hucusque Christi sponsa, & columna veritatis Ecclesia. Sunt autem hæc: Baptismus, Confirmatio, Eucharistia, Pœnitentia, Extrema unctio, Ordo, & Matrimonium.

Nec refert sanè, si ejusmodi vocabula in scripturis non extent omnia, modò de re ipsa constet, ac Sacramentorum veritas & virtus divinis testimonijs approbetur. Quanquam ea quæ universalis Ecclesia Apostolorum traditione retinet, atque conservanda commendat, etiam si in scriptura divina non reperiantur, plenam apud nos fidem, ut antea docuimus, habere merentur. Ac de singulorum quidem Sacramentorum institutione postea suo loco.

Vis autem eorum, ut fidelissimus Scripturæ interpres Augustinus inquit, inenarrabiliter valet plurimum, & ideò contempta sacrilegos facit. Impiè quippe contemnitur, sine quo non potest perfici pietas. Atque, ut idem alibi docet, contem-

ptor

118 DE SACRAMENTIS

ptor visibilis Sacramenti, invisibiliter sanctificari nullo modo potest.

VI.

Quare instituta sunt Sacramenta?

Primum, ut sint præsentissima remedia contra peccatum, quod lethalis est animæ morbus, ac, nisi hoc tempore curetur, perpetuam adfert damnationem. Quamobrem hæc longè præstant legis antiquæ Sacramentis, virtute utique majora, utilitate meliora, numero pauciora, intellectu augustiora, observatione faciliora, significatione præstantiora, quæ præterquam quod significant, etiam sanctificant, ac salutem dant: ut è Scripturis Augustinus optimè colligit.

Secundò, ut habeamus certa efficacique signa divinæ erga nos gratiæ & voluntatis, quæ dum in sensus externos incurrunt, non solum excitant fidem in Christum, Deique misericordiam & bonitatem, verum etiam vivifica sunt instrumenta, per quæ visum est DEO salutem nostram efficaciter operari. Ut præclare dictum sit jam olim, per se ipsum quoque Sacramentum multum valere.

Tertiò ut extent velut symbola & exter-

ternæ notæ Christianæ professionis, quibus Dei & ecclesiæ filij se mutuo agnoscant: utque in unione, humilitate & obedientia se fructuosè exerceant & contineant, atque ita unius religionis necessarijs quasi nexibus & fœderibus inter se invicem maneant colligati. Alioquin sine Sacramentis nec constare, nec discerni satis ulla Religio potest.

VII.

Quid verò sentiendum est de Sacramentorum ministris?

ITa planè sentiendum est de illis, tanquam ministris Christi, & dispensatoribus mysteriorum Dei, qui portant vasa Domini, tabernaculoque deserviunt, qui & sacris ex professo præsumt, eoque jure quodam administrant. Non enim omnibus indifferenter, sed sacerdotibus & episcopis incumbit, ac divinitus injunctum est, Sacramenta conficere, dispensare vel administrare.

Ac ne putemus unquam ex vita & probitate ministrorum Sacramenta pendere, hanc nobis regulam præscribit Augustinus. Non ideo veriora & sanctiora sunt Sacramenta, quia per meliorem ministrantur: illa namque per se ipsa vera & sancta sunt, propter verum & sanctum Deum, cujus sunt.

120 DE SACRAMENTIS

sunt. Et rursus: Memento Sacramentis Dei obesse nihil mores malorum hominum, quo illa vel omninò non sunt, vel minùs sancta sint. Suffragatur his Ambrosij illa sententia: Non merita personarum consideres, sed officia sacerdotum: puta in administratione Sacramentorum. Nam & per indignos consuevit Deus operari, & nihil propter sacerdotis vitam Sacramenti gratia lædatur, Chrysostomo teste.

VIII.

Quid judicandum de Ceremonijs, præcipuè quarum sollemnis est usus in Sacramentis?

CÆremoniæ ab Ecclesia probatæ, ritus quidam sunt externi, religiosè ac decenter instituti: Primum, ut signa, testimonia, & exercitia sint cultus interioris, quem Deus in primis requirit.

Deinde, ut viva extent Religionis incitamenta, quibus fragilitas humana ceu adminiculis fulciatur, & ad sacra mysteria tum capeffenda, tum retinenda veluti manu ducatur.

Postremò, ut quæ ad cultum divinum promovendum, & ad disciplinam concordiamque conservandam publicam pertinent, honestè ac decenti quodam ordine,
sicuti

sicuti Apostolus jubet in Ecclesia per-
agantur.

Eæ verò cæremoniæ, quarum est usus in
Sacramentorum administratione quasque
veluti per manus traditas & commendatas
nobis à Patribus accepimus, ingenti præci-
puè studio retineri & observari debent.
Nam præterquam quod decorem illæ Sacra-
mentis afferunt, & reverentiam quandam
conciliant, singulari quoque antiquitatis
commendatione nobis sunt veneranda.

Tum præter institutionem vetustissimam
& Apostolicam, habent fecunditatem my-
steriorum gravitate atque dignitate ple-
nam, ut sanctissimi doctissimiq; Patres
annotarunt. De his demum alijsque id ge-
nus, præclare ita Damascenus. Quæ Chri-
stiana religio erroris nescia, suscipit, & in
tot sæcula servat inconcussa, minimè Vana
sunt, sed ut illa, Deo placita, salutique
nostræ conducibilia plurimum.

Rident interim Sectarij cæremonias quæ
Sacramentis adhibentur: sed ipsi magis ri-
dendi, aut potius deplorandi, quòd cæco
judicio & hostili odio (pessimis consultori-
bus) freti, adversus veritatem clarissimam
bellum gerant. Certè de Baptismi cære-

F

monijs

122 DE SACRAMENTO

monijs vel antiquiffimi Theologi nobis testantur, Dionysius, Clemens, Tertullianus, Origines, Cyprianus, Basilus, Chrysoftomus, Cyrillus.

Nugentur licet ac blasphemant impij magno quidem Patres illi consensu commendant abrenuntiationem, Exorcismos, Aquam benedictam, sacrum Chrisma, Crucis signaculum. Ante annos bis sexcentos ferè scripsit Basilus in hunc modum: Consecravimus aquam Baptismatis, & oleum unctionis, & præterea eum qui Baptismum accipit.

Verum de Cæremonijs quæ Sacramentis omnibus adjunguntur, sigillatim admonere, ut longum est, ita difficile, & huic quidem instituto haud necessarium. Quin & apertè fatetur Origines, in Ecclesiasticis hujusmodi observationibus esse nonnulla, quæ omnibus quidem facere necesse sit; rationem autem eorum, cur ita fiant, nondum satis esse compertam.

DE BAPTISMI SACRAMENTO.

I.

Quid est Baptismus, & an cunctis necessarius?

Est hoc novæ legis primum & maxime necessarium.

necessarium Sacramentum, in ablutione corporis exteriori, & legitima verborum enuntiatione, juxta Christi institutionem consistens.

Necessarium inquam Sacramentum non solum adultis, sed etiam parvulis, ac simul eis efficax ad salutem æternam consequendam. Nascuntur omnes iræ filij: opus igitur habent etiam parvuli emundatione peccati, nec possunt absque hoc Sacramento mundari, & in filios Dei regenerari. Nam & generatim Legislatores edixit: *Nisi quis renatus fuerit ex aqua & Spiritu Sancto non potest introire in regnum Dei.* Alibi verò *Non est voluntas ante Patrem, qui in celis est, ut pereat unus de pusillis.* Perirent autem non baptizati etiam parvuli, sicut olim in Synagoga Hebræorum pueri incircumcisi.

Jam cum sit unum Baptisma Christi fidelium, hoc semel acceptum, nefarium est prorsus iterare, quidquid demum prætexant jam olim damnati Anabaptistæ. Cum Synodo Nicena dicendum est: Confiteor unum baptisma in remissionem peccatorum. Et cum Augustino: Rebaptizare hominem, omninò peccatum est: rebaptizare autem Catholicum, immanissimum scelus

124 DE SACRAMENTO

est: quod idcirco Cæsareis etiam legibus prohibetur.

II.

Quæ circa hoc Sacramentum præcipue sunt notanda?

Elementum abluens, ejusque significatio, verbum, & effectus Baptismi.

Elementum est aqua simplex materia ad hoc necessaria, quæ natura sua sordes corporis abluere solet. Cui hæc pulchrè respondet significatio, Baptismo animam emundari peccatis, & hominem, uti dicemus, justum effici.

Verbum, quo Sacramenti forma consistit, ex Christi præcepto sic habet, *Ego te baptizo in nomine Patris, & Filij, & Spiritus Sancti.*

Et quanquam sit Sacerdotum munus, Baptismum administrare, tamen ubi necessitas vehementer urget, baptizare possunt alij quoque, ne impiis quidem & hæreticis exceptis, modò à forma Ecclesiæ & ejus verbis conceptis non recedatur.

III.

Quem fructum & effectum præstat Baptismus?

Eum planè, quem docente Christo ac testibus Apostolis Petro & Paulo discimus, nimirum per Baptismum peccatum remitti, & Spi-

& Spiritum dari, quo & vetus homo aboleatur, & nova fiat in Christo Creatura. Quippè susceptus ritè Baptismus non hoc modo largitur, ut impio plenè peccata omnia condonentur atq; tollantur, sed etiam ut baptizatus planè innovetur, ac verè innocens, iustus, sanctus, & cœlesti gloria dignus in Christo efficiatur. Ut jure à Paulo dictum sit omnibus baptizatis: *Abluti estis, sanctificati estis, in nomine Domini nostri Jesu Christi, & in Spiritu Dei nostri.* Atque alibi testatur idem, Baptismum esse lavacrum regenerationis & renovationis Spiritus S. Lavacrum etiam aquæ in verbo vitæ. Et rursus ille scribit: *Quicumque in Christo baptizati estis, Christum induistis.*

Scitè Bernardus, ac breviter Sacramenti hujus effectus præcipuos complectitur: Lavamur in Baptismo, inquit, quia deletur chi-rographū damnationis nostræ, & gratia hæc nobis confertur, ne jam nobis concupiscentia noceat, si tamen à consensu abstineamus.

Quæ concupiscentia in renatis manens non per se peccatum est, sed, ut Theologi appellant, fomes peccati, ad agonem relictus, ut baptizati hac occasione vigilantius Dei gratiam querant, virtutes studiosius

126 DE SACRAMENTO

exerceant, fortiùsque certando majorem sibi gloriam parent, itaque, ut Paulus docet. *Nihil damnationis est ijs qui sunt in Christo Jesu, qui non secundum carnem, sed secundum spiritum ambulant.* Quique secundum Pauli Doctrinam & exemplum, veterem hominem exuentes, de die in diem secundum interiorem hominem renovantur: id quod proprium est baptizatorum.

IV.

Quid à nobis requirit acceptum tanti Sacramenti beneficium?

Primum à nobis summam postulat & assiduam animi gratitudinem, ut prædicemus, amemus, & celebremus eum qui secundum suam misericordiam salvos nos fecit per lavacrum hoc regenerationis & renovationis Spiritus Sancti, quem effudit in nos abunde per Jesum Christum Dominum nostrum: ut justificati gratia ipsius, heredes simus secundum spem vitæ æternæ.

Deinde sic hujus Sacramenti mysterium rememorandum est, ut identidem seipsum quisque admoneat præclare illius suæ sponsionis, & Christianæ professionis, quam in sacro lavacro per sponsores edidit. Cogitet igitur Christianus, illic se ex iræ filio &

Sata-

Satanæ servo, Dei filium, Christi quæ mem-
brum & cohæredem, vivum quæ templum
Spiritus Sancti factum esse.

Ingressus es regenerationis sacrarium,
inquit Ambrosius: repete quid interrogatus
sis, recognosce quid responderis. Renun-
tiasti Diabolo & operibus ejus, mundo &
luxuriæ ejus, ac voluptatibus. Memor esto
sermonis tui, & nunquam tibi excidat tuæ
series cautionis. Et præclara Pauli Bapti-
zatos omnes adhortantis vox est: *An igno-
ratis fratres, quia quicumque baptizati sumus
in Christo Jesu, in morte ipsius baptizati su-
mus? Consepulti enim sumus cum illo per ba-
ptismum in mortem: ut quomodo Christus sur-
rexisset à mortuis per gloriam Patris, ita & nos
in novitate vitæ ambulemus.*

DE CONFIRMATIONIS SACRAMENTO.

I.

Quod est alterum à Baptismo Sacramentum?

CONFIRMATIO, quæ Sacramentum est no-
væ legis æquè sacrosanctum, ut Augu-
stinus inquit, ac ipse Baptismus: quod ba-
ptizatis confertur cum impositione ma-
nuum Episcopaliū & sacri Chrismatis
inunctione.

II.

Unde nobis comprobatur hoc Sacramentum?

Testimonium habet à divina Scriptura secundum Patrum & Ecclesiæ concordem sententiam atque interpretationem. Huc enim spectat, quod Lucas Evangelista semel atque iterum scribit de Apostolis, qui super baptizatos manus imposuerunt: hoc signo utentes visibili divinitusque instituto, per quod Christo jam initiatis nova & amplior Spiritus Sancti gratia conferretur. Quare cum Apostoli manus illis imposuissent, acceperunt, ut Lucas de iisdem baptizatis refert, Spiritum Sanctum cum accessione scilicet ac exuberantia quadam gratiæ spiritualis.

Nunc verò ubi Apostolorum vicem Episcopi gerunt & locum tenent, non fraudat Deus Ecclesiam suam hac tam salutari gloria, sed per eosdem Episcopos in hoc Sacramento efficaciter operabitur, ut adsit, Cypriano teste, & veritas signo & Spiritus Sacramento.

Atque huc pertinet veteris Ecclesiæ Canon: Omnes fideles per manus impositionem Episcoporum Spiritum S. post Baptismum accipere, ut pleni Christiani inveniantur:

tur: quia cum Spiritus S. infunditur, cor fidele ad prudentiam & constantiam dilatatur.

III.

Quæ sunt necessaria ad conficiendum hoc Sacramentum ?

TRia præcipuè ad hoc requiruntur: Sacramenti propria materia, certa verborum forma & minister idoneus.

Materia ex oleo & balsamo juxta est, quæ ab Episcopo consecrata, sacri Chrismatis nomen jam olim obtinuit, & in hoc Sacramento fons solenni ritu illinitur.

Forma verborum hæc præscripta est, *Consigno te signo crucis, & confirmo te Chrismate salutis, In nomine Patris, & Filij, & Spiritus Sancti.*

Minister Sacramenti hujus solus est Episcopus, ut Apostolorum exemplum, forma, & traditio retineatur. Qua de re jam impositionis Sacramentum magna veneratione tenendum est; quod ab alijs perfici non potest, nisi à summis sacerdotibus, nec tempore Apostolorum ab alijs quam ab ipsis Apostolis legitur & scitur esse peractum.

IV.

Cur autem baptizati sacro Chrismate inunguntur ?

Quia per Spiritum S. sic nobis Apostoli tra-

130 DE CONFIRMATIONIS

tradiderunt, sic ut Clemens & Dionysius, Petri Paulique Apostolorum discipuli, probant. Tradiderunt autem illi quod a Domino ipso utique acceperant, de Chrismate conficiendo, ut gravis est testis Fabianus, idem & Christi martyr, juxta & Pontifex Ecclesiæ.

Sacrofanctæ etiam Synodi præceptum de hoc tale extat : Oportet baptizatos post Baptismum sacratissimum Chrisma percipere, & coelestis regni participes fieri. Rationem Cyprianus reddit hanc, ut accepto Chrismate, id est, unctione, Christianus esse unctus Dei, & habere in se Christi gratiam possit, teneatque sanctitatem.

Atqui unguentum hoc visibile, quo Ecclesia baptizatos ungit, ut Augustinus docet, significat invisibilis gratiæ donum, quo Spiritus Sanctus Christum in primis, qui & à Chrismate nomen suum trahit, ac deinde Christianos omnes interna unctione imbuit, atque confirmat. Unde pulchrè Tertullianus, velut ad olei naturam alludens, ita de hoc Sacramento scripsit : Caro ungitur ut anima consecretur. Caro signatur, ut & anima muniatur. Caro manuum impositione adumbratur, ut anima Spiritu illuminetur.

Unde qui sacrum Chrisma rejiciunt, magnum

gnum illi imperitiæ suæ augmentum præbent, ut qui apertè antiquissimam & vetustissimam Apostolorum institutionem negent, ac perpetuum Ecclesiæ usum ac traditionem temerè damnent.

V.

Quis Sacramenti hujus est usus & fructus?

IN Baptismo regeneramur ad vitam: post Baptismum autem in hoc Sacramento confirmamur ad pugnam. In Baptismo ablui-mur, hoc verò post Baptismum roboramur, ut regeneratis custos & consolator, & tutor adsit Spiritus S. Hæc summi & Pontificis & Martyris Melchiadis est doctrina. Nec dissentit ab eo quod Clemens testatur se ab Apostolis ipsis accepisse: Cùm regeneratus, inquit, quis fuerit per aquam, postmodum septiformis Spiritus gratia ab Episcopo confirmetur, qui aliter perfectus Christianus esse nequaquam poterit.

Prodest igitur hoc Sacramentum mirificè, ut qui fidei mysterijs initiati sunt, sicut geniti modò infantes & adhuc imbecilles, in Christo adulescant atque corroborentur.

Hos ceu Christianæ militiæ tyrones Episcopus admonet inunctione, ut adversus tot hostes, & quotidiana pericula Spiritu

132 DE EUCHARISTIÆ

principali confirmantur. Consignat illis Cruce frontem, quæ pudoris est sedes, ut constanter & intrepidè nomen Domini confiteantur: impingit & alapam, ut Christianam militiam invicta patientia exercendam & ornandam esse sibi perpetua memoria retineant.

DE EUCHARISTIÆ SACRAMENTO.

I.

Quid significat nomen Eucharistia?

Summum illud & longè sacratissimum Sacramentum, quo nihil habet Ecclesia dignius, admirabilius, efficacius salubriusve, hoc uno nomine designatur.

Et rectè quidem Eucharistia, tanquam bona gratia, seu gratiarum actio dicta est, quia præcipuum & maximum Dei donum, ipsumque omnis gratiæ fontem & auctorem continet; summorumque nos bonorum admonet, pro quibus acceptis gratiarum actionem, laudem & gloriam summam Deo summo debemus. Majus enim beneficium optare non potuissemus, quàm quòd Christus JESUS Dominus noster de Virgine natus, cruci affixus, & in gloriam assumptus, se nobis

SACRAMENTO. 133

nobis totum ita largiatur, ut etiam nunc corpus ejus sanguinemque verè sumamus, illique per hoc divinum Sacramentum prorsus incorporemur.

II.

Quæ in hoc Sacramento præcipuè continentur?

TRia continet Eucharistia, species visibiles, veritatem corporis & sanguinis Dominici, & spiritualis gratiæ veritatem.

Quod enim oculis nostris apparet, species sunt visibiles, panis videlicet, ac vini. Quod autem sub speciebus ijsdem fides nostra, non sensus ac ratio comprehendit, id verum Corpus & sanguis est Christi Salvatoris.

Cæterum quod participatione Sacramenti hujus consequimur, eximia quædam est Spiritus sancti gratia, fructus nimirum & effectus, ostendemus, salutaris Eucharistiæ.

III.

Quæ sunt præcipua de hoc Sacramento capita scitu necessaria?

EA quinque potissimum sese offerunt, primum de veritate Eucharistiæ. Alterum de panis & vini transubstantiatione. Tertium de adoratione ejus. Quartum de
ejus-

134 DE EUCHARISTIÆ

ejusdem oblatione & sacrificio. Postremum de sumptione ipsius sub altera vel utraque specie. De his enim præcipuè hac quidem tempestate scire, magnum est operæ pretium.

IV.

Quid igitur de veritate Eucharistiæ sentiendum?

ID planè, ut cum tota. Ecclesia contra omnes Capharnaitas certò credamus, sub speciebus panis & vini veram Jesu Christi carnem, ac verum ejus sanguinem in Eucharistia exhiberi, ministerio quidem Sacerdotis, virtute autem ac potentia Domini nostri JESU CHRISTI, apud quem impossibile non est omne verbum. *Ipse dixit, & facta sunt: ipse mandavit, & creata sunt.*

Dixit autem in cœna illa pridie quàm pateretur, instructa, cum panem primùm ac deinde calicem suis manibus apprehendisset; cumquè de hujus Sacramenti tum institutione, tum veritate, certos omnes reddere vellet, dixit inquam planissimè; *Hoc est corpus meum, quod pro vobis datur.* Dixit, *Hic est sanguis meus, qui pro multis effundetur.* De qua institutione dixit & antea, *Caro mea verè est cibus, & sanguis meus verè est potus.* Dixit, *Ego sum panis vivus, qui de*

de calo descendi. Si quis manducaverit ex hoc pane, vivet in æternum. Et panis quem ego dabo, caro mea est pro mundi vita.

Nec obscura sunt alia tum Evangelistarum, tum Apostoli Pauli testimonia, quæ nobis hanc fidem evidenter adstruunt, ne quis dubitare possit, Christum in Eucharistia totum secundum divinam humanamque naturam existere, & nobiscum manere usque ad sæculi consummationem.

Igitur eandem planè Christi carnem in templis habemus & sumimus, quæ olim in Palæstina cõram cernebatur; sed ea nec sensibus hic patet, nec transmutationi & corruptioni est obnoxia: utpote invisibilis, impassibilis, immortalis, summa & divina resplendens gloria, quam solis fidei oculis licet hoc tempore intueri: Beati autem in cælis clarè perspiciunt incredibili cum voluptate.

Et sunt adhuc Sacramentarij (ô horrendam sæpeque damnatam impietatem) qui adorandum hoc magis, quàm investigandum mysterium, dum sensu suo assequi non possunt, etiam negare audent, Evangelij verba, quamvis luculenta, mirè depravantes. Quod nihil est aliud sanè, quàm veluti è mundo solem

136 DE EUCHARISTIÆ

solem tollere, summoque Sponsi thesauro sponfam Ecclesiam spoliare, & panem vitæ fidelibus eripere: ne sit demum, unde exules ille in hoc mundi deserto pascantur atque sustententur.

V.

Quid verò de Transubstantiatione?

Hic quo imprimis animadvertenda eaquæ apertè profitenda sunt, alterum, sacerdotem qui conficiat Eucharistiam, legitimè ordinatum esse oportere, alterum, tantam inesse vim in verbis illis arcanis & consecratorijs, quibus idem sacerdos Christi vice panem & vinum in altari consecrat, ut panis quidem in Corpus, vinum autem in Sanguinem Domini subito transmutetur.

Verè stupenda, solaquæ fide metienda transmutatio, quæ omnipotente Christi virtute per ea ipsa verba operante fit: nec immeritò Transubstantiatio tum à Synodis, tum Patribus appellata est, quod panis viniqûe substantia in Corpus Sanguinemque Christi certò convertatur.

Si enim valuit tantum sermo Eliæ ut ignem de cælo devocaret, non valebit Christi sermo (sic enim colligit Ambrosius) ut species mutet elementorum? De totius mundi

mundi operibus legisti ipse dixit, & facta sunt: ipse mandavit, & creata sunt. Sermo ergo Christi qui potuit ex nihilo facere quod non erat, non potest ea quæ sunt, in id mutare quod non erant? Non enim minus est novas rebus dare, quàm mutare naturas. Atque Christi sermone nihil apertius, dum ait, *Hoc est corpus meum, hic est sanguis meus*, ut nullus omninò relictus sit locus suspicandi, post consecrationem panem & vinum in Eucharistia manere.

VI.

*Estne venerandum nobis, adorandumq;
hoc Sacramentum?*

ESt maximè sic postulante à nobis officio Religionis: ut, quem adesse in Eucharistia credimus, cultu quoque debito prosequamur, creaturæ Creatorem, servi Dominum atque redemptorem Opt. Max.

De quo scriptura ipsa pronuntiat, *Adorent eum omnes Angeli Dei. Et rursus: Adorabunt eum omnes Reges terræ, omnes gentes servient ei.* Tum alibi divinus Propheta, cum hoc Sacramentum, ejusque magnitudinem contemplatur, non sât habet dicere, *Edent pauperes & saturabuntur, & laudabunt Dominum*: sed hoc etiam addit, *Adorabunt*

138 DE EUCHARISTIÆ

bunt in conspectu ejus universæ familiæ gentium. Idem, Manducaverunt & adoraverunt omnes pingues terræ.

Laudantur sanè Magi similesque nonnulli apud Evangelistas, quòd Christo adhuc in carne mortali honores divinos exhibuerint, coram eo procidentes, eumque adorantes. Atqui nobis idem nunc est Christus in Eucharistia: non mortalis, sed immortalis, omni gloria & virtute prorsus admirabilis. Quam nos fidem religioso corporis animique cultu jure testamur, dum Christianæ humilitatis, & debitæ gratitudinis officium coram tremenda illa semperque reverenda DEI majestate venerabundi ac supplices exhibemus.

VII.

Quid porro de altaris Sacrificio credendum est?

ID procul dubio, institutam esse Eucharistiam non in eum usum tantum, ut à Christianis velut in alimentum salutare sumatur; unde cibus, potus vivus ac vitæ panis dicitur: sed etiam ut tanquam summum & proprium novi testamenti sacrificium offeratur: ut hinc jam olim nomen acceperit hostiæ, sacrificij, victimæ oblationis, holocausti:

Offertur autem in jugem passionis Domini-

minicæ memoriam & gratiarum actionem, atque ut credentibus proſit ad hujus & futuræ vitæ mala depellenda, bonaque impetranda, neque ſolùm vivis, ſed etiam Deſunctis proſit in remiſſionem peccatorum, ſicut è Scriptura divina, traditione Apoſtolica graviſſimi Patres aſſeverant.

Hoc eſt eximium illud & incomparabile ſacrificium, quod Chriſtus in extrema cœna ſub panis & vini ſpecie inſtituens ſuis Apoſtolis, ut primis novi Teſtamenti ſacerdotibus ſucceſſoribus, ut offerrent his verbis demandavit: *hoc facite in meam commemorationem.*

Hæc eſt oblatio, quæ per varias ſacrificiorum naturæ & legis tempore ſimilitudines figurabatur, utpote quæ bona omnia per illa tum ſignificata, velut illorum omnium conſummatio & perfectio completitur. Hoc illud eſt jube ſacrificium, quod nonniſi ad finem mundi abolendum Daniel teſtatur.

Ad hoc ſpectat Sacerdotium ſecundùm ordinem Melchizedech, quod etiam David in Chriſto futurum, & permanſurum prædicat.

Hæc oblatio munda, quam nulla vel indignitas,

140 DE EUCHARISTIÆ

dignitas, vel malitia offerentium inquinare possit: quæ judaicæ legis sacrificijs quamplurimis unice succedens, apud gentes in omni loco id est toto orbe terrarum ad celebrandum Dei & Redemptoris nostri nomen offertur atque sacrificatur, ut apud Malachiam legimus.

Hæc est Missæ oblatio, Sacrificium, Liturgia cui testimonium omni exceptione majus præbent Canones & Traditiones Apostolorum, sanctæ Synodi, magnus consensus & usus perpetuus totius Ecclesiæ Græcæ & Latinæ, & Orientalis & Occidentalis.

Quod Missæ Sacrificium, si rem omnem æquè perpendimus, est revera Dominicæ passionis & illius cruenti Sacrificij, quod in cruce pro nobis est oblatum, sancta quædam & viva repræsentatio, atque simul incruenta & efficax oblatio.

Ex qua fit primùm, ut memoria, fides, & gratitudo nostra in Redemptorem ipsum vivida quotidie excitetur confirmeturque secundum illud: *Hoc facite in mei commemorationem.* Quorum verborum Ecclesia tam sedula interpretes fuit, ut omnem incruenti hujus Sacrificij externum ornatum, vestes sacras, vasa, ritus, actionesque omnes ita
in-

instituerit, ut ob oculos circumstantium nihil aliud, quam commemoratio illa sancta obversetur, tantique sacrificii majestas magis commendetur, ac mentes fidelium his tum signis, tum adminiculis exterioribus ad meditationem rerum divinarum, quæ in hoc sacrificio latent, facilius sustollantur ac veluti manu ducantur.

Hinc fit etiam, ut oblationis Christi in cruce factæ & redemptionis fructus nobis atque credentibus itidem omnibus tam defunctis, quam vivis applicetur.

Quare Cyprianus hoc Sacramentum ad sanandas infirmitates & purgandas iniquitates tum medicamentum, tum holocaustum esse testatur. Martialis verò Apostoli Petri discipulus, ita scribit: Quod Judæi per invidiam immolaverunt, putantes se nomen ejus à terra abolere, id causa salutis nostræ in ara sanctificata proponimus, scientes hoc solo remedio nobis vitam præstandam & mortem effugiendam. Omittimus interim ejusdem fidei ac sententiæ testes Patres alios, ut instituta nobis brevis retineatur.

Ex quibus liquidò constat, Christum dici & esse nobis Sacrificium duplici modo, cruento videlicet & incruento. Nam in
cruce

142 DE EUCHARISTIÆ

cruce cruentum ille Sacrificium pro nobis obtulit sese, ut typo Paschalis agni, qui apud Judæos immolabatur, verus ipse agnus sine macula, id est, figuræ veritas responderet. In cœna verò sicut & in altari, modo cultuque incruento, quemadmodum & Cyrillus vocat, idem offerri voluit, ut oblatio Melchisedech, qui panem vinumque obtulit, consummationem suam acciperet, maneretque verus Sacerdos secundum ordinem Melchisedech, ac ejus sacerdotium esset in æternum, nullo unquam alio succedente.

Illic semel & uno duntaxat in loco Judææ peregit sacrificium, de quo Paulus Hebræis scribens differit: hîc verò sæpius & omni in loco, nempe per omnem passim Ecclesiam sacrificatur, ut Malachias Propheta confirmat. Illic in mortem offertur, hîc in mortis illius jugem vivamque recordationem, & salutiferam ejus, quæ inde velut à capite ad membra dimanat participationem, ut nimirum illius in cruce oblatis sacrificij fru-

ctus, ac efficientia hoc Missæ sacrificio
quotidie nobis exhibeatur atque
applicetur.

VIII.

Estne sub altera tantum, panis scilicet; an verò sub utraque panis ac vini specie, sumenda Eucharistia?

DE Sacerdotibus quidem seu sacrificantibus constat, ambas Sacramenti species illis esse sumendas, sine quibus neque ritè consecrare, neque offerre possunt Eucharistiam. Cujus rei causam ex Sacrificio ipso pendentem reddere hìc jam necesse non est.

De aliis verò fidelibus non sacrificantibus illud fatendum est, nullo eos Divino praecepto ad utramque speciem sumendam astringi, sed ad salutem illis esse satis, alterius speciei communionem. Igitur si veteris Ecclesiae statum repetimus, nunc unam tantum, nunc utramque speciem fidelibus dispensatam fuisse comperiemus. Si verò Scripturam sacram consulimus, sic illa de hoc Sacramento disserit, ut modò panis & calicis, modò solius quidem panis soleat meminisse. Ubi enim legimus, *Nisi manducaveritis carnem filij hominis, & biberitis ejus sanguinem, non habebitis vitam in vobis.* Legimus etiam: *Si quis manducaverit ex hoc pane, vivet in aeternum.* Et qui dixit: *Qui manducat meam carnem, & bibit meum sanguinem,*

144 DE EUCHARISTIÆ

guinem, habet vitam æternam, dixit etiam: Panis, quem ego dabo, caro mea est pro mundi vita. Et rursus qui affirmavit: Qui manducat meam carnem, & bibit meum sanguinem, in me manet, & ego in illo, affirmavit & illud: Qui manducat hunc panem, vivet in æternum: ut omittamus, quæ Lucas de fractione solum panis adducit.

Neque Christi nobis deest exemplum, qui primum in extrema illa cœna sub utraque specie hoc instituit, ac Apostolis tradidit Sacramentum. Deinde verò in Emaus cum duobus discipulis agens, sub una solum specie porrexit illis Eucharistiam, ac postea statim illic sese subduxit, sicut Evangelicum hunc locum Patres interpretantur.

Proinde damnandi non sunt, sive qui nunc unica contenti specie ab usu calicis abstinent, & multis abhinc sæculis abstinuissent leguntur, sive qui olim, cum ita probaret Ecclesia, utramque speciem in usu publico habuere.

Verum magister rerum usus paulatim docuit majore cum populi commoditate, ac minore periculo, multisque de causis frugiferè fieri, ut omisso calicis usu, alterius tan-

tantum speciei communio retineatur: Atque ita faciendum jamdiu decrevit Ecclesia, non discendens illa quidem à Sponsi sui instituto præceptove (columna enim & firmamentum veritatis est, & mysteriorum Dei fida dispensatrix) sed potestatem à sponso acceptam in dispensandis mysterijs ad ædificationem communemque fidelium utilitatem, convertens, prout temporum hominumque conditio, quæ nonnulla etiam in sacris immutari cogit, postulare videtur.

Nam & Evangelij nobis verba declarant, Christum in cœna cum illis egisse, quibus potestatem fecit non sumendæ modò, sed etiam consecrandæ offerendæque Eucharistiæ, imò & ordinandæ, & administrandæ totius Ecclesiæ. Horum jussu, prudentiæ & authoritati reliquit, cum de alijs plerisque ad rem Christianam spectantibus, tum de modo ordineque dispensandæ fidelibus Eucharistiæ, jus in posterum constituendi, atque pro ratione temporum rite disponendi.

Id probat etiam ex Paulo Augustinus, & multis Apostolorum institutis evinci facile potest.

Nec est, cur Laicis injuria irrogari ulla
G pute-

putetur, si ut plerisque itidem alijs hâc in parte non æquantur sacerdotibus. Nam in confesso est, Christum non esse dissectum in partes duas secundum duo Sacramenti hujus signa: sed tam sub una, quàm sub utraque specie, inò sub unius etiam hostiæ consecratæ particula, Christum totum exhiberi atque sumi, videlicet secundum carnem, animam, sanguinem, divinitatem. Ubi autem Christus totus ac integer sumitur, illic deesse non potest integer quoque fructus & efficax grãtia tanti Sacramenti. Qua propter nullã hîc laici utilitate fraudantur, sive rem ipsam in Sacramento contentam, Christum scilicet Deum & hominem spectes, sive fructum & gratiam, quæ Eucharistiam fumentibus ad animarum salutem donatur, quæras: sed tantum hi sub altera accipiunt, quantum sub utraque, si liceret, specie essent percepturi.

Qua de re ambigendi, vel discendi amplius nullus jam relictus est locus, posteaquam Spiritus sanctus, qui juxta promissionem Christi docet, ac regit Ecclesiam, certam nobis & explicatam sententiam edidit, edicamque semel, ac iterum sacrosanctæ Synodi non violanda auctoritate confirmavit.

vit. Unde perspicuè colligi potest, hanc sub altera specie communicandi consuetudinem præcepto divino haud adversari, Ecclesiæ legitima auctoritate fulciri, temporis longævitate magnoq; populorum fidelium consensu comprobari, ratione ac utilitate certa commendari: ac demum pro lege, quam sola mutare possit Ecclesia, certò habendam esse. Sed nec adversarij, quantumvis hic obstrepent, ejusmodi in comunicando ritus initium ullum possunt demonstrare.

Ut mirum sit adhuc reperiri, qui privatæ pietatis specie ducti, & aliter sibi persuadeant, & hac in parte cum novis Ecclesiæ contemptoribus adversùs venerandæ totius Ecclesiæ auctoritatem conspirent.

His verendum est sanè, ne dum externa Sacramenti signa tantoperè urgent & contentioni serviunt, Sacramenti fructû internum, adeoque Christû totû amittant, ut ab omni usu Sacramenti præstet eos penitus abstinere. Quando quidem neque fides, neque Sacramenta ullis, nisi persistentibus in Ecclesiæ unitate, sunt salutaria. Ut hinc Augustinus dixerit: Omnia Sacramenta Christi non ad salutem, sed ad judicium habentur sine charitate unitatis. Ac ite-

rum, quid prodest homini sana fides, vel sanum fortasse fidei Sacramentum, ubi læthali vulnere schismatis perempta est sanitas charitatis? Nec dubium sanè, quin graviter in Christum ipsum peccent, qui hoc unitatis sanctissimo symbolo ad schismaticæ divisionis symbolum audent abuti.

IX.

Quem fructum exhibet ritè sumpta Eucharistia?

PLurimum sanè maximumque præbet. Hoc enim sacrum est convivium, in quo Christus sumitur, recolitur memoria passionis ejus, mens impletur gratiâ, & futuræ gloriæ nobis pignus datur: ut præclare horum fructuum sensu experientiaque excitata decantat Ecclesia.

Hic est panis, qui de cælo descendit, & dat vitam mundo, nostrosque animos in vita spirituali sustentat atque confirmat.

Hæc sacra Synaxis sive cōmunio, quæ fideles tanquam ejusdem corporis membra inter se jungi, ac sanctorum piorumque omnium meritis associari significat atque præstat: tum quod augustius est, eosdem capiti suo Christo arctissimè unit, ut in eo illi maneant, & ipse in illis, atque ita vitam æternam consequantur.

Hoc

Hoc est viaticum nostræ peregrinationis, quod in hujus vitæ deserto militiaque versantibus, & hinc ad cælestem Hierusalem contendentibus, veluti Manna Patribus datum, affert consolationem, delectationem, virtutem & gratiam, longè efficacissimam.

Duo Sacramentum illud (ut egregiè docet Bernardus) operatur in nobis, ut videlicet & sensum minuat in minimis, & in gravioribus peccatis tollat omnino consensum. Si quis vestrûm non tam sæpe modò, non tam acerbos sentit, iracundiæ motus, invidiæ, luxuriæ, aut cæterorum hujusmodi, gratias agat corpori & sanguini Domini, quoniam virtus Sacramenti operatur in eo, & gaudeat, quòd pessimum ulcus accedat ad sanitatem. Et idem alibi: Hoc Corpus Christi ægris medicina, peregrinantibus via quòd debiles confortat, valentes delectat, languores sanat: Per hoc homo mansuetior efficitur ad correptionem, patientior ad laborem, ardentior ad amorem, sagacior ad cautelam, ad obedientiam promptior, ad gratiarum actionem devotior. Festinate igitur (inquit beatus ille Ignatius) frequenter accedere ad Eucharistiam & gloriam Dei. Quando enim assiduè hoc ipsum agitur, expellun-

150 DE EUCHARISTIÆ

pelluntur potestates Sathanæ, qui actus suos convertit in sagittas ignitas ad peccatum. Medicamentum est pañis ille immortalitatis, antidotum non moriendi, sed vivendi, per JESum Christum in Deo.

X.

Quenam ad Eucharistiam dignè sumendam ejusque fructus consequendos requiruntur?

EXpedita est Apostoli responsio: *Probet se ipsum homo & sic de pane illo edat: quemadmodum & Augustinus dixit, in Christi corpore vita nostra consistit: mutet ergo vitam, qui vult accipere vitam.*

Hæc autem probatio sui, & vitæ mutatio in quatuor potissimum rebus versatur, videlicet, ut adsit fides, pœnitentia, mentis attentio, & Christiani hominis habitus decens.

Fides hoc postulat, ne de his, quæ diximus alijsque similibus ad hoc mysterium pertinentibus, quicquam dubitet. Id fiet, si simpliciter quidem in fide atque sententia Ecclesiæ; ut est sanè necessarium, per omnia acquiescas.

Pœnitentia, de qua mox plura dicemus, peccatorum detestationem & explicatam coram Sacerdote confessionem, impetratamque absolutionem exigit.

Ani-

SACRAMENTO. 151

Animus deinde præsens accedat opus est, qui sese per meditationes & preces ad hoc tantum Sacramentum serio convertat.

Postremo decens habitus & compositio postulat, ad sacram Synaxim neminem nisi castum, jejunum, modestum, humilem, supplicem, minimeque sordidum accedere oportere.

Qui verò sacram Eucharistiam indignè sumunt, non vitam, sed judicium sibi sumunt, & rei sunt corporis & sanguinis Domini, Apostolo teste, cum Juda igitur & Judæis sanguinarijs Christi hostibus gravissimè condemnandi.

DE POENITENTIÆ SACRAMENTO.

I.

Quid est Pœnitentiæ Sacramentum?

Est, in quo Sacerdotalis absolutio à peccatis, quæ detestatus riteque confessus quis fuerit, impenditur.

Quam absolvendi potestatem ut in Ecclesia certam haberemus, Divina promissio Sacerdotibus facta hæc fuit: *Accipite Spiritum sanctum: quorum remiseritis peccata,*
G 4
remit-

152 DE POENITENTIÆ

remittuntur eis: & quorum retinueritis, retenta sunt. Tum alio in loco: Amen dico vobis, inquit Dominus, quaecunque alligaveritis super terram, erunt ligata & in celo, & quaecunque solveritis super terram, erunt soluta & in celo.

Ex quibus liquidò cernitur, præstantem & consolationis plenam Sacramenti hujus efficaciam esse, ut quo remittantur quaecunque peccata foedissimè perpetrata, & solvantur indiscriminatim, qui coram Deo reas habent conscientias: idque Sacerdotum ministerio ex divini Christi institutione. Quare Sacerdotum potestas & auctoritas nunc longè quàm olim, est excellentior, pluriusque facienda, ut quibus non corporis lepram, verùm animæ sordes non dico purgatas probare, sed purgare prorsus concessum est, Chrysostomo teste, & Augustinus: Quid facit Ecclesia, inquit, cui dictum est, quæ solveritis, soluta erunt, nisi quod ait Dominus ad discipulos: *Solvite illum, & finite abire.*

II.

Cui opus est Pœnitentiæ Sacramento?

UT homo post Baptismum relapsus & inimicus Dei factus, per hoc Sacramentum remif-

SACRAMENTO. 153

remissione peccatorum accepta, Deo reconcilietur, & ex mortuo vivus, ex impioque justus efficiatur.

Unde Patres poenitentiam non temerè secundam post naufragium Tabulam vocant, qua scilicet ex vortice mortalis peccati, tanquam è naufragio subvehi, & in gratiam amicitiamque Dei transferri unusquisque possit, quantumlibet multis magnisque criminibus prægravetur.

III.

*Quando hoc Sacramentum ritè accipitur,
& efficaciter operatur?*

CUM is, qui remissionem peccatorum implorat, tres illas partes seu actiones adhibet, Contritionem, Confessionem, & Satisfactionem, quæ totam hominis ad Deum conversionem, poenitentis officium & renovationem complectuntur. De quibus ita Chrysostomus: Perfecta poenitentia cogit peccatorem omnia libenter ferre: in corde ejus contritio, in ore confessio, in opere tota humilitas.

Hanc esse frugiferam poenitentiam Chrysostomus asserit, ut quibus modis Deum offendimus (offendimus autem corde, ore, ac opere) iisdem reconciliemur Deo, corde

154 DE POENITENTIÆ

quidem per contritionem, ac opere per Satisfactionem.

Ad Contritionem pertinet illud, *Sacrificium Deo Spiritus contribulatus: cor contritum & humiliatum Deus non despicies.*

Confessionem his verbis Lucas indicat: *Multi credentium veniebant flentes & annuntiantes actus suos.* Et Jacobus Apostolus docet: *Confitemini alterutrum peccata vestra.*

Ad Satisfactionem porro spectant digni poenitentiae fructus, quos Joannes Baptista postulat, inter quos & eleemosynae. De his autem Daniel Propheta. *Peccata tua, inquit, eleemosynis redime, & iniquitates tuas misericordijs pauperum.*

Grande scelus grandem habet necessariam satisfactionem, ait Ambrosius.

Atque eò referendum etiam, quod Paulus ait de Corinthijs deplorandis, quandoquidem super immunditia, fornicatione & impudicitia quam gesserant, poenitentiam necdum egissent.

IV.

Quid est Contritio?

Est animi dolor, & quæ de peccatis propter Deum offensum concipitur detestatio, cum proposito vitæ in melius commutandæ conjuncta.

Hæc

Hæc contritio paratur, si quis peccatorum suorum foeditatem, magnitudinem ac multitudinem sedulò intueatur, si de summa bonitate offensa, de Dei gratia, cæterisque donis amissis sollicitè cogitet: si mortis incertæ ineluctabilem necessitatem, futuri judicii horrendam severitatem ac paratas etiam peccatoribus poenas sempiternas expendat atque pertimescat.

Huc pertinet illud Ezechiae: *Recogitabo tibi omnes annos meos in amaritudine animæ meæ*; Et illud Davidis, *A judicijs tuis timui*: Et quod idem gemens orat, *Afflictus sum & humiliatus sum nimis, rugiebam à gemitu cordis mei*. Nec multò post, *Iniquitatem meam annuntiabo, & cogitabo pro peccato meo*.

Quin & manifesta Dei vox est ad peccatorem. *Charitatem tuam primam reliquisti: memor esto itaque unde excideris, & age penitentiam*. Sed & Christus in Evangelio: *Timeate eum, inquit, qui postquam occiderit, habet potestatem mittere in gehennam: ita dico vobis: hunc timeate*. Jam verò contritionis hic dolor ita demum ad remissionem peccatorum nos præparat, si cum fiducia divinæ misericordiæ votoque præstandi ea, quæ ad poenitentiae Sacramentum spectant, conjungatur.

Estne Confessio necessaria?

ESt utique, non solum autem, ut quidam falsò autumant, interior illa, quæ coram Deo quotidie facienda est Davidis exemplo, qui ait: *Dixi confitebor adversum me injustitiam meam Domino*: Verum etiam hæc exterior, quæ apud Sacerdotem de criminibus peragitur omnibus, quæ post examinatam sedulò conscientiam in mentem homini veniunt.

Ita de hominibus Ecclesiæ primitivæ scriptum est: *Multi credentium veniebant confitentes & annuntiantes actus suos.*

Quam confitendi rationem esse necessariam non Ecclesiæ modò sacra jura, & Patrum veneranda scripta confirmant, sed etiam Christi divina verba concludunt declarantque, cum ait: *Quorum remisistis peccata, remittuntur eis: & quorum retinueritis, retenta sunt.* Atqui remittere, vel retinere peccata (cum judicis hæc sint officia) nullus rectè potest Sacerdos, nisi peccantis causam, de qua judicandum est, probè antea cognitam habuerit atque perspectam. Quæ causæ cognitio prius haberi non potest, quam is, qui expendendum se Sacerdoti, ut judici

ac medico suo absolvendumque tradit, spontanea confessione vulnera sua sigillatim detegat, atque ita aperiat, ut Sacerdos ubi peccata solvenda & ubi liganda sint, explicatè cognoscere queat.

VI.

Quomodo Patres de confessione scribunt?

HI certè non modò confitendi utilitatem & usum, qui semper in Ecclesia fuit, sed jus etiam atque necessitatem nobis magno consensu comendant comprobantque.

Ut verò plurimis paucos, & probatissimos illos testes producamus, sic habet imprimis magnus ille Basilius; Necessarium videtur his, quibus dispensatio Mysteriorum Dei commissæ est, confitenda esse peccata. Sic enim & hi qui antiquitus poenitebant, inveniuntur apud Sanctos confessi esse peccata sua.

Tum Cyprianus. Confiteantur, inquit, singuli, quæso vos fratres, delictum suum, dum adhuc qui delinquit, in sæculo est, dum admitti ejus confessio potest, dum satisfactio cujusque, & remissio facta per Sacerdotes apud Dominum grata est. Accedit his Augustini sententia, qui docet in hunc modum: Agite poenitentiam, qualis agitur in Ecclesia, oret pro nobis Ecclesia.

Ne-

Nemo sibi dicat, Occultè ago, apud Deum ago: novit Deus, qui mihi ignoscit, quia in corde ago. Ergo sine causa dictum est: *Quæ solveritis in terra, soluta erunt in celo?* Ergo sine causa sunt claves datæ Ecclesiæ Dei? Frustramus Evangelium Dei, frustramus verba Christi? promittimus vobis, quod ille negat? Nonne vos decipimus? Tum alibi: Sunt, inquit, qui sufficere sibi ad salutem autumant, si soli Deo, cui nihil occultum est, quem nullius latet conscientia, sua confiteantur crimina. Nolunt enim aut erubescunt sive dedignantur se ostendere Sacerdotibus, quos tamen inter lepram & lepram discernere per Legislatorem constituit Dominus. Sed nolo, ut ipsa decipiaris opinione, quatenus confundaris confiteri coram Domini Vicario, vel tabescens præ rubore, vel cervicosus præ indignatione. Nam ipsius similiter subeundum est iudicium, quem Dominus sibi non dedignatur Vicarium.

Nec minus est evidens, quod Loco ille Magnus scriptum reliquit. Multiplex misericordia Dei lapsibus subvenit humanis, ut non solum per Baptismi gratiam, sed etiam per poenitiæ medicinam spes vitæ

re-

reparetur æternæ, ut qui Regenerationis donum violassent, proprio se iudicio condemnantes, ad remissionem criminum pervenirent: sic Divinæ bonitatis præfidiis ordinatis, ut indulgentia Dei, nisi supplicationibus Sacerdotum, nequeat obtineri. Mediator enim Dei & hominum homo Christus JESUS, hanc præpositis Ecclesiæ tradidit potestatem, ut & confitentibus satisfactionem poenitentiae darent, & eadem salubri satisfactione purgatos, ad communionem Sacramentorum per januam reconciliationis admitterent.

VII.

Quid porrò de satisfactione sentiendum est?

ID videlicet, quod alia Christi Redemptoris propria, alia fidelium poenitentium communis sit Satisfactio. Illa semel in corpore Christi crucifixi, dum agnus ille mundi peccata tulit, peracta est, ut qui naturæ sunt iræ filij, Deo reconcilientur: Hæc verò, quæ ad poenitentes pertinet, à Christi membris in Ecclesia quotidie peragitur, cum poenitentes post confessionem ea, quæ Sacerdos absolvens injunxit, perficimus: aut cum ultrò quidem dignos poenitentiae fructus edimus, quibus antea actæ vitæ errata

160 DE POENITENTIÆ

ta sive commissâ, aliqua saltem ex parte compensemus.

Hæc vindicatoria simul & emendatoria quædam est Satisfactio : & Redemptoris Christi beneficium atque satisfactionem adeo non obscurat, ut magis etiam commendet illustretque. Illa enim præeunte, ac præcipuè cooperante, juxta divinam scripturam judicium facimus, & justitiam, delicta nostra contra nos ipsos vindicantes, & residuas in nobis peccatorum reliquias diluentes, Dei que gratiam nobis pleniorē concilians atque promerentes : denique hac ratione testantes, nos Christi crucem libenter amplecti, abnegare nos ipsos, mortificare carnem, veteris nos hominis odio commotos ad perfectiora conniti, dum adversus depravati animi motus ardenti zelo fortiterque certamus. Quo quidem pacto satisfactioni operam dabant David, Ninivitæ, & alij, quos in cilicio, cinere, gemitu, luctu, jejniis, aliisque afflictionibus poenituisse constat, qui & hinc Deo grati & approbati fuisse leguntur. Quam poenitentiae Scriptura confirmans, nobisque commendans clamat : *Convertimini ad me in toto corde vestro, in jejunio & fletu, & planctu.* Et alibi : *Convertimini & agite*

agite pœnitentiam ab omnibus iniquitatibus vestris : & non erit vobis in ruinam iniquitas. Et quidem Paulus docet, tristitiam, quæ secundum Deum est, operari vindictam : & generatim admonet : *Si nos ipsos dijudicavimus, non utique judicaremur à Domino.*

Ea propter non est, cur de Satisfactionis nomine, quod certè Patribus est perquam familiare, disceptemus, cum in scripturis res ipsa perspicuè proponatur.

VIII.

Profer aliquot Patrum de Satisfactione sententias ?

Cyprianus ille sanctissimus Martyr & testis gravissimus in hunc modum docet : Deus quantum Patris pietate indulgens est, tantum judicis majestate metuendus est. Alto vulnere diligens & longa medicina non desit : pœnitentia crimine minor non sit : orare oportet impensius, diem luctu transigere, vigilijs noctes ac fletibus infirmes ducere, tempus lachrymosis occupare lamentationibus, stratos adhærere cineri, in cilicio volutari & sordibus. Idemquæ rursus : Rogandus est Deus & satisfactione nostra placandus, delicta nostra reputanda, actus nostri & animi secreta volvenda, conscientia

162 DE POENITENTIÆ

scientiæ merita ponderanda. Nec multò post: Pœnitentiæ iter quod ostendit Antistes, amplectamur: remedia vitalia, quæ de scripturis cœlestibus ille deprømit, assumamus, & ex vulneribus etiam occultis, quorum exomologesi fecimus, exponentes apud eum conscientiæ nostræ pondus, salutarem medicinam exquiramus: nec cefsemus in agendâ pœnitentiâ, atque in domini misericordiâ deprecandâ, ne quod minus esse in qualitate delicti videtur, in neglectâ Satisfactione cumuletur.

Et Augustinus clarissimè dixit: non sufficit mores in melius commutare, & à factis malis recedere, nisi etiam de ijs, quæ facta sunt, satisfiat Deo per humilitatis gemitum; per contriti cordis sacrificium, cooperantibus eleemosynis.

Et apud Hieronymum legimus in hunc modum: Affligendum corpus, quod multis vacavit delicijs: longus risus perpeti compensandus est fletu; mollia lintheamina & serica pretiosissima, asperitate cilicij commutanda.

Eodem spectans Ambrosius; Qui agit pœnitentiam, inquit, non solum diluere lacrymis debet peccatum suum, sed etiam
emen-

emendationis factis operire & tegere superiora facta, ut ei non imputentur. Atque idem alibi: Grandi plagâ altâ & prolixâ opus est medicinâ. Grande scelus grandem necessariam habet Satisfactionem. Ita demum Gregorius: Cogitandum est summo-
pere, ut qui se illicita meminit commisisse, à quibusdam etiam licitis studeat abstinere: quatenus per hoc Conditori suo satisfaciat.

IX.

Estne satisfactioni etiam post mortem locus?

AD hoc explicandum varia morientium conditio est observanda. Horum enim alij gratiam Dei vitæque innocentiam ad finem usque conservant. Ad quos pertinet Manassis dictum, Justis & ijs qui non peccaverunt, ut Abraham, Isaac & Jacob, poenitentiam non esse positam; Alij peccaverunt quidem, & ex accepta Dei gratiâ exciderunt, sed criminum sordes dignis poenitentiae fructibus in hac vitâ expiarunt: ut David, Ezechias, Petrus, Magdalena. Utrumque hoc genus nullâ post mortem eget Satisfactione, sed ab ea prorsus est liberum.

At longè plures sunt homines mediij generis morientes, nec valdè mali, ut Augustinus indicat, qui peccatorum suorum poeniten-

nitentiam in vitâ perfectam non præstiterunt; ideoque per ignem salvandi, ut quod satisfactioni pro hac vitâ convenienti defuit, in altero sæculo justitiæ divinæ persolvatur. *Nihil enim coinquinatum intrabit in sanctam illam civitatem.*

Hujusmodi ergò defunctis, ut ad quæstionem propositam respondeamus, subeunda est quædam & gravis illa profectò post mortem satisfactio. Quam interim Deus pro ingenti clementia sua relaxare consuevit, pietate vivorum intercedente, ut defuncti suorum in Ecclesia fratrum, adeoque membrorum adjuti suffragijs, à peccatis horrendisque peccatorum poenis releventur. Et huc spectat, quod sacrae Scripturæ tradit autoritas: *Sancta & salubris est cogitatio, pro defunctis orare, ut à peccatis solvantur.* Unde laudatus est Judas ille Machabæus, quòd singulari religione ductus, pro mortuorum peccatis non preces modò, sed etiam sacrificium offerri sollicitè atque sumptuosè curârit.

In hanc sententiam concedunt venerandæ Synodi, & Patres qui veram Ecclesiæ doctrinam tradiderunt. Ex quibus ut unus pro multis, idemque fidei dignissimus testis

Augu-

Augustinus proferatur; in Machabæorum libris (inquit) legimus oblatum pro mortuis sacrificium.

Sed etsi nusquam omnino in Scripturis veteribus legeretur, non parva est universæ Ecclesiæ, quæ in hac consuetudine claret, autoritas, ubi in precibus Sacerdotum, quæ Domino Deo ad ejus altare funduntur, locum suum habet etiam commendatio mortuorum. Et rursus alibi: Purgatorias pœnas nullas futuras opinandum est, nisi ante illud ultimum tremendumque judicium. Et quid illis verbis luculentius? Orationibus sanctæ Ecclesiæ, & sacrificio salutari; & eleemosynis, quæ pro eorum (defunctorum) spiritibus erogantur, non est dubitandum, mortuos adjuvari, ut cum eis misericordius agatur à Domino, quam peccata eorum meruerunt. Hoc enim à Patribus traditum universa observat Ecclesia. Sic Augustinus ante M. CC. annos, ut interim eo vetustiores etiam, Cyprianum, Origenem, Dionysium, Clementem, in hac doctrina maximè consentientes, prætermittamus.

Quocirca Chrysostomus palàm hortatur, ut pro viribus & ipsi defunctos juvemus, &
alios

166 DE POENITENTIÆ

alios qui pro ipsis orent, commonefaciamus: Non enim temerè ab Apostolis hæc sanè ita fuerunt, ut in tremendis mysteriis defunctorum agatur commemoratio. Sciunt enim illis inde multum contingere lucrum, utilitatem multam. Ita Chrysostomus.

Hoc est demùm, quod adversus Aërianos Ecclesia fida Scripturæ interpretes usque docuit; ignem esse quendam purgatorium seu emendatorium, ut Augustinus appellat, eo-que pœnas peccatorum, quas hic pœnitentia perfectè non diluit, defunctis in Christo fidelibus luendas, & expiandas esse, nisi, prout Augustinus loquitur, viventium illorum pietate illi releventur.

X.

Quæ commendatio ac dignitas est pœnitentiæ?

HÆc est Evangelicæ prædicationis exordium, Angelorum in cælis gaudium, via in terris arcta, & angusta porta, per quam fideles ad vitam contendunt, & violenti rapiunt regnum cælorum. Hæc lapsos erigit, faucios curat, imbecilles roborat, mortuos vivificat, perditos restituit, omnia demùm quæ peccatum vitiat, Pœnitentia in nobis redintegrat. Hac veteris vitæ odium, nostri-que contemptum & omnem submis-
sionem

sionem testamur; hâc ipsâ duce lugentes consolationem; afflicti curationem, humiles verò exaltationem reportamus. Hæc est quâ Dæmones & vitiorum pestes superamus, quâ meritas pœnas avertimus, DEI placamus iram, conciliamus gratiam, & gloriam æternam comparamus.

Hinc illæ Christi voces in Evangelio, *Pœnitentiam agite, appropinquavit enim regnum celorum. Non veni vocare justos, sed peccatores ad pœnitentiam. Nisi pœnitentiam habueritis, omnes similiter peribitis.* At is demum veram pœnitentiam agit, ut Cypriani verbis hæc omnia concludamus, qui Dei & Sacerdotis præceptis obediens, & obsequijs suis, & operibus justis, Dominum promeretur.

DE SACRAMENTO EXTREMÆ UNCTIONIS.

I.

Quid de Sacramento Extremæ Unctionis credendum est?

IDipsum nempe, quod Catholica Ecclesia constanter docet, signum hoc esse sacrum, in sacramento oleo institutum, ut per illud cælestis virtus ad salutem non animæ solum, sed

fed & corporis, applicetur ægrotis ex divina institutione.

Cui Sacramento testimonium longè clarissimum præbet Jacobus Apostolus, cum in hæc verba scribit: *Infirmatur quis in vobis? inducat Presbyteros Ecclesiæ, & orent super eum ungentes eum oleo in nomine Domini: oratio fidei salvabit infirmum & alleviabit eum Dominus: & si in peccatis fuerit, remittentur ei.*

II.

Quid his verbis docet Apostolus?

Primùm, Sacramenti hujus ostendit elementum, seu materiam oleum esse Pontificali benedictione (ut rectè ait Beda) consecratum. Significat autem hilaritatem animi & confirmationem internam, quæ per Dei gratiam Sacramenti hujus virtute ab ægroto percipitur.

Deinde per Apostolum designatur Sacramenti minister proprius, nimirum Sacerdos, qui sacram hanc Unctionem cum orationibus decenter exerceat. Nec frustra de Apostolis est scriptum, *Ungebant oleo multos ægrotos, & sanabantur.*

Præterea, qui suscipiunt hoc Sacramentum, à Jacobo dicti sunt infirmi, quoniam ut Ecclesiæ mos est, in gravibus & periculosis

sis infirmitatibus tantum sacra isthæc unctio celebrantur.

III.

Quis est Sacramenti hujus fructus & effectus ?

Confert primum ad remissionem peccatorum, quæ quidem ab ægroto Pœnitentiæ remedijs non sunt expurgata, ut decumbentis anima peccatorum suorum onere ac morbo inprimis levetur.

Deinde prodest ad corporalem infirmitatem vel depellendam, vel alleviandam, quatenus expedit eam ægroto recuperare.

Postremò ad consolationem & fiduciam subministrandam valet, quæ sanè in supremo illo agone exituque animæ, opus est maximè, quando & cum doloribus acerbissimis, & cum horrendis Dæmonibus morituro est gravissimè conflictandum. Unde licèt salus corporis ægroto non restituatur, ut post acceptam hanc unctionem moriatur, sæpè tamen gratia in hoc Sacramento peculiaris præbetur ad morbi vim molestiasque constantius perferendas, & ad mortem ipsam facilius excipiendam. Atque hoc est, quod per Apostolum suum Deus promisit: *Oratio fidei salvabit infirmum, & alleviabit eum Dominus, & si in peccatis fuerit remittentur ei.*

H

Ad

170 DE ORDINIS

Ad quos quidem designandos effectus etiam olei natura, seu vis pulchrè congruit, ut explicat Theophylactus. Quocirca retinendum est prorsus, quod saluberrimè monet Augustinus: Quoties aliqua infirmitas supervenerit, corpus & sanguinem Christi ille, qui ægrotat, accipiat, & inde corpusculum suum ungat, ut illud quod scriptum est, impleatur in eo: *Infirmatur aliquis? inducat presbyteros, & orent super eum, ungentes eum oleo, & oratio fidei salvabit infirmum, & alleviabit eum Dominus, & si in peccatis sit, dimittentur ei.*

DE ORDINIS SACRAMENTO.

I.

Quid est Ordinis Sacramentum?

Est, quo singularis gratia, ac potestas spiritualis quibusdam traditur, ut munus in Ecclesia ex professo gerant.

Hoc est Sacramentum, per quod velut ostium, necessariò intrant legitimi dispensatores mysteriorum & eloquiorum Dei, ministri Christi & Ecclesiæ; Episcopi, Presbyteri, Diaconi, & quotquot demum in Ecclesiasticis munijs obeundis ritè & cùm auctoritate versantur.

Ne-

Nemo enim, ut Scriptura testatur, sibi summet honorem, exercendorum videlicet ministeriorum Ecclesiæ, nisi qui vocatur à Deo tanquam Aaron, hoc est, nisi Sacramento visibilis Ordinationis initiatus, & ab Episcopo legitimè ordinatus missusque fuerit ad opus certi ministerij, quod in Ecclesia pro suo statu gerat juxta leges Divinæ & Apostolicæ traditionis.

II.

Nonne omnes Christiani ex aequo sunt Sacerdotes?

DIci quidem ita possunt hæcenus, quòd sicut Sacerdotes externa quædam Sacrificia & ministeria sacra exercere solent: sic quotquot sunt in Christo renati, spiritualia quædam Sacrificia, nimirum orationes, laudes, gratiarum actiones, carnis mortificationem, & id genus alia quotidie possint ac debeant offerre seduloque exercitare: Ut hinc spirituales coram Deo Sacerdotes, & spirituales offerre hostias, in Scriptura dicantur.

Verùm si propriè nomen hoc sacerdotij accipimus, non sunt promiscuè Sacerdotes omnes, sed hi duntaxat, quibus auctoritas Ecclesiæ, ut Sacramentorum proprij sint

ministri, demandavit atque ad consecrandum, offerendum, dispensandumque sacramentum Eucharistiam, & ad peccata hominum tum remittenda, tum retinenda, jus contulit.

Ac de his quidem novæ legis Sacerdotibus seu Presbyteris ita Paulus: *Qui bene præsunt Presbyteri, duplici honore digni habeantur; maxime qui laborant in verbo & doctrina.* Id quod certè congruere non potest mulieribus, quas in Ecclesia idem Apostolus docere vetat ac tacere jubet, neque omnino plebeis convenit, quorum est, ovium more pasci, non pascere, regi, non regere, nec se præferre, sed subijcere & subjacere præpositis: & quæcunque hi, sive boni, sive mali, in Cathedra sedentes dixerint, audire, servare, & facere, ut Verbo Dei præceptum legimus. Quapropter sicut in Ecclesia triumphante Angeli sunt ordine ac potestate differentes, qui injuncta sibi munia decenti quadam observatâ dispositione obeunt ac fideliter exequuntur: sic militans etiam Ecclesia, quæ domus Dei, & velut castrorum acies quædam ordinata est, ministros habebit sibi peculiare, à reliquis Christianis sejunctos. & pulchro ordine inter se dispositos ad publica & communia Ecclesiæ mini-

ministeria in terris peragenda : nimirum ut pro Christiano, & populo in his, quæ ad Deum salutemque animarum spectant, suas illi operas ex professo ac pro dignitate debita præstent.

III.

Quo loco Scriptura testimonium huius Sacramento probat?

Illic scilicet, ubi de Apostolis docet, quòd in Ecclesiæ ministris deligendis, instituendis, atque ordinandis usi sunt manuum impositione. Hoc enim veluti symbolo certo & efficaci præsentis gratiæ, quæ in ordinum collatione exhibetur, & accipitur, Sacramentum illud nobis est commendatum.

Quare Paulus ad Timotheum à se creatum Episcopum scribens, & acceptæ in hoc Sacramento gratiæ illum monens: *Noli, inquit, negligere gratiam, quæ in te est, quæ data est tibi per prophetiam cum impositione manuum Presbyterij.* Et rursus ad eundem: *Admoneo te, ut resuscites gratiam Dei, quæ in te est per impositionem manuum mearum.*

Quoniam verò permagni refert, quales in Ecclesia quibuscunque munijs præficiantur: & Ecclesiasticam potestatem ex hoc Sacramento accipiant, ad omnem Episcopum dicitur: *Manus citò nomini imposue-*

ris, neque communicaveris peccatis alienis.

IV.

Quot gradus in se continet hoc Sacramentum?

Generatim quidem minores ordines majoresque continet: minores scilicet quatuor, Acolythorum, Ostiariorum, Lectorum, Exorcistarum, majores verò tres, nempe Subdiaconorum, Diaconorum, ac Presbyterorum. Ex Presbyteris porro alij majores, alij minores à Christo instituti, inveniuntur.

Majores enim Presbyteri Apostoli sunt, eorumque successores Episcopi, magnâ sanè potestate & reverenda dignitatis prærogativa excellentes. Nam horum est (Scriptura teste) attendere sibi & universo gregi, quem à Spiritu Sancto curandum paciscendumque accipiunt, regere Ecclesiam, ea, quæ defunt, corrigere, per civitates Presbyteros constituere.

Minores verò Presbyteri sub Episcopis, sicut septuaginta duo illi Discipuli sub Apostolis, in Ecclesiæ ministerio deserviunt, dona & sacrificia pro peccatis offerunt, atque in curanda Dominica messe, tanquam operarij secundum illos existunt.

Ac minorum quidem quatuor ordinum
Cleri-

Clerici hoc proprium habent munus, ut Sacerdotibus & Episcopis, multis in rebus præstò sint, ut ad sacra convenientem populum ordinent, utque paulatim ipsi velut quibusdam gradibus ad majora munia in Ecclesia obeunda ritè instituantur atque præparentur.

Cæteri verò majores tres ordines cum in alijs, tum in sacris Eucharistiæ mysterijs majorem conferunt potestatem. Igitur Subdiaconus & Diaconus dictis jam mysterijs tanquam administri adesse, ipsisque Sacerdotibus proximi esse possunt. Et quamquam quòd ad Ordinis Sacramentum ac sacrificandi authoritatem attinet, discrimen inter Episcopos, & Sacerdotes non sit, tamen sunt illi Sacerdotibus multò excellētiore, si Ecclesiæ gubernandæ, si pascendarum animarum jus, tum baptizatos confirmandi & Clericos ordinandi, potestatem consideremus.

Verùm præsentis instituti non est, quæ singulis Ordinibus functiones, & leges præscriptæ sint, enucleare. Illud sanè constat, magno in pretio cunctos Ordines habendos, ac sedulò retinendos esse. Fir-
mum enim testimonium illi præbet sacra

Traditionis Apostolicæ Ecclesiasticæque observationis disciplina, quæ ad nos usque transmissa perdurat.

V.

Quomodo veteres Patres de hoc Sacramento scribunt?

DE hoc Augustinus Doctor verè Catholicus suam & Ecclesiæ sententiam his verbis manifestè declarat: Quòd insufflasse in discipulos Dominus legitur post dies paucos resurrectionis suæ & dixisse, *Accipite Spiritum sanctum*, Ecclesiastica potestas collata intelligitur esse. Quia enim omnia in Traditione Dominicâ per Spiritum sanctum aguntur, idcirco cum regula & eis & forma traditur hujus disciplinæ, dicitur eis: *Accipite Spiritum Sanctum*. Et quia verè ad jus Ecclesiasticum pertinet, statim subjecit, dicens: Cujus tenueritis peccata, tenebuntur, & cujus remiseritis, remittentur ei. Inspiratio ergò hæc, gratia quædam est, quæ per Traditionem infunditur *Ordinatis*, per quæ commendationes habeantur. Unde Apostolus dicit ad Timotheum: Noli negligere gratiam, quæ est in te, quæ data est tibi per impositionem manuum, Presbyterij. Semel ergò fieri oportuit, ut de cætero

tero traditio ista non sine dono Spiritûs sancti esse crederetur. Hucusque Augustinus.

Extant & Apostolorum Canones, in quibus hoc modo statuitur: Episcopus à duobus aut tribus Episcopis ordinetur; Presbyter ab uno Episcopo ordinetur, ita Diaconus & reliqui Clerici. Tum infra: Si quis Episcopus, aut Presbyter, aut Diaconus, aut Hypodiaconus, aut Lector, aut Cantor sacram Quadragesimam non jejunaverit, aut quartam feriam, aut Parasceven (hanc sextam feriam nunc dicimus) ordine moveatur, nisi fortè infirmitas corporis impediat.

Cajus verò ante annos MCCC. Pontifex & Martyr illustris, hos ipsos gradus & Ordines sigillatim recenset, quum ait: Si quis Episcopus esse meruerit, primò Ostiarius, deinde Lector, post Exorcista, deinde facretur Acolytus, de hinc verò Subdiaconus. Diaconus, postea Presbyter: exinde si meretur, Episcopus ordinetur.

Laudat igitur Cyprianus Cornelium Episcopum, ac bonis omnibus tum in Clero, tum in populo eundem laudabili prædicatione commendari scribit, quia non iste ad Episcopum subito pervenit, sed per omnia Ecclesiastica officia promotus, & in

H 5

divi-

divinis administrationibus Dominum sæpè promeritus, ad sacerdotij sublimè fastigium, cunctis Religionis gradibus ascendit, tum deinde Episcopatum ipsum nec postulavit, nec voluit, nec invasit: sed quietus, modestus, castus, humilis, verecundus, demùm & coactus excepit.

Quos igitur ordines vetus & Apostolica probavit Ecclesia, sicut Dionysii Anacleti, Ignatiique scripta declarant, quos ætas etiam omnis complexa posterior, eos præfens Ecclesia non potest sanè non conservare atque defendere.

VI.

Quis est Ordo in Ecclesia magis celebratus?

PResbyterorum Ordo sive Sacerdotium: de cujus ingenti semperque reverenda dignitate Chrysostomus & Ambrosius libros integros ediderunt. De quo magnus etiam ille Ignatius, *Sacerdotium*, inquit, summa est omnium bonorum, quæ in hominibus consistunt: quod si quis inhonoraverit, Deum inhonorat, & Dominum Jesum Christum primogenitum totius creaturæ & solum naturæ principem Sacerdotum Dei. Sic ille. Quin & dilucidè testatur Divinum oraculum. *Labia Sacerdotis custodiunt scientiam:*

tiam : & legem requirunt ex ore ejus , quia Angelus Domini exercituum est. Et rursus : Qui superbierit , nolens obedire Sacerdotis imperio , qui eo tempore ministrat Domino Deo tuo , ex decreto judicis morietur homo ille, & auferes malum de Israël , cunctusq; populus audiens timebit, ut nullus deinceps intumescat superbia. Hinc & Apostolus jubet : Adversus Presbyterum accusationem noli recipere , nisi sub duobus aut tribus testibus. Idque ad Timotheum Ephesiorum Episcopum scribitur , sicut & illud jam antè citatum : Qui bene præsunt Presbyteri , duplici honore digni habeantur , maxime qui laborant in verbo & doctrinâ.

IV II.

Quid verò in malis Sacerdotibus est sentiendum ?

DIvina isthæc est ordinatio , quæ non potest aboleri , ut non boni modò , sed mali quoque Sacerdotes in Ecclesia honorentur. Vult enim in suis ministris agnosci , recipi , audiri , atque observari ille , qui dixit : Super cathedram Moysi sederunt scribæ & Pharisei quæcunq; dixerint vobis , servate & facite : secundum autem eorum opera nolite facere. Dicunt enim , & non faciunt.

Cæterum inter malos delectus quidam habent.

habendus est, ut quòd ad munus authoritatemque docendi, spectat, illis tantum fidem obedientiamque deberi intelligamus, qui ab Episcopis legitimè ordinati, ac missi, sanam Ecclesiæ doctrinam profitentur: ab alijs verò, ut hostibus & pestibus sedulò caveamus.

Quà de re sapientissimè monet, atque hunc in modum docet antiquissimus Irenæus: ijs qui in Ecclesia sunt Presbyteris obedire oportet, & qui successionem habent ab Apostolis, & qui cum Episcopatus successionem charismata veritatis acceperunt: Reliquos verò, qui absistunt à principali successionem, quocunque loco colliguntur, suspectos habere, vel quasi hæreticos & malæ sententiæ, vel quasi assentientes & latos. Nec multò post: ab omnibus talibus absistere oportet: adhærere verò his, qui Apostolicam sicut prædiximus, doctrinam custodiunt; & cum Presbyterij Ordine sermonem sanum, & conversationem sine offensa præstant ad confirmationem & correctionem reliquorum. Hæc Irenæus, ille, qui sancti Joannis Evangelistæ discipulum Polycarpum præceptorem audivit. Nec aliter Tertullianus docet, qui hæreticis hoc

ex-

exprobrat, dicens : Ordinationes eorum temerariæ, leves, inconstantes: Nunc Neophytos collocant, nunc sæculo obstrictos, nunc Apostatas nostros : ut eos gloria obligent quia veritate non possunt. *Nusquam* facilius proficitur, quàm in castris rebellium, ubi ipsum esse illic promereri est, itaque alius hodie Episcopus, cras alius : hodie Diaconus, qui cras Lector : hodie Presbyter, qui cras Laicus. Nam & Laicis sacerdotalia officia injungunt. Hucusque Tertullianus, perpulchre nobis depingens non suæ tantum, sed hujus etiam ætatis præposteros mores, & prophanos in turbandis sacris ordinandisq; ministris conatus sectariorum ostendens.

VIII.

Quæ virtus est hujus Sacramenti, & quis effectus ?

EXimia certè virtus est, & effectus multiplex. Nam qui septem his ordinibus, quos diximus, ritè initiantur, Dei consequuntur gratiam & potestatem spiritualem, ut quæ ad Ordinum ipsorum functiones proprias pertinent, salubriter exequantur ac inter Deum, Dei que populum idonei ministri sint constituti. Unde Ambrosius :
In loco Ordinis officij Ecclesiastici positus,
gratiam

gratiam habet, qualisvis sit, non utique propriam, sed Ordinis per efficaciam Spiritûs sancti.

Habent prætereà itidem ordinati certum ex eo & illustre testimonium, quo se ministeriaque sua commendent & comprobent alijs. Ita fit, ut ijs ordinibus insignes, & in ministerium Ecclesiæ segregati rectè cognoscantur, & suo in loco habeantur, meritòque honorentur. Væ autem ijs, quos non Aaronis à Deo vocati exemplum impellit, sed novandarum rerum studium ac animi tumor ad instar Oziæ Regis, ad Sacerdotalis dignitatis munera quomodo-cunque occupanda ac arripienda præcipitat. In quos divinus ille sermo rectè competit. *Non mittebam Prophetas, & ipsi currebant: non loquebar ad eos, & ipsi prophetabant.*

Et hos non Ecclesiæ ministros habendos, sed uti fures, latrones, vulpes, canes & lupos cavendos esse Scriptura monet: quoniam illi non per ostium ingrediuntur, sed aut propriâ temeritate, aut propter Magistratûs duntaxat civilis vel turbæ popularis favorem, Ecclesiastica munia sibi sumunt, absque legitima quidem vocatione & ordinatione in sacra illa munia involantes. *Quomodo*

modo autem prædicabunt, nisi mittantur? ut segregatus ille in ministerium Paulus inquit.

Certè ordine confuso, & sublato Sacerdotio Ecclesiastica corrueret Hierarchia, quæ tum ex Presbyteris & aliis ministris tum verò ex Episcopis rectè ordinatis constat: nec esset Ecclesia, quod dicitur, castrorum acies ordinata, nec veri & legitimi Ecclesiæ ministri internoscerentur: præterea docendi munus & auctoritas vilescere, Sacramentorum dispersio infidè præposterèque curaretur, ac vana etiam foret: functiones denum Ecclesiæ perturbarentur, atque sicut res nunc ipsanimùm docet, novæ falsæque doctrinæ per novos istos falsosque sponsæ ministros gliscerent, unde gravibus etiam & exitialibus motibus, quos experimur, identidem Ecclesia concuteretur. Quapropter Apostolus Paulus non modò gradus ministrorum in Ecclesia diversos posuit, verùm etiam quàm salutares ac necessarij essent, adjunxit, ut affirmet divinitus eos esse datos Ecclesiæ, quemadmodum antea dictum fuit. *Ad consummationem Sanctorum in opus ministerij, in ædificationem corporis Christi, & ut jam non simus parvuli fluctuantes, & circumferamur omni vento doctrinae*

etrine in nequitia hominum, in astutia, ad circumventionem erroris.

Et est profectò illustris hæc nota Ecclesiæ, multoque certissima, quòd videmus perpetuam illam, nullaque hætenus ætate interruptam Episcoporum ac legitimorum in ea ordinum successionem, quos Deus in ea hujus regni sui gubernationem integram collocavit. Eoque magis ministrorum isthæc institutio, tanquam nexus firmissimus Ecclesiæ, & conservandæ unitatis pulcherrimum vinculum, sedulò retinenda, & in malis etiam Ecclesiæ ministris (ut diximus) propter divinam ordinationem est usque honoranda. Quod Augustinus intelligens: In illum, inquit, ordinem Episcoporum, qui ducitur ab ipso Petro usque ad Anastasium, qui nunc eandem Cathedram sedet, si quisquam traditor per illa tempora subreplisset, nihil præjudicaret Ecclesiæ, & innocentibus Christianis, quibus Dominus providens, ait de præpositis malis: *Quæ dicunt, facite: quæ autem faciunt, facere nolite.* Hæc Augustinus.



DE MATRIMONII SACRAMENTO.

I.

Quid est Matrimonium?

Matrimonium est legitima viri foeminæque conjunctio, ad consuetudinem vitæ individuan inter ipsos conjuges transigendam divinitus instituta.

Legitima, inquam, ut mutuus amborum consensus accedat; & gradus, quos vocant, consanguinitatis & affinitatis, aliâque id genus matrimonium vel prohibentia, vel dirimentia, minimè intercedant. Cujus quidem conjugalis conjunctionis si primarium auctorem quæris, Deus est Opt. Max. qui primos conjuges & humani generis parentes in ipso paradyso conjunxit, suâque benedictione cohonestavit. Sin finem institutionis spectas, est humani generis ad Dei gloriam propagatio, & conjugum inter se familiaris convictus, ac præterea fornicationis in hac naturæ corruptæ imbecillitate devitatio.

II.

Qua ratione Matrimonium est Sacramentum?

Quatenus ea conjunctio, quæ inter virum
rum

186 DE MATRIMONII

rum & uxorem arctissima intercedit, congruum & sacrum est signum divinitus institutum, quo Christi sponsi & Ecclesiæ sponsæ conjunctio sanctissima firmissimæque designatur.

Hoc ipsum signum Christianis conjugibus, quando matrimonium ritè auspicantur, ad gratiam Dei prodest accipiendam. Quæ gratia conjugibus naturalem perficit amorem, & indissolubilem unitatem confirmat, eosque sanctificat, ut non modò sint, maneatque in carne unâ secundum suam vocationem, verum etiam, ut mutua inter se fidem, pacem, dilectionem & consensionem maximam usque conservent. Atque ita in eis efficitur, quod Apostolus docet, *Honorabile conjugium in omnibus & thorus immaculatus.*

Proinde Paulus idem, ubi conjunctionis ejusmodi tractat mysterium, perspicuè dixit: *Sacramentum Hoc Magnum Est, ego autem dico in Christo & in Ecclesia.* Sic & Augustinus. Non tantum fecunditas, cujus fructus in prole est, nec tantum pudicitia, cujus vinculum est fides, verum etiam quoddam Sacramentum nuptiarum commendatur fidelibus conjugatis. Unde dicit

dicat Apostolus: *Viri diligite uxores vestras, sicut & Christus dilexit Ecclesiam.* Et rursus: In nuptijs plus valet sanctitas Sacramenti, quam fœcunditas ventris.

III.

An dirimi unquam potest Matrimonium?

Matrimonium dirimi non posse, sed illius nexum indissolubilem esse, primi hominis verba illa demonstrant: *Relinquet Homo Patrem suum & Matrem, & adheret uxori suæ, & erunt duo in carne una.* Quam rem Christus quoque confirmavit, cum Adæ verba veluti divina repeteret, illud etiam adjungens: *Quod Deus conjunxit, homo non separet.* Atque alibi docet: *Omnis qui dimiserit uxorem suam, & alteram ducit, mæchatur: & qui dimissam à viro ducit, mæchatur.* Hanc porrò Dei legem & inviolabilem ordinationem de perpetuâ conjugalis nexûs firmitate Paulus illustrans: *His, ait, qui matrimonio juncti sunt, precipio non ego, sed Dominus, uxorem à viro non discedere: quòd si discesserit, manere innuptam, aut viro suo reconciliari. Et vir uxorem non dimittat.* Ac postea subjicit: *Mulier alligata est legi, quanto tempore vir ejus vivit.*

Etsi igitur nulla etiam speretur proles, & quæ-

quælibet vitæ incommoda duriffimique cafus accedant; tamen contractum femel matrimonium valet, adeoque ratum & firmum eft, præfertim fi fit confummatum, ut ufque indiffolubile in omni vita perfeveret. Unde non poteft altera conjugum ab altero in univerfum divertere, nifi fortè, priusquam inter conjuges carnale commercium intercefferit, religiofæ vitæ institutum fufcipiatur. Ubi verò caufæ quædam offerunt fefe, ob quas aliquando conjuges feparentur, non idcirco vinculum folvitur, fed thori & cohabitationis communitas, quæ antea fuit, impeditur.

Cujus rei caufam in Chrifto ipfo ftatuemus, qui fumma, perpetua & inſeparabili prorfus unione Eccleſiam, ſponſam illam unicam, ſemperque chariffimam, ſibi adjunxit atque copulavit. Neque ſolum hæc ipſa, quæ inter virum & uxorem eft conjunctio, vinculi conjugalis habet firmitatem; verum etiam omnem inde Polygamiã, ne videlicet viros plures nubant, aut una pluribus detur maritis, penitus excludit. Quare Chriſtus, ut Matrimonium & certiùs confirmaret, & ad puriorem primævumque illum ſtatum revocaret, ſignifi-

canter

canter dixit: *Erunt duo in carne una.* Et
rursum: *Jam non sunt duo, sed una caro.*

IV.

Estne permissum omnibus Matrimonium?

MInimè. Tradiderunt enim sancti Apostoli, ut Epiphanius inquit, peccatum esse post decretam votoque firmatam virginitatem ad nuptias converti. Idque tale ac tantum esse peccatum asserit Hieronymus, ut dicat, Virgines, quæ post consecrationem nupserint, non tam adulteras, quàm incestas esse. Et Augustinus ait: Virgo, quæ si nuberet, non peccaret: sanctimonialis si nupserit, Christi adultera reputabitur. Respexit enim retrò de loco, quò accesserat.

Proinde quod Apostolus habet, *Melius est nubere, quàm uri*, prout Ambrosius disertè pronuntiat, ad non pollicitam, ad nondum velatam pertinet. Cæterùm, quæ se sponpondit Deo & sanctum velamen accepit, jam nupsit, jam immortalis nupta est viro: & si jam voluerit nubere communi lege conjugij, adulterium perpetrat, ancilla mortis efficitur. Sic Ambrosius. Unde semper laudatum fuit Joviniani Imperatoris rescriptum, & à Justiniano Imperatore in Codicem relatum, quod sic habet: Si quis
non

non dicam rapere, sed attentare tantum jungendi causâ matrimonij Sacratissimas virgines ausus fuerit, capitali poenâ feriatur.

Jam de Monachis, & sacris Ordinibus initiatis eadem oratio, idem judicium est prorsus: damnationem enim habent, si laxatis libidini habenis, primam fidem Deo & Ecclesiæ datam fefellerint, seu, ut Apostolus loquitur, irritam fecerint: Qui ultrò se abdicarunt conjugio, dum servandum perpetuò cœlibatum, aut voto expresse nuncupato firmarunt, aut sacrorum Ordinum susceptione saltem tacitè comprobaverunt, atque testati sunt.

Audiant igitur verbum Dei: *Si quid vovisti Deo, ne moreris reddere. Et, Quodcumque voveris, redde. Tum alibi. Vovete & reddite Domino Deo vestro.* Quin & Christus ipse docet: *Nemo mittens manum ad aratrum, & respiciens retrò, aptus est regno Dei.*

V.

Cogit igitur ad Cœlibatum quosdam Ecclesia?

NON cogit sanè pia providaque mater, quæ legem cœlibatûs nemini imponit: ab ijs verò, qui legem eam, uti dictum est, ultrò receperunt, exigat, ne solvant religionem, nève conventionem, quam cum Christo

sto & ejus Ecclesia sanctè iniverunt, violent atque rescindant.

Meritò igitur urgentur illis stare promissis, & servare, quod semel firmiter amplexi sunt consilium Evangelicum, de quo Paulus: *Et qui matrimonio jungit Virginem suam, benè facit* (quandiu scilicet voto cœlibatûs adstricta non est) *Et qui non jungit, melius facit.* Ac rursus: *Bonum est homini mulierem non tangere.* Quocirca laudantur à Christo, & in Ecclesia semper apprimè laudati fuerunt Eunuchi Evangelici, sive, ut Tertullianus vocat, spadones voluntarij, qui seipsos propter Dei regnum castraverunt, ut sint sancti & corpore & spiritu, Deo in carne sine carne militantes.

Ubi duplex error nobis est valdè cavendus: alter eorum, qui cum Joviniano matrimonium sic extollunt, ut aut æquent, aut anteponant hunc statum cœlibatui seu virginitati, cum Paulus quidem & Patres omnes apertè reclamant: alter eorum, qui fingunt continentiam & cœlibatum ab hominibus Christianis vix posse præstari, ideoque nulli eum facile suscipiendum, aut sanctè promittendum esse contendunt. Nec intelligunt isti Evangelicæ gratiæ ubertatem,

tem, quæ talis ac tanta per Christum tot sæculis data est, & quotidie datur credentibus, petentibus, quærentibus, pulsantibus, ut hi jugum Domini suave & continentiae viam non minus sibi commodam, quàm salutarem experiantur. Inter quos erat & Paulus palàm affirmans: *Fidelis Deus est, qui non patietur vos tentari supra id, quod potestis, sed faciet etiam cum tentatione proventum.* Quamobrem Augustinus ubi locum illum: vovete & reddite Domino Deo vestro: explicat, ita scriptum reliquit: Non sitis pigri ad vovendum. Non enim viribus vestris implebitis. Deficietis, si de vobis præsumitis. Si autem de illo, cui vovetis, vovete, securè reddetis. Et idem alibi: Felix necessitas quæ ad meliora compellit.

VI.

Quæ est summaria doctrina superiorum?

QUæ pro institutâ dicta sunt hætenus brevitate, eò sunt demum referenda, ut habeant simplices assertionem Catholicam de septem Ecclesiæ Sacramentis. Quæ duplicis quidem esse generis inveniuntur; Alia enim, ut priora quinque, singularem uniuscujusque fidelis salutem promovent: alia verò, duo videlicet posteriora, multipli-

plicando Dei populo & Ecclesiæ propagandæ deserviunt. Utrumque autem illud ex divina, nobisque necessaria institutione efficiunt.

Enim verò Baptismus ad spiritualem vitam, quæ in Christo est, regenerat. Confirmatio vires porrò ac robur addit regenerato. Eucharistia cibus, potus ac viaticum est peregrinanti. Pœnitentia præsens adversus omnes animi morbos pharmacum, lapsum hominem erigit, curatque vulneratum. Succedit extrema unctio, quæ in postremâ cum morte luctâ munit atque consolatur emigrantem. Ordo deinde ministros probat Ecclesiæ, qui sacris præsint ac superiora omnia ritè procurent, dispensent & applicent. Deinde Matrimonium Christianam gentem propagat, & humanæ providet incontinentiæ.

Ubi enim istud discrimen retinendum est, quòd Baptismus, Confirmatio & Ordo semel collata nunquam itterentur. Baptismus item necessario suscipitur ab omnibus, Eucharistia à ratione utentibus: & à relapsis Pœnitentia. At est arbitrium uti reliquis, modò nullum contemnas aut negligas in tempore.

194 DE MATRIMON. SACRAM.

Hæc sunt igitur antidota, divinæque remedia, quæ misericordiâ plenus ille Samaritanus instituit & Ecclesiæ præpositis dispensanda concedidit, nimirum ad probè curandos ægros, id est, peccatores omnes in Ecclesia, quoad illi, si velint, veram perfectamque sanitatem adipiscantur. Quæ quidem remedia ritè cognoscere, salubriter accipere, atque fideliter etiam alijs applicare, non artis profectò humanæ, sed Christianæ est sapientiæ. De qua cum satis dictum sit hætenus; quemadmodum præsentis instituti ratio tulit, reliquum est, ut Cn. isto duce ad alteram hujus operis partem, quæ Christianam justitiam continet, porro transeamus.

Ecclesiastici 4.

Sapientia filiis suis vitam inspirat, & suscipit inquirentes se, & præbit in via Justitiæ, & qui illam diligit, diligit vitam.

DE JUSTITIA CHRISTIANA.

I.

Quenam pertinent ad Justitiam Christianam?

SUMMATIM duo, quæ his verbis continentur. *Declina à malo, & fac bonum: sic ut*

DE JUSTITIA CHRISTIANA. 195

ut Esajas docet *Quiescite agere perverse, & discite benefacere.* Hoc est, quod Paulus monet, veterem in injustitia & actibus suis exuendum, & novum hominem in justitia & sanctitate & veritate induendum esse. Prius est in cognoscendis fugiendisque peccatis positum, quoniam ea ipsa maxima sunt mala mortalibus: posterius verò in bonis expetendis atque confectandis versatur.

Ut autem justitiæ hoc officium utrumque præstemus, Dei gratia per Jesum Christum nobis parta & promissa: semperque necessaria est, ea verò præeunte atque cooperante, efficitur id in nobis, quod Joannes affirmavit: *Qui facit justitiam justus est, sicut & ille (Deus) justus est.* Addit porro. *Qui facit peccatum, ex Diabolo est.*

II.

Quid est peccatum?

Augustino teste, Peccatum voluntas est retinendi vel consequendi, quod Justitia vetat; & unde liberum est abstinere. Et alibi docet, Peccatum esse dictum, vel factum, vel concupitum contra legem Dei. Ambrosius verò. Quid est peccatum, inquit, nisi legis divinæ prævaricatio, & cælestium inobedientia præceptorum?

III.

Quotiplex verò peccatum est?

TRiplex: Originale, Mortale, ac Veniale. Primum Originale vocamus, quod à primo humani generis parente Adam transfusum, nobisque in ipsa conceptione contractum, per Baptismum in Christo tollitur. De quo Paulus in hunc modum: *Per unum hominem, inquit, peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt.* Et rursus ad baptizatos loquens, ut vim Christiani Baptismi ad hoc quoq; peccatum expiandum porrigi ostenderet, aperte testatur: *Abluti estis, sanctificati estis, justificati estis, in nomine Domini nostri Jesu Christi, & in Spiritu DEI nostri.*

Mortale verò, est peccatum (ut vocant) actuale, quod vitam spiritualem eripit, ac mortem adfert animæ peccantis: quæ mors à Deo Dei que regno separat, & supplicio æterno dignum facit. Unde scriptum est: *Stipendia peccati mors. Injustitia mortis est acquisitio. Impij autem manibus & verbis accersierunt illam.*

Demum Veniale peccatum est actuale quidem, sed quod Dei inimicum hominem
non

non efficit, cujusque à Deo venia fidelibus facile impetratur. De hoc Joannes dixit : *Si dixerimus, quoniam peccatum non habemus, ipsi nos seducimus, & veritas in nobis non est.* Nam & Jacobus aperte fatetur : *In multis offendimus omnes.* Et si Sapienti credimus, *Septies cadit justus in die, & resurgit.*

Jam verò peccatum unum altero esse gravius constat, & quidem graviori poenam majorem deberi, non solum humanæ, sed etiam divinæ est justitiæ consentaneum. Proinde Christus inter culpam poenamque scienter ac ignoranter peccantis ita discrevit : *Ille servus, inquit, qui cognovit voluntatem Domini sui, & non se preparavit, & non fecit secundum voluntatem ejus, plagis vapulabit multis : qui autem non cognovit & fecit digna plagis, vapulabit paucis.* Alibi verò idem de peccato iræ ejusque gradibus loquens, hanc tulit sententiam : *Omnis, qui irascetur fratri suo, reus erit judicio : qui autem dixerit fratri suo Racha, reus erit concilio : qui autem dixerit, fatue, reus erit gehennæ ignis.* Ubi per gradus culpæ crevit ordo sententiæ, ut Crggorij verbis utamur, dum ira sine voce, Judicio ; ira in voce, Concilio, ubi causa sententiæ definitur :

ira verò in voce atque sermone, gehennæ ignibus mancipatur.

IV.

Quare peccatum est fugiendum?

PRimum, quia *Deus nemini mandavit impiè agere, & nemini dedit spatium peccandi*, sed odit omnes, qui operantur iniquitatem, ut apertè Scriptura testatur. Nec est quicquam Deo magis invisum ac exosum; qui diligit alioquin omnia, quæ sunt, & præter peccatum nihil odio atque supplicio persequitur, illudque nec in cælo, nec in terra finit impunitum abire.

Deinde peccatum ne parum execrandum videatur, Christo Domino, qui alioquin peccatum non fecit, causam præbuit subeundæ crucis & acerbissimæ mortis perferendæ. Etenim *Ipse vulneratus est propter iniquitates nostras, attritus est propter scelera nostra: posuit Dominus in eo iniquitatem omnium nostrum: Ipse est propitiatio pro peccatis nostris, non pro nostris autem tantum, sed etiam pro totius mundi.* Ac propterea quidem lavit nos à peccatis nostris in sanguine suo, ut quotquot cum ipso per baptismum in mortem conssepeliuntur, hi peccatis mortui justitiæ vivant, ac in novitate vitæ per ipsius gratiam

tiam ambulent continenter. Cæterum qui post acceptam in Baptismo Christi gratiam iterum voluntariè peccant, in Christum peccant, Christum persequuntur, Christum denuò crucifigunt, quos Christo Judici pœnas majores quàm sceleratos Ethnicos dare oportebit. Sic enim Paulus docet : *Voluntariè peccantibus nobis post acceptam notitiam veritatis, jam non relinquitur pro peccatis hostia, terribilis autem quædam expectatio judicij.* De quibus & Apostolus Petrus dixit : *Melius erat illis non cognoscere viam justitiæ, quàm post agnitionem retrorsum converti, ab eo, quod illis traditum est sancto mandato.* Quare qui stat, videat ne cadat : nam cadendo posteriora prioribus deteriora fiunt : Præterea qui faciunt peccatum & iniquitatem, hostes sunt animæ suæ, si Raphaeli credimus. Nam homo per malitiam occidit animam suam. Anima, quæ peccaverit, ipsa morietur. Nihil autem ea morte infelicius, quàm homo à Sanctorum omnium consortio, ab Angelorum & cælitum gaudio, atque ab ipso denique summo & æterno bono, in cujus cognitione ac fruitione sanè omnis salus & perfecta hominis beatitudo consistit, in æternum separatur.

Ad hæc ea peccati natura est atque malignitas, ut non solum à Deo Deique gloria homines etiam justos abducatur; sed præterea summis æternisque malis cum corporis tum animæ subjicit, nec solum in hac, sed etiam in futura vita infelicissimos reddit, ut in potestatem dæmonum redacti, supplicijs gravissimis & malis omnibus perpetuò addicantur. Hinc notanda sunt in Scripturis sacris, quæ passim de reprehensis ac punitis peccatoribus exempla proferuntur, ut de Cain, Pharaone, Nabuchodonosore, Sodomitis, Ægyptijs, Israëlitis, & cæteris, quorum scelera justus Deus miris ac horrendis modis est persequutus. Observandæ quoque sententiæ, quæ peccatorum pestes fugiendas & execrandas, docent. Ut: Qui facit peccatum, servus est peccati. Odio sunt Deo impius & impietas ejus. Miseros facit populos peccatum. Quasi à facie colubri fuge peccata. Non Deus volens iniquitatem tu es, neque habitabit juxta te malignus, neque permanebunt injusti ante oculos tuos. Qui in uno peccaverit, multa bona perdet. Omnibus diebus vitæ tuæ in mente habeto Deum, & cave, ne aliquando peccato consentias, & prætermittas præcepta DEI nostri. Hæc eò spectant,

stant, ut æquissimum peccatorum vindicem Deum homo cognoscat, cognoscendo timeat, timendo caveat salutem suam, & cavendo poenas evadat horribiles peccatorum. Multa enim flagella peccatoris.

V.

Quæ via ad peccati foveam ducit?

TRIBUS præcipuè gradibus ad peccatum pervenitur: Suggestione, delectatione, consensu.

Suggestione quidem hostis, dum nobis prava ingeritur cogitatio: sive tentatio à mundo, carne, vel Satana: delectatione autem nostra, dum animo jam nimium adlubescit, quod prava suggessit tentatio, demum & proprio consensu, dum in peccatum ipsum voluntas allectat, consentit deliberatè: Ex quo sanè consensu peccatum jam consummatur, ut hominem non modò immundum iniquumque faciat, & spiritui valiter occidat; verum etiam coram Deo gehennæ obnoxium reddat, etiamsi non semper opere perpetretur. Unde non temerè dictum est illud: In suggestionem semen, in delectationem nutrimentum, in consensu perfectionem inesse peccati.

Quòd si exactius consideremus, qui soleant

202 DE PECCATIS.

leant gradus esse peccati, imprimis oritur ex suggestione cogitatio, ex cogitatione affectio, ex affectione delectatio, ex delectatione consensus, ex consensu operatio, ex operatione consuetudo, ex consuetudine desperatio, ex desperatione peccati defensio, ex peccati defensione gloriatio, ex gloriatione damnatio. Hæc est demum longa illa & horrenda peccatorum catena: hi funes atque compedes, quibus adstrictum hominem Satanas nunc in omne genus malorum, ac tandem in tartaream abyssum præcipitat infelicissimè, atque idcirco plurimum refert peccatorum gradus ejusmodi atque propagines, ne fallamur atque pericitemur, studiosè discernere & observare.

VI.

Quomodo peccata facile devitantur?

PRimum quidem; si quæ peccatis mala & pericula succedant, prævideamus: deinde si illorum initijs, pravisque suggestionibus, quibus ad peccandum facile sollicitamur, statim occurramus, atque repugnemus fortiter: postremò, si virtutes contrarias exercitare nitamur, Christo in his omnibus auxiliante.

Monet igitur Ecclesiasticus: *Post concupiscere*

piscentias tuas non eas, & à voluntate tua avertere. Si præstes animæ tuæ concupiscentias ejus, faciet te in gaudium inimicis tuis. Unde divinum etiam oraculum pronunciat: Nonne si benè egeris, recipies? sin autem male, statim in foribus peccatum aderit? sed sub te erit appetitus ejus & tu dominaberis illius.

Atque hic locum habet armatura spiritalis, quæ vult Paulus Christi milites adversus peccatum & insidias omnes Diaboli esse munitos, ut peccato repugnare, in die malo resistere, & omnia tela nequissimi extinguere possint.

DE SEPTEM PECCATIS CAPITALIBUS.

I.

Quæ sunt peccata præcipuè animadvertenda?

EA nimirum, quæ dicuntur Capitalia, quòd sint velut fontes vel capita reliquorum, & è quibus velut corrupta radice, pestiferi planè fructus nascuntur, & longa quasi stirpe omnis generis vitia, turpitudines, scandala, damna, corruptela, ac pestes humani generis descendunt & vi magna profluunt.

II.

Quot sunt peccata ejusmodi Capitalia?

Septem : quæ sic numerantur ; Superbia, Avaritia, Luxuria, Invidia, Gula, Ira, Acedia. Sed ut hæc maximo semper odio prosequenda fugiendæque ; sic virtutes septem, quæ peccatis illis opponuntur, summo quidem studio & amore,, si vitam animæ quærimus, sunt confectandæ. Superbiæ contraria est Humilitas, Avaritiæ Liberalitas, Luxuriæ Castitas, cum Invidia pugnat Charitas, Gulæ opponitur Abstinencia, Iræ Patientia, demum Acediæ devotio seu pia sedulitas sedulæque pietas adversatur.

III.

Quid est superbia & quas gignit filias?

Superbia est inordinatus appetitus excellentiæ, sive intus lateat in animo, sive extrinsecus etiam sese prodat.

Hæc etsi vitiorum quidem omnium mater, princeps ac regina est : præcipuè tamen infelicem hanc sobolem gignit, inobedientiam, jactantiam, hypocrisin, contentionem, pertinaciam, discordiam, curiositatem.

Ut autem delictum hoc maximum caveatur, Tobias in hunc modum admonet.

Super-

Superbiam nunquam in tuo verbo dominari permittas : in ipsa enim initium sumpsit omnis Perditio. Hinc Apostolica illa doctrina : Deus superbis resistit, humilibus autem dat gratiam. Imò si Ecclesiastico credimus, Odibilis est coram Deo & hominibus superbia, Radices gentium superbarum arefecit Deus, & plantavit humiles ex ipsis gentibus. Quid ergò superbis terra & cinis?

IV.

Quid est Avaritia, quarum filiarum mater?

Avaritia est habendi appetitus inordinatus. Avarus enim rectè judicatur, non solum qui rapit, sed etiam qui concupiscit, aliena, vel cupidè servat sua.

Filiæ sunt hujus pessimæ matris, Proditio, fraus, fallacia, perjurium, inquietudo, violentia, immisericordia, seu inhumanitas, & cordis durities. Damnat hoc vitium Apostolus, ut Idolorum servitutem dixerit; nec eo contentus, ita scribit: Qui volunt divites fieri, incidunt in tentationem & laqueum Diaboli, & desideria multa & inutilia & nociva, quæ mergunt homines in interitum & perditionem. Radix enim omnium malorum est cupiditas. Et alibi scriptum habemus: Avaro nihil est scelerius.

lestius. Item: Nihil est iniquius, quàm amare pecuniam. Hic enim & animam suam venalem habet. Et Christus ipse testatur. Non potestis Deo servire & Mammoni. Et iterum: Nolite solliciti esse in crastinum. Quod Paulus etiam explicatius reddens, ita monet: Sint mores sine avaritia, contenti præsentibus. Ipse enim dixit: Non te deferam, neque derelinquam: ita ut confidenter dicamus, Dominus mihi adjutor. Habentes alimenta, & quibus tegamur, his contenti simus.

V.

Quid est Luxuria, qualemq; sobolem gignit?

Luxuria est appetitus inordinatus impuræ & libidinossæ voluptatis. Gignit autem ex se mentis cæcitatem, inconsiderationem, inconstantiam, præcipationem, amorem sui, odium DEI, desiderium hujus vitæ nimium, mortis futuriq; judicii horrorem, ac felicitatis æternæ desperationem.

Adversus hoc peccatum, quod sapientes amentes, & homines penè pecudes facit, ait Paulus: Fugite fornicationem. Omne enim peccatum quodcunque fecerit homo, extra corpus est: qui autem fornicatur, in corpus suum peccat. Quamobrem & ali-

bi

bi in hunc modum scribit : Fornicatio , & omnis immunditia , aut avaritia nec nominetur in vobis : sicut decet Sanctos : aut turpitudine , aut stultiloquium , aut scurrilitas , quæ ad rem non pertinent , sed magis gratiarum actio. Ac mirum est sanè , ingenti pudore non affici Christianos , qui coram Deo & Angelis ejus foedâ se libidine polluant : cum corpora membraque sua Spiritui sancto , & Christo Domino veluti templa pura in baptismo consecrarint. Hinc iterum Paulus : *An nescitis , quoniam membra vestra templum sunt Spiritus sancti , qui in vobis est , quem habetis à Deo , & non estis vestri ? Tum rursus : Nescitis , quoniam corpora vestra , membra sunt Christi ? Tollens ergo membra Christi , faciam membra meretricis ?* Ac demùm ita concludit : *Empti estis pretio magno : glorificate & portate Deum in corpore vestro. Fornicatores enim & adulteros judicabit Deus.*

VI.

Quid est Invidia ?

INvidia est tristitia de bono alterius , & odium alienæ felicitatis respectu superiorum , quia ijs non æquatur , & respectu inferiorum , ne sibi æquentur : & respectu parium , quia sibi æquantur , ut Augustinus in-

inquit: Filias verò procreat, odium, fufurationem, detractionem, in adverfis aliorum rebus exultationem, in prosperis afflictionem.

Certè Cain Abel germano fratri, & Saul David destinato regi generoq̃ue fuo legitur invidiſſe: Hoc execrandum crimen, præterquam quod ab omni est charitate & humanitate remotum, homines etiam dæmonibus perfimiles reddit. *Invidiâ enim Diaboli mors introivit in orbem terrarum: imitantur autem illum, qui sunt ex parte illius.* Rectè igitur Apostolus monet: *Non efficiamur inanis gloriæ cupidi, invicem provocantes, invicem invidentes.*

VII.

Quid est Gula, & quænam illius filia?

Gula est cibi ac potûs appetitus inordinatus. Filias habet, ineptam lætitiâ, multiloquium, scurrilitatem, spurcitiem, sensuum intellectûs hebetudinem.

Quid verò fœdus, quàm hominem à belluis naturali quâdam frugalitate contentis superari, dum ventris, crapulæ & vinolentiæ quasi mancipium agit, dum bona dissipat, valetudinem lædit, morbos accersit, ac vitam demum ipsam abrumpit, eripitque

pitque sibi? Nam verè dictum est illud: *Propter crapulam multi obierunt, qui autem abstinens est, adjiciet vitam.* Item: *In multis escis erit infirmitas.* Jubet ergo Christus: *Attendite vobis, ne fortè graventur corda vestra in crapula & ebrietate.* Cæterum ab ebrietate nos revocans Paulus. *Nolite, ait, inebriari vino, in quo est luxuria.* Ebriosi regnum DEI non possidebunt: ut idcirco tam graviter interminetur quoque Prophetæ potatoribus: *Væ qui potentes estis ad bibendum vinum, & viri fortes ad miscendam ebrietatem.*

VIII.

Quid est Ira, & quæ soboles ex illâ nascitur?

IRa est immoderata cupiditas puniendi ejus, à quo læsum se quis arbitratur. Nascentur ex illa detestandæ filiæ, rixa, tumor mentis, contumeliæ, clamor, indignatio, atque blasphemia.

Est hoc animi virus perniciosum, omnem judicij prudentiæque vigorem, & animi sæpeque corporis sanitatem labefactans. Quare monuit Ecclesiastes, *Ne sis velox ad irascendum, quia ira in sinu stulti requiescit.* Et gentium doctor præcipit; *Omnis amaritudo, & ira, & indignatio, & clamor, & blasphemia*

mia tollatur à vobis cum omni malitia. Estote autem invicem benigni, misericordes, donantes invicem, sicut & Deus in Christo donavit vobis. Cæterum adversus iracundos, contentiosos, contumeliosos jam lata est Christi sententia, valdeque metuenda illa: Omnis qui irascitur fratri suo, reus erit iudicio: Qui autem dixerit fratri suo Racha, reus erit concilio: Qui autem dixerit fatue, reus erit gehennæ ignis.

IX.

Quid est Acedia, quas gignit filias?

Acedia est remissi animi languor ad benè operandum: præsertim verò tristitia est de re spirituali. Quæ has gignit filias, malitiam, rancorem, pusillanimitatem, desperationem, circa præcepta necessaria, mentisque circa res illicitas evagationem. Huic peccato sunt obnoxij homines otiosi, inertes, & quos tepidos Scriptura vocat, ac omnes demum, qui tempus hoc gratiæ, diemque salutis rebus ac studiis vanis transigunt. Finis autem hujus peccati est, quem docet in Evangelio Christus: *Omnis arbor quæ non facit fructum bonum, excidetur, & in ignem mittetur. Tum alibi: Inutilem servum ejicite in tenebras exteriores.*
Neque

Neque tacuit ille quid interim à nobis , ne torpeamus, fieri velit : *Videte*, inquit, vigilate & orate : nescitis enim quando tempus sit. Contendite intrare per angustam portam , quia multi , dico vobis , quærent intrare , & non poterunt.

Hæc summam perstrinximus, ut qui justitiæ vias sunt minùs edocti, præcipuos humani generis morbos , atque execrandas pestes, quas ostendimus, non solum cognoscant & observent , sed etiam ex præscripto divinæ legis , à se alijsque depellere , & penitus arcere conentur. *Beatus* verò vir , *qui non abiit in concilio impiorum , in via peccatorum non stetit , & in cathedra pestilentie non sedit.* Quemadmodum Psalter canit Regius , ut primam justitiæ ac beatitudinis partem cantico suo primo demonstret.

DE PECCATIS ALIENIS.

I.

Quæ peccata dicuntur aliena?

EA , quæ licet aliorum manibus operâque perficiantur , & interim nobis tamen meritò imputantur, nostrasque conscientias damnationis coram Deo reas constituunt. Quamobrem de his accipi potest , quod Scriptura

Scriptura imperat: *Ne communicaveris peccatis alienis.* Et quod orat Propheta regius: *Ab occultis meis munda me Domine, & ab alienis parce servo tuo.* Eodem refert Basilius Magnus, quod Ephesiis scriptum est à Paulo: *Nolite communicare operibus infructuosis tenebrarum, magis autem redarguite.* Tum illud ejusdem Apostoli: *Subtrahatis vos ab omni fratre ambulante inordinate & non secundum traditionem, quam acceperunt à nobis.*

II.

Quot numerantur ejusmodi aliena peccata?

NOVEM; sicut novem ferè modis committuntur, utpote Consilio, Jussione, Consensu, Irritatione, Laudatione seu adulatione, Reticentia culpæ alienæ, Conniwentia vel Indulgentia, Participatione criminis, ac prava defensione.

III.

Quando peccatum alienum Consilio perpetratur?

CUM mali scilicet consilij, quod alij sequuntur vel sequi possent, ipsi sumus auctores & administri. Exemplo sit Caiphas, consilio suo Senatum Judaicum in mortem Christi concitavit atque permovit.

Con-

Contrà verò laudatur Joseph ab Arimathæa, & vir bonus justusque dicitur, quia non consenserat consilio & actibus eorum, Pontificum scilicet & Phariseorum in Christi necem impiè conspirantium. Ejusdem classis fuit Demetrius ille, qui cum alijs opificibus, ut suo studeret quæstui, totam penè urbem Ephesiorum adversus Paulum Paulique doctrinā ingenti seditione complevit. Impegit hic etiam infamis Herodias, quā Rex Herodes per adulterium foedè abutebatur. Nam illius consilio & suasu instructa saltatrix filia, quod crudeliter appetivit sanctissimi Joannis obtruncatum caput, nefariè impetravit.

IV.

Quando Jussio est peccatum alienum?

CUM ex decreto, mandato, imperiove nostro redit ad proximum injuria, vel malum quodcunque perpetratur. Sic David Rex innocentem occidit Uriam, non suis quidem, aut servorum manibus, sed per litteras hoc agens atque demandans, ut in prælio ille occideretur. Et præses Pilatus mortis Christi reus est, quòd illum in Judæorum gratiam cruci affigendum, etsi invitus quodammodo auctoritate sua adjudicavit ac tradidit. Ita summo se crimine

mine Pharao & Herodes obligarunt cùm legem tyrannicam de occidendis Hebræorum infantibus ferrent. Væ autem illis, qui cōdunt leges iniquas.

V.

Consensus quando alieni peccati nos reos facit?

CUM, quod ab alijs fit, nequiter, à nobis quasi suffragium accipit, & saltem approbatur. Ita peccavit Saulus in Stephani Protomartyris necem consentiens. Peccarunt & viri ex Judæis plures quadraginta, qui factâ etiam voti nuncupatione in Pauli necem armarunt sese. Peccaverunt demùm & cives Hierosolymitani, suis Magistratibus, quò Christus perderetur, suffragantes, ut idcirco Petrus illis exprobrans dixerit. *Authorem vitæ interfecistis.* Notanda est igitur Pauli sententia, *Non solum qui faciunt mala, sed etiam qui consentiunt facientibus digni sunt morte.* Et huc referri potest, quod apud Cyprianum legimus. Non est immunis à scelere, qui, ut faceret, imperavit: nec alienus à crimine, cujus consensu licet non à se admissum crimen, tamen publicè legitur.

VI.

VI.

Quando Irritatione nobis peccatum alienum conflatur?

CUM scientes alium ad iram, vindictam, blasphemiam, crudelitatem aut consimilia vitia, sive dictis id fiat, sive factis, aut quacunque ratione aliâ provocamus. Ut cum uxor Job patientissimo viro petulanter insultans, quantum in se quidem erat, suavit etiam Deum blasphemare. Et Tobiaë uxor æquè morosa, maritum suis convitijs frequenter infestans & exasperans hoc facit, ut vir anxius domesticam injuriam suspirijs, lachrymis & precibus ad Deum fufis prosequi cogatur. Contra verò monet Ecclesiasticus: *Abstine te à lite, & minues peccata. Homo enim iracundus incendit litem, & vir peccator turbabit amicos, & in medio pacem habentium immittit inimicitiam.* Sic & Salomon dixit: *Semper jurgia quærit malus, Angelus autem crudelis mittetur contra eum.*

VII.

Quando per Laudationem, vel Adulationem nostram peccato alieno sedamur?

CUM aliquem in malefactis, vel de improbitate commendamus, vel tanquam
re

re benè gestâ , calcar addimus malè curren-
ti , ut ille in pravo instituto pergat. *Væ au-*
tem , qui consueunt pulvillos sub omni cubito
manus , & fuciunt cervicalia sub capite uni-
verse ætatis ad capiendas animas , ut est
apud Prophetam. In hoc vitium incidunt
nonnunquam Ecclesiastici concionatores , &
magistratus malè vulgo blandientes , dum
ejus licentiæ palàm favent & applaudunt.
Rectè autem Esajas : *Popule meus , qui te bea-*
tum dicunt , ipsi te decipiunt , & viam gres-
suum tuorum dissipant. Unde Paulus eos
jubet vitari Doctores , qui per dulces ser-
mones & benedictiones seducunt corda in-
nocentium. *Quoniam enim laudatur pecca-*
tor in desiderijs animæ suæ , & iniquus bene-
dicitur , exacerbat Dominum peccator : ut
Regius Propheta testatur.

VIII.

*Quando Reticentiæ nostræ culpa peccatum
alienum in nos redundat ?*

CUM intempestivum nostrum silentium
sive subdito, sive cuivis alteri adfert de-
trimentum : Exempli causa , si docendi ,
monendi , corripiendique fratris aut populi
nobis munus incumbit , & in eo interim ,
dum prodesse possumus , sine justa causa
cessa-

cessamus. Unde per Esajam testatur Dominus omni Evangelizanti: *Clama, ne cesses, quasi tuba exalta vocem tuam, & annuntia populo meo scelera eorum, & domui Jacob peccata eorum.* Audi porro periculum in his, qui non abs re canes muti latrare non valentes dicuntur. *Si dicente me ad impium, dicit Dominus, morte morieris, non annuntiaveris, neque locutus fueris, ut avertatur à via sua impia & vivat; ipse impius in iniquitate sua morietur: sanguinem autem ejus de manu tua requiram.* Adeò necessarium est observatu, quod Paulus non sine gravi obtestatione postulat. *Prædica verbum, instà oportune, importune, argue, obsecra, increpa, in omni patientia & doctrina.* Tum idem alibi: *Peccantes, inquit, coram omnibus argue, ut cæteri timorem habeant.*

I X.

Quando nostra Conniventia alienis criminibus implicamur?

QUoties id, quod facultate vel auctoritate nostra emendari, vindicarique potest, & debet; nos tamen impunitum & in pejus abire sinimus.

Ita peccant Magistratus, cùm gladium frustra portant, neque quod dicuntur, ministri

nistri Dei sunt & vindices in iram his, qui agunt sceleratè vel seditiosè. Hec modo à Rege Saul peccatum fuit, cùm adversus Dei mandatum clementior esset ac parceret hostibus Amalechitis. Peccatum idem ab Achab Rege admissum est, quando Benadab Regem Syriæ in gratiam recepit: unde nec severam ita comminantis Prophetæ sententiam effugit: Hæc dicit Dominus: Quia dimisisti virum dignum morte de manu tua, erit anima tua pro anima ejus, & populus tuus pro populo ejus. Eodem referri potest, quod Apostolus Corinthijs præcipit: Auferte malum ex vobis ipsis: Nescitis quia modicum fermentum totam massam corrumpit? Expurgate vetus fermentum.

Secundò hîc peccant Patres & Matres familiâs, Heri, & Præceptores, dum sibi concreditos nimia dissimulatione, & indulgentia quadam in educando perdunt, & negligentia, socordiaque sua in discrimen deduci permittunt. Sic paternæ prorsus indulgentiæ culpâ depravatos legimus filios Heli, qui idcirco immodicæ lenitatis suæ poenas graves dedit.

Hic etiam addi potest peccatum, quod

VO-

vocari solet omiffio fraternæ correptionis, admonitionis, vel reprehensionis. Quandoquidem Christus quoque semel, atque iterum & tertio corripiendum esse fratrem monuit, ut peccantem illum lucrifaciamus. Quanquam alij distinguunt inter hujusmodi omiffionem & priorem, de qua diximus, conniventiam, ut duos alieni peccati modos ex hisce constituent.

X.

Quid est Participazione alienum peccatum contrahere?

ID maximè fit, quando in partem lucrì cum furibus, sive raptoribus venimus: cùm itidem bona injustè parta, vel quovis modo aliena nobis unà cum alijs scienter vendicamus, aut retinemus: cùm insuper spolijs alienis dutescimus. Quò pertinere videtur, quod Psalmographus dixit, cum furibus ipsis currere, & cum adulteris portionem habere. Sic & Esajas objicit populo Judaico: Principes tui infideles socij furum; omnes diligunt munera: sequuntur retributiones. Graviùs adhuc delinquant, qui lucrum sibi ex aliqua turpitudine apertè parant, ut Lenones; quique latronibus, & notæ turpitudinis vel factio-

nis hominibus præbere audent hospitium & locum, quò se illi, aut sua recipiant.

XI.

Quomodo alienum peccatum nostrâ Defensione committimus?

CUM aut malefactoribus patrocina-
mur, doctrinam alterius quamvis perversam
& impiam tuemur, vel spargimus, cum nô-
stra itidem cura vel opera quod contra fas &
æquum instituitur, promovere atque pro-
pugnare contendimus. Adversus hos di-
vinum intonat oraculum: Væ qui dicitis
malum bonum & bonum malum: ponen-
tes tenebras lucem, & lucem tenebras: po-
nentes amarum in dulce, & dulce in ama-
rum. Ac rursus: Non sequeris turbam ad
faciendum malum: nec in iudicio plurimo-
rum acquiesces sententiæ, ut à vero devies.

Hæc satis de peccatis, ut vocant, alienis,
quæ nunc profectò longè lateque patent,
& summâ quotidie licentiâ, à magnati-
bus præsertim perpetrantur. Adeoque
vulgò ea non caventur, ut plerique pecca-
ta non esse putent ac flocci pendant, etiam si
suas & aliorum sæpe conscientias his crimi-
num fordibus conspurcent, ac perpetuis
pœnis obligent. Possunt autem dictæ spe-
cies

cies omnes in tria ferè genera conjici, breviterque, ut Magnus Basilius ostendit, comprehendì. Quòd enim in alieni erroris vel peccati societatem incidimus, id fit aut re & opere, aut voluntate, certòve animi proposito tantum; aut supinà negligentia, si quando admonendi & emendandi officio nostro alij defraudantur.

Sed longè omnium deterrimum peccandi genus est, quò delinquitur in Spiritum S.

DE PECCATIS IN SPIRITUM SANCTUM.

I.

Quid est peccatum in Spiritum Sanctum?

EST oblatam Dei munificentium & gratiam quæ Spiritui sancto, ceu fonti bonorum tribui peculiariter solet, ex malitia contemptim abjicere. Atque est peccare inextinguibiliter, ut juxta Christi verbum, nec in hoc ipso, neque in futuro sæculo talis tantique peccati remissio impetretur: Hæc enim lege nobiscum agit Deus, ut nec gratiam in terris, neque gloriam in cælis tribuat alijs, quàm qui peccatum detestantur agnitum, & præter id, bonum sibi proponunt, rectumque eligunt vitæ institutum.

Cæterum in hisce peccatis, quæ fiunt in Spiritum sanctum, abest tum peccati detestatio tum boni quod sectandum erat, electio, & abjicitur præterea id, quo Spiritus sanctus pro sua gratia hominem à peccando solet revocare. Hinc fit, ut ejusmodi peccatis implicati, Dei gratiam aut nunquam, aut rarò & ægrè admodum consequantur. Peccatur enim non ex humana imbecillitate vel fragilitate: quod vocant peccare in Patrem, Patrisque potentiam, ut in Petro Apostolo Christum ipsum negante cernimus: neque rursus ex ignorantia, quod est peccare, ut appellant, in Filium Filijque sapientiam, sicut Saulo accidit Ecclesiam persequenti; sed quod longè gravius est ex malignitate & pervicacia mentis peccatur: ut exemplum præbent perversissimi & obstinatissimi illi Pharisei.

II.

Quot sunt peccata in Spiritum Sanctum?

Ejusmodi sex recensentur, ut vulgò quidem recepta sunt eorum hæc nomina: Præsumptio de misericordia Dei, vel de impunitate peccati, Desperatio, Agnitæ veritatis impugnatio, Fraternalis charitatis invidentia, Obstinatio & Impœnitentia. Significantiùs autem erit, si quis ita numeret. I.

- I. Divinâ misericordiâ confidenter abuti.
- II. De gratia Dei vel salute sua prorsus desperare.
- III. Veritatem Religionis adversus suam ipsius conscientiam hostiliter oppugnare.
- IV. Pertinaci invidia concitari graviter ob alienæ salutis & virtutum frater-
narum successum.
- V. Obfirmato animo in crimine scienter persistere.
- VI. Absque Pœnitentiæ proposito perversæ vitæ finem nullum, facere.

III.

*Quenam Præsumptio facit peccatum in
Spiritus Sanctum?*

EA, quæ hominem sola Dei Misericordia confidentem, & ad peccandum audacem facit, seposita videlicet ac abjecta omni justitiæ timorisque Domini ratione.

Et sic sanè peccant hodie complures, qui sola fide in Christum sibi blandientes, vel in medijs peccatorum sordibus, ut jumenta, computrescunt, nec sibi solum, sed alijs itidem polliceri audent securitatem, modò meritis Christi & Dei gratiæ per fidem apprehensæ fidant, quantumvis interim pœ-

224 DE PECCATIS.

nitentiæ fructus negligentur. Horum verò singulis acclamat gentium Doctor in fide & veritate Paulus: *An divitias, inquit, bonitatis Dei, & patientiæ, & longanimitatis contemnis? Ignoras, quoniam benignitas Dei ad pœnitentiam te adducit?* Quamobrem idem Paulus alibi fidem solam adeò jactari non vult, ut etiam credentes omnes jubeat cum metu ac tremore salutem suam operari, fidemque commendat, non mortuam, ut Jacobus vocat, sed vivam & efficacem, quæ per Charitatem legitimè operatur. Contra hoc enorme peccatum sic Ecclesiasticus clamat: De propitiato peccato noli esse sine metu, neque adjicias peccatum super peccatum. Et ne dicas: Misericordia Domini magna est, multitudinis peccatorum meorum miserebitur. Misericordia enim & ira ab illo citò proximant, & in peccatores ira illius respicit. Rectè igitur Propheeta: Misericordiam & judicium cantabo tibi Domine. Tum alibi: Honor Regis judicium diligit.

IV.

*Quomodo peccatur in Spiritum Sanctum
Desperatione?*

CUm præsumptioni, de qua dictum est,
con-

contrarium prorsus vitium accefferit, ut omnem spem abjiciat homo vel impetrandæ apud Deum veniæ, vel salutis æternæ consequendæ.

Hoc modo peccavit desperando Cain, ut sua ipse voce testatur, cùm inquit: Major est iniquitas mea, quàm ut veniam merear. Peccavit & Judas Christi proditor, cùm salutis desperatione commotus, vitam laqueo sibi infelix abruptit. Atqui nulla nimis est fera hominum pœnitentia, uti Latronis exemplo demonstratur, qui in cruce extremisq̃ vitæ spatijs Christi ingentem gratiam & cælestem gloriam est consecutus.

V.

*Quando veritatem impugnans peccat
in Spiritum Sanctum?*

CUM de fidei, & Religionis negotio veritas non ex ignorantia, sed malitia studiosè oppugnatur, ut hinc veritatis Catholicæ lædatur sinceritas. Huic peccato Pharisei obnoxij erant, quibus vel præcipuè videmus curæ fuisse, tam malignè, quam falsò blasphemare Christum, insectari doctrinam Evangelij, testimonium Apostolorum suppressere, idq̃ue contra suam ipsorum conscientiam. His non sunt absi-

K 5

miles,

miles , qui à Propheta dicuntur sedentes in cathetra pestilentiae , à Petro autem Magistri mendaces, qui introducunt sectas perditionis, à Paulo demùm vocantur Hæretici homines, corrupti mente, reprobi circa fidem, attendentes spiritibus erroris, subversi, & suorum ipforum judicio condemnati. Quibus annumerari potest seductor Elymas, quem Paulus palàm objurgans mira cum vehementia dixit: O plene omni dolo & omni fallacia, fili diaboli, inimice omnis justitiæ, non desinis subvertere vias Domini rectas.

Refertur ad hanc quoque classẽ blasphemia Spiritûs , quod peccatum Christus in Judæis magnopere taxat, ac reliquis peccatis deterius facit. Atque utinam modò hic non peccaretur, Nam blasphemant Spiritum sanctum & illi, ut scribit Damascus, qui contra sanctos Patrum Canones, Spiritûs sancti instinctu dictatos, libenter aliquid aut protervè agunt, aut loqui præsumunt, aut facere volentibus sponte consentiunt. Talis enim præsumptio manifestè unum genus est blasphemiarum in Spiritum sanctum. Sic Damascus.

VI.

Quomodo Invidentia fraternæ gratiæ peccatum est in Spiritum sanctum?

QUando dolemus ac tristamur graviter de splendore augmentove virtutum donorumque Dei, quibus Frater est conspicuus.

Quod crimen non tam hominis videtur esse proprium, quàm Satanæ, qui Dei gratiam in homine tum augeri, tum conservari fert impatientissimè: & idcirco non modò Fratrum accusator, verùm etiam Dei bonorum nomnium implacabilis est adversarius, qui tanquàm Leo rugiens circuit quærens, quem devoret. Satanæ filij ex Judæis fuère, qui nascentem Evangelij gratiam omninò gentibus invidebant, ut in actis Apostolicis legimus.

VII.

Quæ obstinatio facit peccatum in Spiritum sanctum?

EA nimirum, quæ obfirmatum planè animum adfert adversùs benè monentem, ut nullis quidem rationibus ab instituto damnabili se reflecti quis patiatur.

Fuit hoc peccato insigniter obstrictus Rex Pharao, qui etsi toties moneretur à Moyse,

& subinde flagellis DEI gravissimis affligeretur : tamen in proposito tyrannico perstitit, & perijt obstinatus. Nota est & Judæorum invicta pertinacia, quos suis veluti coloribus depingens Stephanus : Durâ cervice, inquit, & incircumcisis cordibus & auribus, vos semper Spiritui sancto resististis. Nec sunt dissimiles hodie, qui novis addicti sectis, ne audire quidem aut legere sustinent Catholicè docentem, quasi aspidum instar oclusis illi contra dulcem melodiam, id est, sanam Ecclesiæ doctrinam auribus, dicere videantur : Recede à nobis, scientiam viarum nolumus. Quod nihil aliud est, quàm, ut Paulus loquitur, secundum duritiam & impœnitens cor thesaurizare sibi iram in die iræ, & revelationis justi judicij Dei. Nam ut Salomon quoque docet : Viro, qui corripientem durâ cervice contemnit, repentinus ejus superveniet interitus, & eum sanitas non sequetur.

VIII.


Quando peccatum impœnitentiæ committitur ?

CUM homo peccatorum suorum, quæ saluari pœnitentiâ expianda forent, finem modumque nullum facit, ac proponit insuper se nolle unquam pœnitere.

Ta.

Talium certè, qui deploratè peccatores sunt, ac manere volunt, vita juxta & mors pessima est, cum illi, si non verbis, at re ipsa dicere videantur: percussimus fœdus cum morte, & cum inferno fecimus pactum. Ac de his etiam dictum accipi potest, quod Joannes testatur: Est peccatum ad mortem: non pro illo dico ut roget quis.

Hæc dicta sint hætenus de peccatis in Spiritum Sanctum, gravissimis illis quidem & quæ aut nunquam, aut ægrè admodum à Deo homini remittuntur. Quapropter adversus ea sæpe nos ipsos munire, & alios confirmare debemus, ut observetur illud: Nolite contristare, nolite extinguere Spiritum Dei: Hodie si vocem ejus audieritis, nolite obdurare corda vestra. Non obduretur quis ex vobis fallaciâ peccati. Cor enim durum habebit malè in novissimo. Nunc porrò ad peccata quæ & ipsa non parum enormia sunt, & in cælum clamantia dici solent, accedamus.



DE PECCATIS IN CÆLUM
CLAMANTIBUS.

I.

Quæ dicuntur peccata in Cælum clamantia?

EA, quæ præ cæteris insignem & manifestam improbitatem habere noscuntur, divinamque iram & ultionem insigniter accersunt ijs, à quibus committuntur. Ejusmodi quatuor è Scriptura numerantur. Homicidium voluntarium, Peccatum Sodomiticum, Oppressio pauperum, & Merces operariorum defraudata.

II.

Quomodo Scriptura vindicari docet Homicidium voluntarium?

GRaviter sanè, quemadmodum hisce verbis Deus ostendit, quibus Cain primum increpat homicidam: Quid fecisti? inquit, Vox sanguinis fratris tui clamat ad me de terra. Nunc igitur maledictus eris super terram. Et alibi vox divina testatur: Quicumque effuderit humanum sanguinem, fundetur sanguis illius. Ad imaginem quippe Dei factus est homo. Concinit psaltes Regius: Viri sanguinum non dimidiabunt dies suos. Summum enim hoc
sce-

scelus est, & atrocissimam proximo injuriam adfert, qui vitam ei adimit absque legitima authoritate. Unde à Christo etiam dictum est. Omnes, qui acceperint gladium, gladio peribunt.

III.

Quid verò de Sodomitico peccato ejusq; punitione scriptum extat?

Homines Sodomitæ, inquit Scriptura, pessimi erant, & peccatores coram Domino nimis: Nefandum hoc & flagitiosum peccatum Petrus & Paulus coarguunt, tum natura ipsa execratur: Scriptura verò tanti flagitij magnitudinem his etiam verbis declarat: *Clamor Sodomorum & Gomorrhæorum multiplicatus est, & peccatum eorum aggravatum est nimis.* Unde ad Loth justum & ab infandis Sodomitarum stupris majorem in modum abhorrentem sic Angeli loquuntur: *Delebimus locum istum, eò quòd increverit clamor eorum coram Domino, qui misit nos, ut perdamus illos; Igitur Dominus pluit super Sodomam & Gomorrhæam sulphur & ignem à Domino de calo, & subvertit civitates has, & omnem circa regionem.* Neque tacet Scriptura causas, quæ ad hoc pergrave peccatum Sodomitas impulerunt, & alios

alios itidem permovere possunt. Sic enim legimus apud 6. Ezechielem: *Ecce hæc fuit iniquitas Sodomæ sororis tuæ: superbia, saturitas panis & abundantia, & otium ipsius & filiarum ejus, & manum egeno & pauperi non porrigebant.*

Huic autem flagitio nunquam fatis execrando sunt obnoxij, qui divinam, imò & naturalem legem in Levitico scriptam violare non verentur. Ea sic habet: *Cum masculo non commiscearis coitu fæmineo, quia abominatio est. Cum omni pecore non coibis nec maculaberis cum eo.* Quod si fiat, terram ipsam tam tetris ac nefandis libidinibus pollui ac iram divinam adversus populum majorem in modum concitari, tum crimen mortis supplicio expiandum esse eodem loco monemur. Unde Paulus non semel etiam arguit: masculorum concubitores: damnat præterea immundos atque molles. E quibus unus erat Onam Judæ filius, qui præsentem Dei ultionem effugere non potuit, quòd in terram semen funderet: pejorque bestiis, naturæ honestatem ac ordinem vellet perrumpere.



IV.

Quid Scriptura de pauperum Oppressione proponit ?

A *Dvenam non contristabis, dicit Dominus, neque affliges eum : advena enim & ipsi fuistis in terra Ægypti. Viduæ & pupillo non nocebitis, si læseritis eos, vociferabuntur ad me, & ego audiam clamorem eorum, & indignabitur furor meus, percutiamq; vos gladio : & erunt uxores vestræ viduæ, & filij vestri pupilli. Quapropter Ægyptij tot plagis attriti, & cum suo Rege crudelissimoque Tyranno Pharaone, qui ne à parvulis quidem Hebræorum occidendis sibi temperavit, submersi demùm fuere, videlicet ob suam in Israelitas plusquam Barbaricam immanitatem. Vidi, inquit Dominus, afflictionem populi mei in Ægypto, & clamorem ejus audiui, propter duritiam eorum, qui præsunt operibus, & sciens dolorem ejus descendi, ut liberem eum de manibus Ægyptiorum. Hinc apud Esajam quoque interminatur Dominus : Væ qui condunt leges iniquas : & scribes iniquitatem scripserunt : ut opprimerent in judicio pauperes, & vim facerent causæ humilium populi mei : ut essent viduæ præda eorum, & pupillos diriperent. Et apud eundem Prophetam de inhu-*

inhumanis & iniquis Magistratibus extat hæc querimonia: *Principes tui infideles, socij furum: omnes diligunt munera: sequuntur retributiones, pupillo non judicant, & causa vidue non ingreditur ad illos. Item Populum meum exactores sui spoliaverunt. Nec dubium, quin civitates & provinciæ hoc execrando, quod à Tyrannis Magistratibus perpetratur, in summum sæpe discrimen adducantur.*

V.

Quid postremò Scriptura docet de mercede operarijs retenta, vel immünuta?

A Pud Jacobum Apostolum legimus, quàm is graviter divitibus exprobet crudellem tenacitatem, summamque in defraudandis operarijs iniquitatem. *Ecce merces, inquit, operariorum, qui messuerunt regiones vestras, quæ fraudata est à vobis, clamat: & clamore eorum in aures Domini Sabaoth introivit. Ecclesiasticus in hunc modum: Panis egentium; ait, vita pauperum est, qui defraudat illum, homo sanguinis est. Quia auferit in sudore panem, quasi qui occidit proximum suum. Qui fundit sanguinem, & qui fraudem facit mercenario, fratres sunt.*

Itaque lege divina sancitum est: Non ne-
ga-

gabis mercedem indigentis & pauperis fratris tui sive advenæ, qui tecum moratur in terra & intra portas tuas est : sed eadem die reddes ei pretium laboris sui ante solis occasum, quia pauper est, & ex eo sustentat animam suam : ne clamet contra te ad Dominum, & reputetur tibi in peccatum.

VI.

Quò referenda est omnis hæc de peccatis tractatio, & quis illius usus ?

HÆc tractatio ad priorem spectat Christianæ Justitiæ partem, quæ in malis cognoscendis & fugiendis est posita : usus autem ac fructus tractationis est, ea, quæ verè mala, Deo contraria, hominibus perniciofa sunt, ritè discernere, discreta prorsus cavere, & si quid horum admissum sit, sedulò expiare.

Hinc etiam discimus, quomodo sapiens à stulto, justus ab impio differat : *Sapiens enim timet & declinat à malo : Stultus verò transiit & confidit : Non enim recipit stultus verba prudentiæ, nisi ea dixeris, quæ versantur in corde ejus, teste Salomone, qui hoc etiam scriptum reliquit : Justorum semita quasi lux splendens, procedit & crescit usque ad perfectam diem : via impiorum tenebrosa, nesciunt ubi*

ubi corruant, plerique certè peccata, quæ indicavimus, perniciosas illas animorum pestes turpiter ignorant: alij ut norint maximè, non fugiunt tamen, neque detestantur. Pessimi verò illi sunt qui peccati consuetudine obduruerunt, de quorum genere dictum est illud: *Impius cum in profundum venerit, contemnit: sed sequitur eum ignominia & opprobrium.* Ea verò inprimis contemnit, quæ Christiana Justitia non solum ad vitiorum observationem seu differentiam cognoscendam, sed etiam ad eorum devitationem & expiationem adhibendam postulat.

VII.

Quibus verò modis peccata expiantur?

Hic inprimis est extra controversiam, Christum nobis esse propitiatorem, & illum Dei agnum, qui tollit peccata mundi, quique solus remissionem peccatorum nobis potuerit promereri, & purgationem eorum facere.

Deinde certum est, Deum fide purificare corda, ut Petrus inquit, quod citra fidem (humanæ salutis ostium ac fundamentum) nullus peccatorum remissionem aut expiationem consequi, aut sperare possit.

Fide

Fide verò destituuntur, qui cum Ecclesiæ fide non consentientes, vanâ quâdam fiduciâ peccati remissionem & justificationis gratiâ propter Christum sibi alijsque pollicentur.

Qui verò in Ecclesiæ fide & ejus unitate persistentes, à peccatis cupiunt liberari, multos illi modos ad peccatorum suorum expiationem in Scriptura propositos habent, inter quos principem tenet locum Pœnitentiæ Sacramentum, quo neglecto frustra de reliquis lethalium peccatorum remedijs adhibendis agitur. Hoc enim ut præsens, ita necessarium pharmacum Christus animarum medicus instituit, contra omnem peccati lepram valiturum, idque commendans dixit Sacerdotibus: *Quorum remisistis peccata, remittuntur eis.*

Secundò purgantur & expiantur eleemosynâ: quia scriptum: *Eleemosyna ab omni peccato, & à morte liberat, & non patietur animam ire in tenebras.* Monet igitur Propheta: *Peccata tua eleemosynis redime, & iniquitates tuas misericordijs pauperum.*

Tertiò remittuntur peccata, dum quantumvis læsi, fratri offensam condonamus: dicente Domino: *Si dimiseritis hominibus peccata eorum: dimittet & vobis Pater celestis delicta vestra.*

Quar-

Quartò idem fit, cùm peccantem fratrem corripiendo emendamus ac lucrificamus, sicuti scriptum est: *Qui converti fecerit peccatorem ab errore viæ suæ, salvabit animam ejus à morte, & operiet multitudinem peccatorum.*

Quintò huc pertinet abundantia sinceræ charitatis, ad impetranda & conficienda bona omnia præpotentis: ob quam de Magdalena dicitur: *Remittuntur ei peccata multa, quoniam dilexit multum. Charitas enim operit multitudinem peccatorum.*

Sextò ad idem valet contriti cordis sacrificium, quod nunquam despicit Deus, & humilis cognitio sui, confessioque peccatorum. Respicit enim Dominus in orationem humilium, & non despicit preces eorum. Ut hinc etiam David de se ipso testetur. *Dixi, confitebor adversum me iniquitatem meam Domino, & tu remisisti impietatem peccati mei.* Ac Joānes generatim omnibus verè confitentibus hanc gratiam pollicetur: *Si confitemur, inquit, peccata nostra, fidelis est & justus, ut remittat nobis peccata nostra, & emundet nos ab omni iniquitate.* Igitur Ninivitæ cùm humilitatis & poenitentiae operibus sedulò insisterent, præsentem Dei iram placaverunt, & jamjam imminens urbi,

urbi, ac patriæ exitium averterunt. Quare sic de illis scriptum legimus : *Vidit Deus opera eorum, quia conversi sunt de via sua mala, & misertus est Deus super malitiam, quam locutus fuerat, ut faceret eis, & non fecit.*

Sic demùm Scripturâ teste discimus his alijsque modis & officijs veræ pietatis Christi gratiâ editis hoc effici, ut credentium & pœnitentium in Ecclesia, sicut diximus, peccata expientur. Eoque spectans Apostolus monet : *Has habentes promissiones, charissimi, mundemus nos ab omni inquinamento carnis & spiritus, perficientes sanctificationem in timore Dei.* Nec minùs graviter Jacobus : *Emundate, inquit, manus, peccatores, & purificate corda, duplices animo. Miseri estote, & lugete & plorate : risus vester in luctum convertatur, & gaudium in mœrorem. Humiliamini in conspectu Domini, & exaltabit vos.* Etenim non sufficit mores in melius commutare, & à factis malis recedere, ut Augustini verbis iterum utamur, nisi etiam de ijs, quæ facta sunt, satisfiat Deo per pœnitentiæ dolorem, per humilitatis gemitum, per contriti cordis sacrificium, cooperantibus eleemosynis.

Alioquin quisquis de peccatis lethalibus
in

in se aliqua dominari cognoverit, ut idem Augustinus est Auctor: nisi dignè se emendaverit, & si habuerit spatium, longo tempore poenitentiam egerit, & largas eleemosynas erogaverit, & à peccatis ipsis abstinuerit, illo transitorio igne, de quo dixit Apostolus, purgari non poterit, sed æterna illum flamma sine ullo remedio cruciabit. Non enim capitalia post hanc vitam, sed minuta peccata purgantur, expianturque.

VIII.

Quid verò de minutis peccatis est sentiendum?

ID scilicet, quòd ejusmodi leviora, uti mentis evagatio, verbum otiosum, risus immoderatus, & consimilia, quæ quotidiana seu venialia peccata dicuntur, & sine quibus hæc vita non ducitur: *In multis enim offendimus omnes.* Ut antè quoque monuimus: etsi lethalia non sunt, & in specie minuta videntur, tamen haud quaquam sunt contemnenda. Siquidem Deo displicent, seu ut Paulus loquitur, contristant Spiritum sanctum, obfuscant conscientiam, Charitatis fervorem imminuunt, virtutumque profectum remorantur, & ad graviora sæpe vitia periculaque pertrahunt. Unde scriptum est: *Qui spernit modica, paulatim deci-*

decidet. Qui amat periculum, peribit in illo. Qui in uno peccaverit, multa bona perdet.

Cavendæ sunt igitur, quantum licet, hæ labes & fordes animæ: quoniam, ut legimus, *non intrabit in cælestem Hierusalem aliquid coinquinatum.* Ac nisi in hac vita illæ diluantur, etiam post mortem hominem gravant, nec sine pœnis quidem acerbis purgatorij ignis expiantur. Qui quidem ignis etsi perpetuus non sit, tamen si Augustino credimus, gravior est quàm quicquid homo in hac vita potest perpeti.

IX.

Quibus autem remedijs peccata leviora purgantur?

UT ejusmodi animæ fordes in hac vita diluantur, Ecclesia vetus remedia isthæc agnovit & in usu habuit, humilem sui accusationem, Dominicam precationem, pectoris tunctionem, & alias id genus pias in Deum, ac etiam erga proximum exercitationes, corporisq; afflictiones spontè ac religiosè susceptas. Quæ quidem remedia tantò lubentiùs ac studiosiùs amplectuntur sapientes, quò rectiùs norunt, & diligentius expendunt divinæ justitiæ in vindicandis peccatis severitatem. Quod vel ex illa

L

mē-

metuenda Christi sententia planum fieri potest: *Dico vobis, quoniam omne verbum otiosum, quod locuti fuerint homines, reddent rationem de eo in die judicij.* Itemque ex illo dicto Petri: *Justus vix salvabitur.* Ut hinc Job, vir alioquin justus & innocens, dixerit: *Verebar omnia opera mea, sciens quia non parceres delinquenti.* Et Apostolus Paulus: *Horrendum est incidere in manus Dei viventis: Quod si nos ipsos dijudicaremus, ut idem admonet, non utique judicaremur.* Beatus igitur homo, qui semper est pavidus: qui verò mentis est duræ, corruet in malum.

X.

Anne satis est à peccatis abstinere?

JUSTITIA quidem Christiana, de qua hucusque diximus, duas partès proponit, & velut æquè necessarias nobis commendat hisce verbis *DECLINA A MALO, ET FAC BONUM.* Sicut & Paulus docet: *ODIENTES MALUM ET ADHÆRENTES BONO.* Non sufficit igitur, quod Augustinus perspicuè dixit, abstinere à malo, nisi fiat, quod bonum est: & parum est, nemini nocere, nisi studeas multis prodesse.

Qua propter absolutâ utcumque Justitiæ
priorē

priore parte, quæ mala prohibet, consequens est, ut favente Christo de altera porro quæ in Bonis confectandis est posita, dicere pergamus.

DE TRIPLICI GENERE BONORUM OPERUM.

I.

Justitia Christiana circa quæ bona versatur ?

HÆc justitia tam latè patet, ut omnia bona, quæ honestè, justè ac piè fiunt, in se contineat, nobisquæ expetenda & confectanda proponat. Unde ita fideles Apostolus commonefacit : *Ambuletis dignè Deo, per omnia placentes, in omni opere bono fructificantes : profitentes bona non tantum coram Deo, sed etiam coram omnibus hominibus.* Hic enim nostræ vocationis, & Christianæ justitiæ per Christum partæ verus est usus ac fructus proprius, Petro teste, *ut peccatis mortui justitiæ vivamus*, hoc est, quemadmodum à Paulo explicatum est; *Ut abnegantes impietatem, & sæcularia desideria, sobriè, & justè, & piè vivamus in hoc sæculo.* In eundem sensum nobis proponitur Evangelicum il-

lud : Ut sine timore, de manu inimicorum nostrorum liberati, serviamus illi in sanctitate & justitia coram ipso omnibus diebus nostris. Nam idcirco redemit nos Christus, ab omni iniquitate, ut mundaret sibi populum acceptabilem, sectatorem bonorum operum. Ipsius enim Dei sumus factura creati in Christo Jesu, in operibus bonis, quæ præparavit Deus, ut in illis ambulemus.

Ita constanter Paulus scribit, omnesque admonet de observanda & colenda semper justitia Christiana. Proinde Joannes etiam prudenter admonet, ac absolute definit, ita scribens: *Filioli, nemo vos seducat. Qui facit justitiam, justus est, sicut & ille justus est: qui facit peccatum, ex Diabolo est. Et Jacobus constanter docet: Ex operibus justificatur homo, & non ex fide tantum. Sicut enim corpus sine spiritu mortuum est: ita & fides sine operibus mortua est. Tum idem rursus: Qui perspexerit in lege perfecta libertatis (sive in legem perfectam, quæ est libertatis) & permanserit, non auditor obliviosus factus, sed factor operis, hic beatus in facto suo erit. Nec aliud sanè voluit Paulus, cum in hunc modum diceret: Non auditores legis justi sunt apud Deum, sed factores legis justificabuntur.*

II.

*Quem fructum pariunt opera justitiæ
Christianæ ?*

PRæclarum sanè, atque multiplicem, cum in hac, tum in futura vita. Huc enim spectat Pauli sententia: *PIETAS ad omnia utilis est, promissionem habens vitæ, quæ nunc est, & futura.* Tum alibi scriptum legimus: *Bonorum laborum gloriosus est fructus.*

Primùm enim hæc opera ex viva fide, id est, per charitatem operante profecta, non modò signa sunt Christianæ vocationis, sed eandem nobis quoque confirmant, certamque faciunt: Quamobrem Petrus Apostolus, qui ad bona opera nusquam non cohortatur, hoc etiam adjecit: *Fratres magis satagite, ut per bona opera certam veſiram vocationem & electionem faciatis. Hæc enim facientes, non peccabitis aliquando.*

Secundò gratiam credentibus augment, atque satisfactionem perficiunt, Apostolo teste: ut hinc etiam Jacobus affirmet, quòd Fides, quæ operibus cooperatur, ex ijsdem quoque consummetur.

Tertiò fiduciam bonæ conscientie pariunt, magisque ad orandum & quidlibet à Deo impetrandum animant. Scriptum

est enim : *Fiducia magna erit coram summo Deo eleemosyna omnibus facientibus eam. Et rursus : Charissimi, si cor nostrum non reprehenderit nos, fiduciam habemus ad Deum : & quicquid petierimus, accipiemus ab eo, quoniam mandata ejus custodimus, & ea quæ sunt placita coram eo facimus. Exemplum extat in Ezechia Rege, qui bona conscientia fretus, ac Dei voce in hoc ipso comprobatus dixit : Obsecro Domine, memento quæso, quomodo ambulaverim coram te in veritate, & in corde perfecto, & quod bonum est in oculis tuis, fecerim.*

Demùm id efficiunt, ut laborantes in vinea Christi, denarium diurnum accipiamus, hoc est, promissam æternæ vitæ mercedem, justitiæque coronam, quam in Ecclesia Dei mandata servantes, in Christo promeremur. Ait igitur Dominus : *Voca operarios, & redde illis mercedem.* Ait David : 8. *Servus tuus custodit ea, divina scilicet præcepta : in custodiendis illis retributio multa.* Ac iterum : *Inclinavi cor meum ad faciendas justificationes tuas in æternum propter retributionem.* Ait & Paulus : *Bonum certamen certavi, cursum consummavi, fidem servavi : in reliquo reposita est mihi corona justitiæ, quam reddet mihi Domi-*

Dominus in illa die justus judex: non solum autem mihi, sed ijs, qui diligunt adventum ejus. Ait denique & ipse Christus: Si vis ad vitam ingredi: serva mandata. Et iterum: Procedent, qui bona fecerunt, in resurrectionem vite: qui verò mala egerunt, in resurrectionem judicij. Tum alibi: Qui facit voluntatem Patris mei, qui in cælis est, ipse intrabit in regnum cælorum.

Ex quibus fit perspicuum, quanti nostrâ omnium referat, si vitam æternam cupimus, divinas observare voces: *Qui justus est, justificetur adhuc: & sanctus sanctificetur adhuc. Ecce venio citò, & merces mea mecum est, reddere unicuique secundum opera sua, bonum igitur facientes non deficiamus: tempore enim suo metemur non deficientes.*

III.

*Quot sunt genera bonorum operum, in quibus justitia Christiana præcipuè cernitur
& exercetur?*

EJusmodi sunt triplicia, sicut sacris è literis accipimus, videlicet Oratio, Jejunium & Eleemosyna. Nam reliqua ferè benefacta, quæ ex fide viva proficiuntur, & justitiam Christianam cõmendant, augment, atque consummant, ad hosce tres facilè re-

248 DE BONIS OPERIBUS.

feruntur. Hinc illa præclara vox Angeli Raphaelis: *Bona est Oratio cum Jejunio, & Eleemosyna, magis quam thesauros auri recon- dere.* Augustinus verò dilucidè dixit: Hæc justitia hominis in hac vita, Jejunium, Eleemosyna, Oratio.

De quibus Christus apud Matthæum sigillatim docet, additque promissiones de parata cælesti mercede ijs, qui in Ecclesia citra hypocrisin sincerè jejunant, orant, ac Eleemosynam tribuunt. Hinc fidelis illa sponsio toties repetita: *Pater tuus, qui videt in abscondito, reddet tibi.* Et hæc ipsa sunt, in quibus Christus, ut benè beateque vivamus, abundare vult nostram justitiam, & ita lucere coram hominibus, ut videant opera nostra bona, & glorificent Patrem. Ad hæc præstanda in Christo creati, & destinati sumus, quæ nimirum præparavit Deus, ut in illis ambulemus. Propter hæc è charitate præstita, justii in régnum adsciscuntur æternum: ob eadem verò neglecta, injusti in gehennam ignis præcipitabuntur.

Ut verò Pharisaicum ac vanum est, cum aliorum contemptu se ipsum justificare: & suis operibus fidere, ita Christianum est, atque legitimum, hominem cum sui sub-
mis-

missione operibus bonis operam sedulam dare, & si quando gloriari velit, in Domino gloriari, ut qui operatur in nobis velle & perficere, Apostolo teste.

IV.

Quid est jejunium?

NON simplex hujus nominis est acceptio. Magnum & generale Jejunium Augustinus vocat, abstinere ab iniquitatibus & illicitis voluptatibus sæculi. Deinde Philosophicum, ut quidam vocant, Jejunium, est Parsimonia illa cibi ac potus, moralisque sobrietas, quâ temperatè etiam ab Ethnicis secundum rectam rationem vivitur. Tertio Ecclesiasticum est Jejunium, utpote cum juxta certum Ecclesiæ morem, atque præscriptum, certis diebus & carniū esum nobis subtrahimus, & unicâ duntaxat refectioe contenti sumus. Cujusmodi Jejunium piè & Christianè suscipitur ad cultum divinum religiosius exhibendum, ad carnem domandam, spirituique subjiciendam; ad fructus poenitentiae dignos præstandos, ad obedientiam exercendam, ac demum ad quamlibet Dei gratiam consequendam.

Quid verò his respondendum est, qui legem Ecclesiastici Jejunijs convellunt, atque contemnunt.

Primùm admonendi sunt isti, ne falsò Catholicis affingant, quod Apostolus detestatur, & Ecclesia semper damnavit in Judæis, Manichæis & Priscillianistis, quòd videlicet aut secundùm legem Mosaicam, aut ex superstitione à cibis quibusdam abstineant. Catholici enim, sicut Augustinus Fausto Manichæo respondet, quòd à carnibus abstinent, edomandi corporis causà id faciunt, propter animam ab irrationalibus motibus ampliùs humilian-
dam, non quòd carnes esse immundas credant. Nec solùm à carnibus, verùm à quibusdam etiam terræ fructibus abstinent, vel semper, sicuti pauci, vel certis diebus, atque temporibus, sicut per Quadragesimam fermè omnes. Sic Augustinus: atque ante illum idipsum etiam docet Epiphanius, ubi confutat Arianam hæresim, quæ statuta Ecclesiæ Jejunia cuique libera esse vult, atque ad ea neminem obligari.

Quòd autem in publicis Jejunijs, sicut & in precationibus, & ferijs, ratio temporis observetur, id ordinem & concordiam publicam

blicam in Ecclesia confirmat, illustrat ac promovet. Deinde privata Jejunia non ita multi quidem imponderent sibi, utpote naturali carnis amore, ventrisque studio ad fuscipienda ea impediti.

Jam quòd magni momenti, & certi meriti sit, ejusmodi Jejunia reverenter amplecti, seduloque observare, tam aperte probat Hieronymus contra Jovinianum, hac de re amplius ut à nullo possit dubitari. Quibus addenda sunt, quæ suprâ docuimus de præceptis Ecclesiæ observandis, idque ad scandalum evitandum, & ob disciplinam publicam retinendam, neque modò propter iram, sed etiam propter conscientiam, ut Apostolus dixit.

Constat autem, sicut omnium ætatum scriptores comprobant, Ecclesiæ disciplinam, consuetudinem, traditionem, sanctionem hanc & esse constantem, & inde ab initio fuisse, ut diebus quibusdam, præsertim Quadragesimæ, Jejunium hoc Ecclesiasticum observaretur. Ita docent Canones Apostolorum, & sacrosanctæ Synodi: Gangrensis quidem Anathemate eos ferit, qui communia totius Ecclesiæ Jejunia contemnunt: Toletana verò communione

eos privari jubet, quæ sine inevitabili necessitate, & evidenti languore carnibus in Quadragesima vescuntur.

Et singularis Patrum est ardor in commendando, urgendo & exigendo Jejunio, præsertim Quadragesimæ, quod quidam ab Apostolis institutum videre volunt. Ab hoc Patrum spiritu sunt alieni, qui Jejuniorum legem sibi alijsque relaxant, & carnis licentiæ, non libertati Evangelicæ patrocinantur. Hi carnem cum vitijs & concupiscentijs nolunt crucifigi, ac proinde, quæ sunt spiritus, non sapiunt, sed spiritum potius extinguunt, adversus doctrinam Apostolicam. Deinde palam obsistunt Ecclesiæ matri, imò etiam Christo in Ecclesiâ sponsam loquenti, atque præcipienti, unde sibi certam damnationem acquirunt, quando sanctum & salutiferum, & ab Ecclesia nobis usque commendatum Jejuniorum institutum abrogant, repudiantve.

VI.

Quid de Jejunio sacra Scriptura tradit?

Divina vox est, quæ per Joëlem ad peccatores clamat: *Convertimini ad me toto corde vestro, in jejunio, fletu, & planctu. Nec multò post: Canite tuba in Sioni, inquit, sancti-*

*sanctificate Jejunium, vocate cætum, congregare populum, vel sicut alij legunt, sanctificate jejunium, prædicate curationem. Ut hinc discamus, Jejunium sanctificari cæteris bonis operibus, & sanctificatum curationi proficere peccatorum, ut Hieronymus interpretatur. Nam ut idem e Sacris litteris colligit, per jejunia Daniel vir desideriorum futura cognovit: & Ninivitæ iram placaverunt Dei: & Elias ac Moses quadraginta dierum esurie, Dei familiaritate saturati sunt, & ipse Dominus totidem diebus in solitudine jejunavit, ut nobis solemnes jejuniorum dies relinqueret: & acriora dæmonia docuit, non nisi oratione & jejunijs posse superari: & Apostolus frequenter se jejunasse dicit: & in Psalmis pœnitens loquitur: *Manducabam sicut cinerem panem meum, & potum meum cum fletu miscebam.* Et: *Cùm mihi molesti essent, induiebar cilicio, humiliabam in jejunio animam meam.* Demùm quid eo manifestius, quàm quòd Christus affirmat fore, ut cùm ipse sponsus discipulis suis maximè dilectus ablatus sit, tunc illos licèt Spiritûs sancti plenos, jejunaturos esse? Itaque Paulus fideles omnes hortatur: *Exhibeamus nosmetipsos, sicut Dei ministros,**

ministros, in multa patientia, in vigilijs, in jejunijs, in castitate. Qui enim sunt Christi, carnem suam crucifixerunt cum vitiis, & concupiscentijs.

VII.

Quid est Oratio?

EST pius nostræ mentis in Deum affectus, quo petuntur fideliter, quæcunque sunt nobis, aut alijs salutaria: quo divinam quoque gratiam & virtutem celebramus, aut qualicunque ratione coram summa & æterna illa Majestate nos devotos testamur. Ut huc spectet non solum precatio, sed etiam adoratio, oblatio, seu sacrificium, invocatio, laudatio, gratiarum actio.

Modum autem precandi, & formulam singularem Christus præscripsit, sicuti suprà declaravimus: Et nullum est sanè opus magis in Scriptura commendatum, nullum pijs sanctisque hominibus familiarius, nullum, quod à pluribus & sæpius & diligentius magisque necessario in hac vita sit exercendum, atque precatio. Verè dictum illud: *Oratio humiliantis se nubes penetrabit.* Item: *Oportet semper orare*, ardenti scilicet cordis affectu, & citra hypocrisim, & absque laudis humanæ respectu, hoc est, in spiritu & veritate. In-

Interim orantes externum corporis gestum & habitum, ritusque nonnullos adhibent sæpe. Et rectè quidem, ut exempla Scripturæ commonstrant: Nam & Christus Dominus sublevatis in cælum oculis, nunc elatà voce, nunc in terram prostratus Patrem oravit. Tum Danielis ac Ninivitarum precatio, quia non sine Jejunijs, sacco, & cinere instituta fuit, magis commendatur. Nec frustra de publicano dictum est, quòd humili facie, depresso oculis, pectorisque tusione suà in templo precationem instruxit. Quæ quidem licet externa videantur, & ab impijs etiam fieri ac ostentari queant, tamen hæc laudem illa merentur, quatenus & piè corpus exercent, rediguntque in obsequium Creatoris, & animam excitant, fulciunt ac promovent in cultu interiore. Præterea sunt hæc testimonia quædam fidei, humilitatis, atque pietatis non negligenda, ut quæ non solum spectanti proximo, sed etiam Ecclesiæ adferunt ædificationem.

VIII.

Cur in orando seduli & assidui esse debemus?

Primùm ob maximas & infinitas eorum, qui ritè precantur, utilitates. Deinde quòd Oratio proprium & necessarium sit
fidei

fidei exercitium. Habet præterea præceptum in divinis litteris passim, neque modò frequentem, sed etiam eximiam plenamque consolationis & suavitatis promissionem. *Dico vobis*, inquit ipsa Veritas Christus, *Omnia quaecunque orantes petitis, credite, quia accipietis, & evenient vobis.* Et rursum: *Ego dico vobis: Petite, & dabitur vobis: querite, & invenietis: pulsate, & aperietur vobis.* Omnis enim, qui petit, accipit; & qui querit, invenit: & pulsanti aperietur. Atque iterum: *Si vos cum sitis mali, nostis bona dona dare filiis vestris: quanto magis Pater vester, qui in calis est, dabit bona petentibus se?* Talibus quidem dictis, ut rectè colligit Chrysostomus, ac tali spe provocavit nos ad orandum universorum Dominus. Nos verò decet obtemperantes Deo semper omnem vitam in laudibus Dei, precibusque transigere, majore studio curam agentes divini cultûs, quàm vitæ nostræ: Sic enim contigerit semper vivere vitam homine dignam. Hæc ille.

IX.

Quibus exemplis vim Orationis & fructum colligemus?

Jacobus Apostolus, ut orationis virtutem expli-

explicaret exemplo, ita scripsit: *Elias homo erat similis nobis, passibilis: & oratione oravit, ut non plueret super terram, & non pluit annos tres, & menses sex. Et oravit, & cælum dedit pluviam, terra dedit fructum suum.* Pluribus exemplis Augustinus rem eandem comprobat: Orante Moyse & Samuel vincuntur à Judæis hostes Amalechitæ, atque Philistæi. Orans Hieremias confortatur in carcere. Orans Daniel inter Leones exultat. Orantes tres pueri in fornace tripudiant. Orans de cruce Latio, invenit paradysum. Susanna per orationem inter senes falso accusantes defenditur. Stephanus orans in cælum suscipitur, & inter lapidantes pro Saulo exauditur.

Quibus exemplis non modò fructus orationis ostenditur, sed etiam precandì studium ac sedulitas nobis commendatur. Quare Scriptura quoque Apostolica cohortatur: *Sine intermissione orate, & in omnibus gratias agite.* Et rursus: *Orate pro invicem, ut salvemini: multum enim valet deprecatio iusti assidua.* Item: *Hæc est fiducia, quam habemus ad Deum, quia quodcumque petierimus secundum voluntatem ejus, audit nos.* Prætereà: *Qui scit fratrem suum peccare peccatum non ad mortem, petat & dabitur ei vita.*

DE

DE ELEMOSYNA ET
OPERIBUS MISERICORDIÆ.

X.

Quid est Eleemosyna?

EST beneficium seu munus, quo alterius miseriae ex nostro commiserationis affectu subvenitur. Quò spectat id, quod apud Tobiam Raphael Angelus testatur. *Bona est Oratio cum Jejunio & Eleemosyna:* ut intelligamus, sicut Cyprianus admonet, Orationes nostras ac jejunia minus posse, nisi Eleemosynis adjuventur. Bona misericordia, inquit Ambrosius, quæ & ipsa perfectos facit, quia imitatur perfectum Patrem. Nihil tam commendat Christianam animam, quàm misericordia. Sic ille: *Estote ergo misericordes, sicut & Pater vester misericors est, ut sitis filij Patris vestri, qui in celis est, qui solem suum oriri facit super bonos & malos, & pluit super justos & injustos.* Ita Christus Salvator & Samaritanus noster omni gratia & misericordia plenus, qui pertransit benefaciendo, & sanando omnes oppressos à Diabolo.

XI.

XI.

*Quo pacto Scriptura nobis commendat
Eleemosynam?*

MUltis quidem & apertis præceptis, promissionibus & exemplis. Quin Cyprianus docet, in Evangelio nihil præcipi frequentius, quàm ut insistamus eleemosynis dandis, neque terrenis possessionibus incumbamus, sed cælestes thesauros potius recondamus. Hinc illæ Christi sententiæ: *Quod superest, date eleemosynam; & ecce omnia munda sunt vobis. Vendite, quæ possidetis, & date eleemosynam. Facite vobis sacculos, qui non veterascunt, thesaurum non deficientem in celis.* Atque alibi: *Facite vobis amicos de mammona iniquitatis, ut, cum defeceritis, recipiant vos in æterna tabernacula.* Breviter: *Date, dabitur vobis.* Proinde Daniel Propheta impio Regi consulit: *Peccata tua eleemosynis redime, & iniquitates tuas misericordijs pauperum.* Tum alibi legitur: *Ignem ardentem extinguit aqua, & eleemosyna resistit peccatis.* Neque hominis verò, sed Angeli vox ea fuit: *Eleemosyna à morte liberat, & ipsa est, quæ purgat peccata, & facit invenire misericordiam, & vitam æternam.* Quin & Christus ipse pronuntiat. *Quicumque*

260 DE ELEMOSYNA.

que potum dederit uni ex minimis istis, calicem aquæ frigidae tantum in nomine discipuli, amen dico vobis, non perdet mercedem suam. Beati igitur misericordes, quoniam consequentur. Et contrario autem, ut Jacobus affirmat: Judicium sine misericordia illi, qui non facit misericordiam.

XII.

Quibus exemplis Eleemosynæ virtus & fructus declaratur?

IN sacris quidem litteris Abraham & Loth propter hospitalitatem Deo placuisse, & Angelos hospitio excepisse dicuntur. Tobix & Centurionis eleemosynæ tantum valuerunt, ut in memoriam ascenderint in conspectu Dei, & non solum testes, sed etiam collaudatores habuerint sanctos Angelos. Zachæus Christi verbis permotus, & ex principe Publicanorum speculum misericordiæ factus, dimidium bonorum dat pauperibus, & mox Abrahæ filius à Christo ipso pronuntiatur. Tabitha, ut plena operibus bonis & eleemosynis, quas viduis præsertim faciebat, à Luca celebratur. Sic piæ matronæ laudem habent in Evangelio singularem, quæ cum Magdalena & Martha Christo Domino, ejusque pauperibus disci-

discipulis liberaliter de suis facultatibus interviebant. Et de Laurentio Levita & Martyre justissimè canitur : *Dispersit, dedit pauperibus, justitia ejus manet in sæculum sæculi.*

XIII.

Quid est misericordia?

ESt, sicut Augustinus affirmat, alienæ miseriæ quædam in nostro corde compassio, quâ utique si possumus, subvenire compellimur. Quod misericordiæ nomen pro eleemosyna dici & accipi persæpe solet : *Omnis autem misericordia, teste divina Scriptura, faciet locum unicuique secundum meritum operum suorum.* Hanc sæpè & mirificè commendat Chrysostomus, nec dubitat alicubi dicere; Misericordia est salutis præsidium, fidei ornamentum, propitiatio peccatorum : hæc est, quæ justos probat, sanctos roborat, Dei cultores ostentat. Quin etiam, si Ambrosio credimus, omnis summa disciplinæ Christianæ in misericordia & pietate est.

XIV.

Suntne unius generis misericordiæ opera?

Duplicis ea generis esse inveniuntur : cum alia sint corporalia, alia spiritualia.

lia. Corporalia quidem dicta, quoniam ad corporalem miseriam proximi sublevandam exercentur: Spiritualia verò, quòd in his saluti proximi spirituali benè consulimus, atque operam damus. Hujus multiplicis misericordiæ clarum præbet exemplum Job benignissimus, qui de seipso testatur: *Ab infantia mea crevit mecum miseria, & de utero Matris meæ egressa est mecum. Oculus fui cæco, & pes claudò: Pater eram pauperum, & causam, quam nesciebam, diligentissimè investigabam. Conterebam molas iniqui, & de dentibus illius auferebam prædam. Item: Foris non mansit peregrinus, ostium meum viatori patuit.*

XV.

Quot sunt opera misericordiæ tum corporalia, tum spiritualia?

SEPTem in utroque genere numerantur. Ac primùm quidem corporalia hæc sunt: Esurientes pascere, potum dare sitientibus, operire nudos, captivos redimere, ægrotos invisere, hospitio peregrinos suscipere, mortuos sepelire. Spiritualia verò hæc: Peccantes corrigere, ignorantes docere, dubitantibus rectè consulere, pro salute proximi Deum orare, consolari mœstos,
ferre

MISERICORDIÆ. 263

ferre patienter injurias, offensas remittere. Quæ humanæ pietatis officia, hominibus, præsertim Christianis, nec Barbaris planè, tam aperta sunt, ut longa tractatione ne-
tquam egeant.

XVI.

Quomodo isthæc Scripturis ostenduntur?

Pulchrè quidem ac passim: sicut inprimis illa Esajæ verba, aut potius Dei præcepta commonstrant: *Frangere, inquit, esurienti panem tuum, egenos, vagosq, induc in domum tuam. Cum videris nudum, operi eum, & carnem tuam ne despexeris.* Quorum officiorum ingens quoque fructus ibidem subjicitur: *Tunc anteibit faciem tuam justitia tua & gloria Domini colliget te.* Et Joannes, qui in charitate & misericordia fraterna nobis commendanda totus est, inter cætera docet: *Qui habuerit substantiam hujus mundi, & viderit fratrem suum necesse habere, & clauserit viscera sua ab eo, quomodo charitas Dei manet in eo?* Neque contentus hoc dicto, præclarè concludit: *Filioli mei, non diligamus verbo, neque lingua, sed opere & veritate. In hoc cognoscimus, quoniam ex veritate sumus.*

Hæc sunt fidelium, verèque justorum opera, quæ in extremo illo judicio Chri-

stus agnoscet, & palàm approbabit : propter quæ regnum promissum decernet, justitiæque coronam reddet misericordibus, quos & ipse justos prædicat. Quæ quidem opera tantò plus veræ laudis, æternique præmij porrigunt, quantò fiunt ab animo Christiano sincerius, alacrius, liberalius, nimirum ut in illis humanæ vanitati, atque cupiditati quàm minimum loci relinquatur, ea verò ad Dei gloriam proximique, cui serviunt, commodum propriè referantur. Hinc illæ Scripturæ voces observandæ : *Qui tribuit in simplicitate : qui miserebitur in hilaritate. Noli avertere faciem ab ullo paupere. Quomodo potueris, ita esto misericors. Hilarem datorem diligit Deus. In omni dato hilarem fac vultum. Jucundus homo, qui miserebitur & commodat.* Certè Christus apud Lucam talem depingit Samaritanum, qui non solum Christianis, sed etiam Ethnicis præclarum exemplum præbeat summæ humanitatis, perfectæque misericordiæ ignotis etiam & immerentibus ultrò præstandæ. *Qui verò parcè seminat, parcè & metet*, Apostolo teste. Satis autem hactenus de corporalibus præcipuè operibus misericordiæ.

De spiritualibus quid porrò Scriptura testatur?

DEbemus, inquit, nos firmiores imbecillitatem infirmiorum sustinere: & non nobis placere. Unusquisque vestrum proximo suo placeat in bonum ad ædificationem. Etenim Christus non sibi placuit. Ac rursus: Estote invicem benigni, misericordes, donantes invicem, sicut & Deus in Christo donavit vobis. Item: Estote ergo imitatores Dei, sicut filij carissimi, & ambulate in dilectione, sicut & Christus dilexit nos. Præterea: Induite vos sicut electi Dei sancti & dilecti, viscera misericordiæ, benignitatem, humilitatem, modestiam, patientiam, supportantes invicem, & donantes vobismet ipsis, si quis adversus aliquem habet querelam, sicut Dominus donavit vobis: ita & vos. Iterum verò: Corripite inquietos, consolamini pusillanimes, suscipite infirmos, patientes estote ad omnes.

Hæc aliaque id genus permulta passim inculcat Paulus: qui, ut omnes faceret salvos, omnibus omnia factus est, ut hinc ipse testetur: Quis infirmatur, & ego non infirmor; quis scandalizatur, & ego non uror? Et iterum: Tristitia mihi magna est, & continuus dolor cordi meo. Optabam enim ego

M

ipse

266 DE OPERIBUS MISERICORD.

ipse anathema esse à Christo pro fratribus meis. Tum alibi : Ego libentissimè impendam , & superimpendar pro animabus vestris abundantius , licèt plus vos diligens , minùs diligar.

XVIII.

Quæ summa est doctrinæ omnis de misericordie operibus præstandis ?

A Postolus rem omnem hoc quasi unico verbo complexus est : *Alter alterius onera portate, & sic adimplebitis legem Christi, puta legem charitatis.* De qua lege rursus idem : *Si quod est mandatum, in hoc verbo instauratur : Diliges proximum tuum , sicut te ipsum.* Et Petrus Apostolus : *Ante omnia, inquit ; mutuam in vobis ipsis charitatem continuam habentes : quia charitas operit multitudinem peccatorum.* Quod charitatis misericordiæque præstandæ præceptum ac officium , ut est naturæ ac rationi maxime consentaneum : sic ad omnes etiam se porrigit , ut hinc scriptum legamus : *Unicuique mandavit Deus de proximo suo.* Ita verò mandavit , veluti Christus interpretatur : *Omnia quæcunque vultis , ut faciant vobis homines , ita & vos facite illis.* Hæc est enim Lex , & Prophetæ.

DE VIRTUTIBUS CARDINALIBUS.

I.

*Quid sibi vult nomen & ratio Cardinalium
virtutum?*

Cardinales quædam virtutes idcirco dicuntur, quod sint tanquam aliarum fontes & cardines, & quemadmodum ostium in cardine, sic omnis honestæ vitæ ratio in illis versetur, ac boni operis universa structura eisdem inniti quodammodo videatur. Ejusmodi verò quatuor numerantur; Prudentia, Justitia, Temperantia & Fortitudo: de quibus ita scriptum extat: *Sobrietatem & prudentiam docet, & justitiam, virtutem: quibus utilius nihil est in vita hominibus.* Ubi per sobrietatem temperantia, per virtutem fortitudo haud obscure designatur, omnesque illæ nobis ita commendantur, ut ab æterna Sapientia, qui Deus est, propriè conferri, & ingenti cum fructu humanæ salutis accipi, atque exerceri, certò intelligamus. Quæ virtutes etiam officiales dictæ sunt, quoniam ab ijs, ut Ambrosius annotavit, nascuntur officiorum gene-

268 DE VIRTUTIBUS

ra, cunctaque communis vitæ officia secundum suam cujusque vocationem derivantur.

II.

Quomodo Cardinales virtutes definiuntur?

PRudentia est virtus, quæ secundum honesti rationem quid expetendum, quidve fugiendum sit, homini præscribit. Justitia est virtus, quâ cuique sua tribuuntur. Temperantia est virtus voluptatum carnis, quæ gustu, atque tactu percipiuntur, moderatrix. Fortitudo est virtus, quâ labores, mortisque pericula constanter & suscipiuntur, & perferuntur.

Hæc est nobilis quadriga virtutum, quâ in cælum vehimur: hæc flumina quatuor paradisi, ut Augustinus vocat, cujus & hoc dictum extat memorabile. Illa est, inquam, humanarum rerum scientia, quæ novit lumen prudentiæ, temperantiæ decus, fortitudinis robur, justitiæ sanctitatem. Hæc enim sunt, quæ nullam fortunam metuentes verè nostra dicere audemus.

III.

Quo pacto Prudentia nobis sacris literis commendatur?

PRudenter monet Ecclesiasticus in hunc
mo-

modum : *Fili, sine consilio nihil facias* & post factum non pœnitebis , Item : *Sapiens cor* & intelligibile abstinebit se à peccatis, & in operibus justitiæ successus habebit. Tum fons omnis sapientiæ prudentiæque Christus, verus ille Salomon, ita docet : *Estote prudentes, sicut serpentes, & simplices sicut columbæ*, ut intelligamus, ad perfectam prudentiam utrumque conjunctim requiri, columbinam videlicet simplicitatem, quæ innocentes mitesque facit : & serpentinam prudentiam, quæ homines cautos ac providos reddit, ut nec fallant ipsi, neque ab ullo fallantur. Id fiet, si Paulinæ doctrinæ nos accomodemus : *Videte fratres*, inquit, *quomodo cautè ambuletis, non quasi insipientes, sed ut sapientes : redimentes tempus, quoniam dies mali sunt. Propterea nolite fieri imprudentes, sed intelligentes, quæ sit voluntas Dei bona scilicet, & beneplacens & perfecta.* Atque huc pertinet dictum Salomonis : *Qui cum sapientibus graditur, sapiens erit : amicus stultorum similis efficietur.* Et illud : *In facie prudentis lucet Sapientia.* Dèum quod idem affirmat : *Cor prudentis possidebit scientiam, & auris sapientum quæret doctrinam.*

IV.

De justitia quid porrò Scriptura tradit ?

Justitia elevat gentem : Justitiâ firmatur solium. Melius est parum cum justitia, quàm multi fructus cum iniquitate. Cujus quidem justitiæ officium nobis per Apostolum his verbis explicatur : *Reddite omnibus debita : cui tributum , tributum : cui vectigal, vectigal : cui timorem, timorem : cui honorem, honorem :* Huc spectant justi & beati viri partes, sic in Psalmo decantatæ : *Qui non egit dolum in linguâ sua, nec fecit proximo suo malum , & opprobrium non accepit adversus proximos suos : Qui jurat proximo suo : & non decipit : qui pecuniam suam non dedit ad usuram, & munera super innocentem non accepit.* Ex quo facile constat, Justitiæ nomen contractius hîc accipi, quàm ubi generatim de Justitia Christiana differuimus.

V.

Quomodo Temperantiam Scriptura docet ?

AD vitandam intemperantiam hoc Scriptura nobis injungit , ne carnis curam in desiderijs faciamus, neve per gulam corda nostra in crapula & ebrietate aliquando gravemus. Cæterùm ad excitandam temperantiam hortatur, ubi vult nos esse
fo-

sobrios & vigilare, hoc est, sacris vigilijs & orationibus aptos esse, ut nullum Sathanæ locum demus. Monet igitur & Ecclesiasticus: *Utere quasi homo frugi his, quæ tibi apponuntur, ut non cum manducas multum, odio habearis.* Neque tacet idem de fugienda ebrietate: *Vinum quippe multum potatum, irritationem & iram & ruinas multas facit.* Quin etiam ut idem ait: *Vinum & mulieres apostatate faciunt sapientes.* Igitur de potu vini temperatè sumendo hoc etiam addit: *Exultatio animæ & cordis vinum moderatè potatum.* *Sanitas est animæ & corpori sobrius potus.* Quare alibi quoque scriptum legimus: *Beata terra, cujus principes comedunt in tempore suo, ad reficiendum, & non ad luxuriam. Qui autem abstinens est, adjicit ad vitam.* Sed hæc temperantiæ virtus etiam latius, quàm ad moderatam cibi potusque sumptionem se porrigit. Joannes Baptista, si quis unquam alius, temperantiæ, abstinentiæ, imò & continentiae omnis exemplum se nobis absolutum præbuit, cum luxum omnem in victu habituque sibi præcidit, & summa frugalitate contentus vitam in eremo traduxit.

VI.

De fortitudine quid Scriptura monet?

AD hanc colendam satis hortatur, cum timorem improbum nobis adimit, & Christianæ mentis fiduciam, alacritatem, constantiam, atque magnanimitatem commendat: *Fugit impius nemine persequente*, inquit Salomon: *Iustus autem quasi leo confidens absque terrore erit*. Et Petrus de fidei ac pietatis hostibus hoc admonet: *Timorem eorum ne timueritis, neque conturbemini*. *Quis est, inquit, qui vobis noceat, si boni emulatores fueritis? Sed & si quid patimini propter justitiam, beati*. Paulus verò, cum esset ipse Christi miles invictus, ad veram & Christianam fortitudinem alios excitat sæpe: *Fratres, inquit, mei dilecti, stabiles estote & immobiles, abundantes in omni opere Domini semper, scientes, quòd labor vester non est inanis in Domino*. Ac rursum: *Fratres, confortamini in Domino & in potentia virtutis ejus: Induite vos armaturam Dei, ut possitis stare adversus insidias diaboli, & resistere in die malo, & in omnibus perfecti stare*.

Fortis viri voces hæ sunt propriæ. *In Deo speravi, non timebo, quid faciat mihi caro. Dominus protector vitæ meæ, à quo tre-*
pida-

pidabo ? Si consistant adversum me castra , non timebit cor meum. Si ambulavero in medio umbræ mortis , non timebo mala , quoniam tu mecum es. Quis nos separabit à charitate Christi ? Omnia possum in eo , qui me confortat. Hoc est , quod Rex fortissimus David ad omnes Dei filios , suosque commilitones veluti classicum canens , dixit : Viriliter agite & confortetur cor vestrũ , omnes qui speratis in Domino. In Deo faciemus virtutem & ipse ad nihilum deducet tribulantes nos.

Ea verò demum vita homine Christiano digna est , quã prudenter , justè , temperanter , fortiterque vivitur : hinc aurea mediocritas constat , ut ne quid nimis , & ne quid minus. Hoc est , quod Scriptura loquitur : *Ne declines ad dextram , neque ad sinistram.*

DE DONIS ET FRUCTIBUS SPIRITUS SANCTI.

I.

Quot sunt Dona Spiritus sancti ?

EA septem apud Esajam Prophetam , & Ecclesiæ Patres inveniuntur : Spiritus Sapientiæ , Intellectus , Consilij , Fortitudinis ,

274 DE DONIS ET FRUCT.

dinis, Scientiæ, Pietatis ac demùm Spiritus timoris Domini.

Quæ quidem dona, vel Spiritus in Christo JESU Domino nostro perfectiùs, quàm in ullo alio, reperiuntur. Is enim plenus est gratiæ & veritatis: in illo habitat omnis plenitudo Divinitatis corporaliter. De plenitudine ejus nos omnes accipimus, qui de Spiritu sancto suo dedit nobis. *Si quis autem Spiritum Christi non habet, hic non est ejus*, si Apostolo credimus.

II.

Quot sunt fructus Spiritus?

AB eodem Apostolo Paulo duodecim numerantur.

Primus est *CHARITAS*, fructus quidem generosissimus, ac radix etiam bonorum omnium: sine quâ non possunt prodesse cætera bona, & quæ ipsa non potest haberi sine cæteris bonis, quibus homo efficitur bonus, ut inquit Augustinus.

Alter fructus est *GAUDIUM*, hoc præstans, ut homo spiritualis alacriter, lætèque serviat Deo.

Tertius *PAX*, quæ eò spectat, ut in hujus mundi procellis animi fervetur tranquillitas.

Quar.

SPIRITUS SANCTI. 275

Quartus *PATIENTIA*, quæ in duris ferendis est sita.

Quintus *LONGANIMITAS*, quæ magnitudinem animi, in futuris bonis expectandis declarat.

Sextus *BONITAS*, quæ nulli nocet, sed benè vult omnibus.

Septimus *BENIGNITAS*, invitans ad familiaritatem, dulcis alloquio, moribus temperata.

Octavus *MANSUETUDO*, quæ omnes iræ motus sedat & mitigat.

Nonus *FIDES* in proximum, ut fideles, pactorumque ac promissorum observatores simus.

Decimus *MODESTIA*, quæ omnem fastus & arrogantiae suspicionem excludit.

Undecimus *CONTINENTIA*, quæ non solum ab escis, sed etiam ab omni nequitia abstinemus.

Duodecimus *CASTITAS*, quæ mentem castam in corpore casto conservat.

III.

*Quomodo doctrinâ de donis & fructibus
Spiritus ritè utemur?*

ITa videlicet, si gratis animis, unde illa nobis proveniant, agnoscamus, ac eorum-

276 DE DONIS ET FRUCT.

dem virtutem & usum in nobis efficacem sentiamus, exprimamus, atque conserve-
mus. Proveniunt certè ab omnis gratiæ
fonte Patre illo luminum, qui nobis suam
bonitatem & charitatem immensam in his
commendat, dum per Christum in nos tam
abundè Spiritum suum effundit. *Charitas*
enim Dei, ut Apostolus testatur, *diffusa est*
in cordibus nostris per Spiritum sanctum, qui
datus est nobis, secundum hanc gratiam sci-
licet septiformem, Christo nobis ita pro-
merente. *Qui credit in me*, inquit, sicut
dicit Scriptura, *flumina de ventre ejus fluent*
aquæ vivæ. Hoc autem dixit de Spiritu, quem
accepturi erant credentes in eum, ut ipse ex-
plicat Evangelista. Alioquin absque Chri-
sto, sicut Hieronymus dixit, nec sapiens
quis esse potest, nec intelligens, nec con-
filiarius, nec fortis, nec eruditus, nec pius,
nec plenus timoris Dei.

Virtus autem & usus horum donorum
spiritualium eò spectat, ut virtutes Theo-
logicæ simul & Cardinales, quas diximus,
suam in nobis vim & operationem legiti-
mam expédiant, & expeditè perficiant. Ef-
ficiunt quoque, ut homines prorsus luben-
tes, & habiles ducem Spiritum sanctum
ubi-

SPIRITUS SANCTI. 277

ubique sequantur, atque eodem incitati & confirmati, in via mandatorum Dei indefessè procurrant, vereque spirituales & Dei filij efficiantur. *Quicumque enim Spiritu Dei aguntur, hi sunt filij Dei* Apostolo teste.

De his donis prolixum esset nunc agere singulatim: inde porrò suavissimi fructus Spiritus consequuntur, qui nos veluti frugiferas arbores in Ecclesiæ agro commendant, atque ostendunt, secundum illud: *Omnis arbor bona fructus bonos facit: mala autem arbor malos fructus facit. Igitur ex fructibus eorum cognoscetis eos.* Qui fructus etiam illud commodi afferunt, ut homo Christianus adversus carnis opera, velut spirituali quadam armatura sit instructus & confirmatus. Nunquam enim fallet Canon Apostolicus, qui habet: *Spiritu ambulate, & desideria carnis non perficietis.* Et alibi scriptum est: *Si spiritu facta carnis mortificaveritis, vivetis.*

IV.

Quæ sint carnis opera?

EA sunt, de quibus Apostolus ita differit: *Manifesta sunt opera carnis: quæ sunt, Fornicatio, Immunditia, Impudicitia, Luxuria,*

278 DE OCTO BEAT.

ria, Idolorum servitus, Veneficia, Inimicitia, Contentiones, Æmulationes, Ira, Rixæ, Dissensiones, Sectæ, Invidia, Homicidia, Ebriitates, Comestationes, & his similia: quæ prædico vobis, sicut prædixi: quoniam, qui talia agunt, regnum Dei non consequentur. Et subjungit: Qui autem Christi sunt, carnem suam crucifixerunt cum vitijs & concupiscentijs. Tum alibi: Qui in carne sunt, ut secundum carnis videlicet desideria ambulent, Deo placere non possunt. Monet igitur idem Apostolus: Nolite errare: Deus non irridetur. Quæ enim seminaverit homo, hæc & metet: quoniam, qui seminat in carne sua, de carne & metet corruptionem. Qui autem seminat in spiritu, de spiritu metet vitam æternam.

DE OCTO BEATITUDINIBUS.

I.

Quenam sunt Evangelicæ legis Beatitudines?

Illæ fanè sunt, quas & Dominicas Beatitudines, & Benedictiones Ambrosius vocat: quæ apud Matthæum Evangelistam octonario numero recensentur in hunc modum.

1. Bea-

DE OCTO BEAT. 279

1. *Beati pauperes Spiritu : quoniam ipsorum est regnum cælorum.*
2. *Beati mites : quoniam ipsi possidebunt terram.*
3. *Beati , qui lugent : quoniam ipsi consolabuntur.*
4. *Beati , qui esuriunt & sitiunt iustitiam : quoniam ipsi saturabuntur.*
5. *Beati misericordes : quoniam ipsi misericordiam consequentur.*
6. *Beati mundo corde : quoniam ipsi Deum videbunt.*
7. *Beati pacifici : quoniam filij Dei vocabuntur.*
8. *Beati , qui persecutionem patiuntur propter iustitiam : quoniam ipsorum est regnum cælorum.*

II.

Quare hæc de Beatitudinibus doctrina est observanda ?

QUoniam prima & maxima pars est legis Evangelicæ, quam Christus Legifer noster in monte tradidit ore suo sacrosancto, ut considerarent omnes, quid Christiana Iustitia ultra fidem complectatur & postulet: deinde scirent, quomodo iustis corona Iustitiæ, ut Paulus vocat, vel merces

280 DE OCTO BEAT.

ces plena, æternaque non sine labore obveniat. Nam hinc etiam Jacobus affirmat: *Beatus vir, qui suffert tentationem: quoniam cum probatus fuerit, accipiet coronam vite.*

III.

Quid verò circa hanc de Beatitudinibus doctrinam præcipuè notandum est?

PRimum quidem observari debet, gradus inter eas distinctos esse, ut ex ipso tum numero, tum ordine perspicitur. Deinde quolibet in gradu conjunctim duo proponuntur, quorum alterum ipse sit actus virtutis; seu meritum & Beatitudo (ut nuncupant) hujus vitæ, alterum verò æternæ vitæ præmium suo merito congruens, quam beatitudinem patriæ licet appellare. Sicuti autem prior pars laborem & difficultatem offert credentibus: ita posterior, quæ statim singulis gradibus adjicitur, magnitudine propositi præmij consolationem admiscet, lenitque labores, sudores & agones in Christiana militia omnibus perferendos: *Non enim coronabitur, nisi qui legitime certaverit: Unusquisque propriam mercedem accipiet secundum suum laborem. Quæ seminaverit homo, hæc & metet, ut constanter Gentium Doctor asseverat. Quamobrem*
Domi-

DE OCTO BEAT. 281

Dominus priusquam tremendum se iudicem orbis sistat, ad expectationem adventus sui non omnes his verbis excitat: *Ecce venio citò, inquit, & merces mea mecum est, reddere unicuique secundum opera sua. Qui vicerit, dabo ei sedere in throno meo.* Quæ demùm summa, æterna & absoluta est Beatitudo. At vana est prorsus mundi de beatitudine sententia, quæ permultos interim fallit ac perdit. Nam beati ferè vulgò putantur divites, præpotentes, gloriâ & autoritate clari, bonis fortunæ affluentes, voluptatibus indulgentes. Verùm Christus væ væ istis opponit, & liberè sic Esajas acclamat: *Popule meus, qui te beatum dicunt, ipsi te decipiunt, & viam gressuum tuorum dissipant. Beatus populus, cuius Dominus Deus usus, nimirum ut authorem suum bene beatèque vivendo semper prædicet.*

DE CONSILIIIS EVANGELICIS.

I.

Quæ dicuntur Evangelica consilia?

EA videlicet, quæ cum ab salutem consequendam simpliciter necessaria non sunt,

sunt, tamen ut parandæ salutis ratio expeditior habeatur ac facilior, à Christo proponuntur, atque consuluntur.

Unde discrimen, quod Scriptura inter præcepta & consilia statuit, est sedulò retinendum, ut illa quidem, tanquam observatu necessaria, præscribi: hæc verò, ut perfectam præceptorum observationem promoventia suaderi, ac sponte suscipi intelligamus. Hinc Apostolus, cum de observando coelibatu docere vellet, ita pronunciat: *De virginibus præceptum Domini non habeo: Consilium autem do, tanquam misericordiam consecutus à Deo, ut sim fidelis.* Quò spectat, quod Augustinus perspicuè dixit: aliud est consilium, aliud præceptum. Consilium datur, ut virginitas conservetur, ut à vino & à carnibus abstinenceatur, ut vendantur omnia, & pauperibus erogentur: Præceptum verò datur, ut justitia custodiatur, ut omnis homo divertat à malo, & faciat bonum. Et rursum: Consilium qui libenter audierit, & fecerit, majorem habebit gloriam. Præceptum qui non impleverit, nisi poenitentia subvenerit, evadere poenam non poterit: Augustino consonat Ambrosius, cum ita scribit: Non præcipitur,

tur, quod supra legem est, sed magis dato suadetur consilio, & quod tutius est, demonstratur. Item: Consilium invitat voluntarios: præceptum etiam adstringit invitos: Neque aliter sensit Hieronymus, ut hæc ejus verba declarant. Ubi consilium datur, offerentis arbitrium est: ubi præceptum, necessitas est servientis. Sed majoris est mercedis, inquit, quod non cogitur, & offertur.

II.

Quot sunt Evangelica consilia?

OMnia enumerare hoc loco non attinet: principalia verò tria sunt, de Paupertate, Castitate & Obedientia completendâ, sicut è sacris litteris Patres intellexerunt. Paupertas ad eos pertinet, qui semel omnia relinquunt, ut Christum exemplo Petri Apostoli perfecte sequantur. Castitas eorum est, qui seipsos castraverunt propter Regnum cælorum: & uti Tertullianus dixit, se voluntarios probant spadones. Obedientiam verò præstant, qui, ut seipsos plenè abnegent, non solum à cupiditatibus, verùm etiam voluntate sua, quod Scriptura admonet, prorsus avertuntur, dum ejus, quem sibi superiorem Christi

sti loco elegerunt, voluntati sese totos sub-
jiciunt.

Hujusmodi consilia Christus perfectionis Evangelicæ absolutum exemplar, non verbo tantum docuit, uti mox ostendemus, sed etiam exemplo vitæ suæ sanctissimæ nobis confirmavit, qui, cum dives esset, propter nos pauper factus est, non habens ubi caput reclinaret: qui Virgo etiam ex virgine natus, & sanctarum virginum sponsus, & amator idem castissimus usque perseverat: qui tam sedulus demum in præstanda obedientia fuit, ut matri virgini, adeoque fabro subditus, & ad mortem usque crucis obediens factus, de seipso testetur: *Descendi de calo, non ut faciam voluntatem meam, sed voluntatem ejus qui misit me.*

III.

Ubi consilium paupertatis Evangelicæ à Christo docetur?

A Pud Matthæum eo in loco ostenditur, qui sequitur divinorum præceptorum enumerationem: de quibus præceptis unicuique citra exceptionem dictum est: *Si vis ad vitam ingredi, serva mandata.* Ac deinde Consilium de voluntaria paupertate sectanda proponitur, addita verborum formula

mula singulari, quæ illud capeffentis arbitrio relinqueret. Ait enim Dominus: *Si vis perfectus effe, vade & vende omnia, quæ habes, & da pauperibus, & habebis theſaurum in cælo: & veni, ſequere me.* Ubi non ſolùm ita conſulit Dominus, verùm etiam quaſi calcar addit, & ut homines ad conſilium hoc amplectendum lubentiores faciat, præmij proponit magnitudinem, quo eos alliciat, atque conſoletur. Sic enim fore promittit, ut qui omnibus propter Chriſtum relictis pauper eſt, is habeat theſaurum in cælo, accipiat centuplum, & poſſideat vitam æternam, quæ divitibus alioquin aditu eſt perdifficilis.

Hujusmodi paupertatis cultores ac profeſſores erant Apoſtoli, quorum nomine fidenter dixit Petrus ad Chriſtum: *Ecce, nos reliquimus omnia, & ſecuti ſumus te.* His accedunt naſcentis Eccleſiæ Chriſtiani, qui, uti Lucas teſtatur, vendebant poſſeſſiones, & pecuniam ex his conflatam in communem uſum conferebant, ita ut nemo ſuum eſſe diceret aliquid, quoniam indiſcreta & communia apud ipſos manebant omnia.

Quæ paupertas id demùm requirit, ut voluntaria, plenaque ſit abdicatio facultatum,

tum, quarum nulla proprietas retineatur. Atque hic locum habet celebris & antiquis probata sententia: Bonum est, facultates cum dispensatione pauperibus erogare: melius est pro intentione sequendi Dominum insimul donare, & absolutum à sollicitudine, cum Christo egere.

IV.

Ubi Castitatis consilium commendatur?

TUM in Evāgelicis, tum in Apostolicis literis. Laudat ergo Christus illud genus Evnuchorum, qui propter regnum cælorum seipsos castraverunt. Et ne præceptum hoc esse magis, quàm consilium putaremus, mox subjicit: *Qui potest capere, capiat.* Quæ vox quasi hortantis est Domini, ut rectè Hieronymus interpretatur, & milites suos ad pudicitiae præmium concitantis, perinde ac dicat: Qui potest pugnare, pugnet, superet ac triumphet. Id ille potest, cui datum est, datur autem omnibus, qui, ut Hieronymus idem testatur, petierint, qui voluerint, qui ut accipiant, laboraverint. Omni enim petenti dabitur, & quærens inveniet, & pulsanti aperietur.

Cui quidem castitati præmium Divina Scriptura decernit, singulare autem virginum
num

num castitati. Etenim, qui cum mulieribus non sunt coinquinati, sed virgines permanferunt, sine macula ante thronum Dei afiſtunt, cantantque novum canticum coram Deo & agno, ac ſequuntur agnum, quocunque ierit.

Apoſtolus verò planiffimè dixit : *Bonum eſt homini, mulierem non tangere.* Ac rurſum : *De virginibus præceptum Domini non habeo : conſilium autem do, tanquam miſericordiam conſecutus à Deo, ut ſim fidelis. Exiſtimo enim, hoc bonum eſſe propter instantem neceſſitatem : quoniam bonum eſt homini ſic eſſe.* Atque iterum de vidua ſcribens : *Cui vult, inquit, nubat ; tantùm in Domino : Beatiſ erit, ſi ſic permanſerit ſecundùm meum conſilium : Puto autem, quòd & ego Spiritum Dei habeam.* Apoſtolo pulchrè ſuffragatur Ambroſius, ubi in hæc verba ſcribit : Jure laudatur bona uxor, ſed melius pia virgo præfertur, dicente Apoſtolo : *Qui jungit virginem ſuam, benè facit, & qui non jungit, melius facit.* Hæc enim cogitat, quæ Dei ſunt, illa quæ mundi : illa conjugalibus vinctulis colligata eſt, hæc libera vinculorum : illa ſub lege : iſta ſub gratia. Bonum conjugium, per quod eſt inventa poſte-

posteritas successionis humanæ, sed melior virginitas, per quam regni cælestis hæreditas acquisita, & cælestium meritorum re-
perta successio. Per mulierem cura successe-
rit, per Virginem salus evenit. Ita Ambr.

Requirat autem isthæc Castitas, ut quis consilio deliberato, atque constanti, ab omni carnis forde, seu Venerea voluptate, incorruptus vivere studeat, atque vitam cœlibem agat continenter: ut sit sanctus & corpore & Spiritu propter Christum. Eoque spectans Apostolus dixit: *Qui statuit in corde suo firmus, non habens necessitatem, potestatem autem habens suæ voluntatis, & hoc iudicavit in corde suo servare virginem suam, benefacit.*

V.

Quomodo consilium Evangelicum de obedientia nobis proponitur?

CHRISTUS Dominus primùm exemplo vitæ sanctissimæ, sicut antè meminimus, deinde verbo suo hujus obedientiæ rationem perfectam nobis proposuit, atque commendavit. Venit enim non suam facere voluntatem, sed Patris, & eorum, quibus fuisse subditus legitur: venit idem ministrare, & non ministrari, adeò ut humiliarit

liârit semetipsum factus obediens usque ad mortem, mortem autem Crucis. Tum ad sui imitationem nos verbo excitans, dixit: *Si quis vult venire post me, abneget semetipsum, & tollat crucem suam, & sequatur me.* Quæ verba, ut generatim ad omnes dicta, rectè quidem possunt accipi, sed peculiari-ter tamen, atque perfectiùs ad eos perti- nent, qui pro suo modulo se Christo ita conformant, ut nulla in re sui esse juris ve- lint, & alieno potiùs, quàm suo arbitratu vivere satagunt, dum altèrius, quem Chri- sti loco sibi proposuerunt, voluntatem & imperium ultrò sequuntur. Horum præ- fectus, uti Basilii docet, Christi perso- nam obtinet, ac veluti mediator Dei & hominum factus, salutem obedientium, Deo sacrificat. Unde quemadmodum oves pastori obediunt, eâ pergentes viâ, quâ pastor ipsas duxerit, ita convenit hujus- modi pietatis exercitatores suis obedire præfectis, non curiosè investigando præ- cepta, ubi à peccato aliena fuerint: sed cum omni alacritate & studio explendo ea, quæ demandantur. De quo præfecto sic etiam post Basilium Bernardus affirmat: Ipsum, quem pro Deo habemus, tanquam Deum

N

in

in his , quæ non sunt apertè contra Deum , audire debemus.

Hujusmodi autem fideles & excellentes Christi imitatores , qui dictis consilijs observandis seriò vacarent , uti veteres ostendunt annales , Ecclesia semper habuit , & in his delectos , probatosque cœtus piorum ac religiosorum hominum , qui supra vulgi morem ac exemplum , abdicatis semel bonis omnibus & relictis carnis illecebris , ex professo studerent sanctæ obedientiæ ; eò videlicet spectantes , ut ad Christi obedientis exemplar & ad Evangelicæ normæ perfectionem sese totos componerent , nullumque propriæ voluntati locum relinquerent. Cujus rei testes perquàm idoneos habemus Basilium , Augustinum , Hieronymum , Benedictum , Gregorium , Cassianum , Bernardum , aliosque innumeros Evangelicæ perfectionis professores & monastici instituti tum defensores , tum observatores integerrimos.

VI.

Quid summatim de consilijs Evangelicis est sentiendum ?

HOc nimirum , quòd sint incitamenta , & subsidia quædam commoda admodum , quæ

quæ infirmis adversus mundi, carnisque illecebras arma præbent: quæ bonorum conatus in cursu veræ pietatis ad meliora prævehant: quæ spiritum ad præstanda Religionis, Diviniq̃ue cultûs officia expeditiorem reddant, & quæ insuper, ut ostendimus, ad æternæ vitæ mercedem, ac gloriam in cælo pleniorē consequendam conferant.

Ac summa quidem Evangelicæ perfectionis in eo versatur, ut quàm maximè possis, ad charitatem contendas, Christumque imiteris. Imitaris autem, si Christo & pauperi, & virgini, & alijs subdito, & ad mortem usque Crucis obedienti, pro tuis viribus te studeas conformare: si cum Apostolo itidem Paulo, neglectis ijs, quæ retrò sunt, indefesso labore ad anteriora contendas, & ad supernæ vocationis braviū te extendas in dies, voluntate interim propria in totum, quoad ejus fieri potest, abdicatâ, ac homini propter Deum subjectâ, ut æmuleris usque meliora Charismata, partemque optimam tum eligas, tum bona fide in finem usque conserves.

DE QUATUOR HOMINIS
NOVISSIMIS.

I.

Quæ dicuntur quatuor hominis novissima?

HÆc videlicet : Mors , Judicium , Infernus & Regnum cælorum : dicta quidem novissima , quòd inter cætera-omnia , quæ homini accidere possunt , extremum planè locum sibi vindicent. Mors enim , ut dici solet , est ultima rerum linea. Mortem sequitur Judicium Dei , sicut & Paulus his verbis ostendit : *Statutum est omnibus hominibus semel mori : post hoc autem Judicium*, tum singulare scilicet , quod unusquisque moriens excipit , tum illud extremum & universale , quod omnes ad mundi finem expectant , ut suprà indicavimus.

Judicantur autem alij , quos in mortali peccato mors opprimit , ut pœnis apud inferos perpetuis addicantur : alij , quos ex hac vita migrantes ornat nuptialis illa vestis Charitas , ut vita in cælesti regno per beatâ fruantur. Hoc est , quod Evangelica veritas asserit : *Procedent , qui bona fecerunt , in vitam æternam : qui verò mala , in supplicium æternum. Filius enim hominis ven-*

venturus est in gloria Patris sui cum Angelis suis : & tunc reddet unicuique secundum opera ejus.

II.

Quomodo Scriptura nos de morte docet ?

S*icut per unum hominem peccatum in hunc mundum intravit, & per peccatum mors, ita in omnes homines mors pertransiit, ut Paulus affirmat. Igitur etsi horâ mortis nihil sit nobis incertius. Nescit enim homo finem suum : morte tamen ipsâ certius nihil esse potest. Unde scriptum est, & res ipsa quotidie docet. Omnes morimur, & quasi aquæ dilabimur in terram, quæ non revertuntur. Idque confirmans Ecclesiasticus : Et Rex hodie est, inquit, & cras morietur. Cum morietur autem homo, hæreditabit serpentes & bestias & vermes.*

Cum verò plurimum referat, quomodo & quàm parati moriamur, toties in Evangelio nobis repetitur illud : *VIGILATE.* Item : *Ejote parati : quia quâ horâ non putatis, Filius hominis veniet : Parati verò & vigilantes mortem excipiemus, si seriò & in omni vita pro se quisque meditetur, quod scriptum est : Ante obitum operare justitiam, quoniam non est, apud inferos in-*

venire cibum : sicut & Christus dixit : Venit nox, quando nemo potest operari. Ambulate, dum lucem habetis, ut non vos tenebrae comprehendant.

Pulchrè autem Propheta inter justorum, malorumque mortem discernit. Nam de his quidem dicit : *Mors peccatorum pessima*, illorum scilicet, qui velut pervicaces Judæi, in peccato sine pœnitentia moriuntur, ac proinde sic pereunt, ut semper apud inferos cum epulone divite sint excrucian-di. De illis verò testatur : *Pretiosa in conspectu Domini mors sanctorum ejus.* Talibus quippe mors ista corporis nihil est aliud quàm terrenæ hujus peregrinationis & ærumnarum mortalis vitæ terminus, somnus quietus, & secura obdormitio, veræ vitæ principium, & optabilis transitus ad beatam immortalitatem ; Cujus desiderio Apostolus flagrans, & hujus vitæ pertæsus : *Cupio, inquit, dissolvi, & esse cum Christo.* *Beati servi illi, quos cum venerit Dominus, invenerit vigilantes.* Et : *Beati mortui, qui in Domino moriuntur : Justus autem, si morte præoccupatus fuerit, in refrigerio erit.*

III.

Quomodo Scriptura de Judicio admonet?

HOrrendum est incidere in manus Dei viventis, Christi que judicis, ante cujus tribunal nos omnes oportet manifestari, & unumquemque rationem pro se ipso reddere: *Cuncta enim, quæ sunt, adducet Deus in judicium pro omni errato, sive bonum, sive malum sit.* Quare non modò peccatoribus, sed etiam sæpe sanctis judicii hujus terribilis est exspectatio. Timuit hinc David, ut sollicitè roget: *Ne intres in judicium cum servo tuo Domine.* Timuit & Job quantumvis innocens, suumque timorem his verbis ostendit: *Quid faciam, cum surrexerit ad judicandum Deus? & cum quaesierit, quid respondebo illi? Semper quasi tumentes super me fluctus, timui Deum, & pondus ejus ferre non potui. Verebar omnia opera mea, sciens, quòd non parceres delinquenti.*

Ac verò metuendus est Judex ille, cujus non licet potestatem effugere, sapientiam fallere, æquitatem flectere, judicium retractare. De quo ita scriptum extat: *Zelus & furor viri (Christi judicis scilicet) non parcat in die vindictæ, nec acquiescet cuiusquam*

jusquam precibus, nec suscipiet pro redemptione dona plurima. Qui de seipso etiam suoque judicio (ne quis sit inscius) hoc omnibus pronunciavit. Cùm accepero tempus, ego justitias judicabo. Ego Dominus scrutans cor & probans renes: qui do unicuique juxta viam suam, & juxta fructum adinventionum suarum: Ego opera eorum & cogitationes eorum venio, ut congregem, cum omnibus gentibus & linguis: & venient & videbunt gloriam meam.

Cæterùm de Judicij extremi die, qui & dies Domini, dies iræ, dies magnus & horribilis in Scriptura dicitur, Apostolus Petrus docet in hunc modum: *Adveniet dies Domini sicut fur, in quo cali magno impetu transient, elementa verò calore solventur: terra autem & omnia, quæ in ipsa sunt opera, exurentur. Cùm igitur hæc omnia dissolvenda sint, quales oportet vos, esse in sanctis conversationibus & pietatibus, expectantes & properantes in adventum diei Domini, per quem cali ardentes solventur, & elementa ignis ardore tabescent.*

Ut verò tunc clementem judicem Christum, ac diem illum, quo cælum & terra transibunt, nobis lætum habeamus, præclarum

clarum est hoc consilium Sapientis. *Ante languorem adhibe medicinam, & ante iudicium interroga te ipsum, & in conspectu Dei irvenies propitiationem. Si enim nosmetipsos dijudicavimus; non utique judicemur: Timenti Deum bene erit in extremis, & in die functionis suæ benedicetur.*

IV.

Quid verò de inferno, ejusq; pænis?

UT morte quidem nihil miserabilius, ut iudicio etiam nihil est terribilius, præfertim filijs sæculi obstinatè peccantibus: sic Inferno, ejusque pænâ nihil intolerabilius, ac infelicius potest excogitari. Ibi enim (teste Scriptura divina) fletus est & stridor dentium: Ibi vermis eorum non moritur, & ignis non extinguitur: Ibi terra tenebrosa & operta mortis caligine: ibi umbra mortis & nullus ordo, sed sempiternus horror inhabitat. Ibi pars illorum in stagno ardenti igne & sulphure, quod est mors secunda: ibi cruciabuntur die ac nocte in sæcula sæculorum. Ibi demum verum esse comperietur, quod omnibus apud inferos torquendis justus iudex his verbis prædixit. *Ecce servi mei comedent, & vos esurietis: Ecce servi mei bibent,*

298 DE QUATUOR

Et vos sitietis : Ecce servi mei letabuntur , Et vos confundemini : Ecce servi mei laudabunt præ exultatione cordis , Et vos clamabitis præ dolore cordis , Et præ contritione spiritus ululabitis.

Itaque Propheta Regius Reges & Principes omnes compellat atque futuras malorum pœnas illis proponit cum hac gravi admonitione : *Et nunc Reges intelligite , erudimini , qui judicatis terram. (Fortioribus enim fortior instat cruciatio , Et judicium durissimum in his , qui præsumunt , fiet.) Servite Domino in timore , Et exultate ei cum tremore. Apprehendite disciplinam , ne quando irascatur Dominus , Et pereatis de via justa , cum exarserit in brevi ira ejus.* Hinc & Christus ipse dictum omnibus voluit. *Timete eum , qui postquam occiderit , habet potestatem mittere in gehennam : ita dico vobis , hunc time- te.* Ut enim est momentaneum , quod in hac vita delectat , ita sempiternum est , quod in gehenna excruciat.

V.

De regno cælorum quid ex Scriptura discimus?

PARavit hoc regnum Deus electis ab origine mundi , regnum cæleste , regnum æternum , regnum beatissimum , de quo
Paulus

Paulus apertè fatetur: *Non sunt condignæ passionēs hujus temporis ad futuram gloriam. Oculus non vidit, nec auris audivit, nec in cor hominis ascenderunt, quæ paravit Deus his, qui diligunt illum. O Sanctam civitatem Hierusalem, novam descendantem de cælo à Deo paratam, sicut sponsam ornatam viro suo. De qua Joannes divinorum optimè conscius, hæc cælitus audivit & scripsit: Ecce tabernaculum Dei cum hominibus: & habitabit cum eis, & ipsi populus ejus erunt: & ipse Deus cum eis erit eorum Deus; & absterget omnem lachrymam ab oculis eorum, & mors ultra non erit, neque clamor, neque dolor erit ultra, quia prima abierunt: Illic auditur vox tubæ magnæ, & sicut vox aquarum multarum, & sicut vox tonitruum magnorum dicentium. Alleluja: quoniam regnavit Dominus Deus noster omnipotens. Gaudeamus & exultemus & demus gloriam ei, quia venerunt nuptiæ agni.*

Beati, qui ad cœnam nuptiarum Agni vocati sunt: beatiores verò, qui ad eam cœnam vocati, submotis impedimentis omnibus accedunt, vestemque nuptialem adferunt, ut in Regno Dei cum Abraham, Isaac & Jacob recumbant. Nec opus est
rogare:

rogare: *Domine, quis habitabit in tabernaculo tuo? aut quis requiescet in monte sancto tuo?* Expedita est responsio: *qui ingreditur sine macula, & operatur iustitiam.* Aut si verbo Christi magis delectaris: *Qui facit voluntatem Patris mei, qui in celis est, ipse intrabit in regnum celorum.* Sancta hæc est civitas, & sanctos etiam cives requirit. *Non intrabit in eam aliquid coinquinatum.*

VI.

Quis est usus & fructus doctrinæ totius de quatuor novissimis?

Primùm hæc ipsa cognoscere ac seriò meditari eò confert, ut à cura, studio & amore illarum rerum, quæ caducæ, fluxæ & vanæ sunt in hoc mundo, faciliùs avocemur: *Vanitas enim vanitatum*, dixit Ecclesiasticus: *Vanitas vanitatum, & omnia vanitas: Vides, quæ fiunt cuncta sub sole; & ecce universa vanitas & afflictio spiritus.*

Deinde non solum à cogitationibus vanis curisque terrenis hæc animadversa hominem revocant: verùm etiam ab omni peccandi licentia, consuetudine & proclivitate deterrent: Hinc aurea illa sententia: *In omnibus operibus tuis memorare novissima tua, & in æternum non peccabis.*

Præ-

Prætereà monet sapientem, ut cunctis in rebus nihil temerè faciat, sed extrema primùm omnium sibi proponat, sineque profecto, via regia progrediatur, ut neque ad dexteram, neque ad sinistram à recto deflectat.

Præcipuè verò hujusmodi rerum memoria & contemplatio id efficit, ut divinus timor, qui veræ sapientiæ foris, totius virtutis custos ac in omni hominis vita necessarius est Pædagogus in æqui bonique studio nos confirmet, ac provehat. Nam *Timor Domini expellit peccatum: & qui sine timore est, non poterit justificari. Qui timent Dominum, inquirent, quæ beneplacita sunt ei præparabunt corda sua, & in conspectu illius sanctificabunt animas suas. Demùm qui timent Dominum, custodient mandata illius, & patientiam habebunt usque ad inspectionem illius dicentes: Si pœnitentiam non egerimus, incidemus in manus Domini.*

Cæterùm filij sæculi hujus, qui vanitatem diligunt & quærunt mendacium: qui lætantur, cum malè fecerint, & exultant in rebus pessimis, ante quorum oculos non est Timor Dei, nihil minus illi, quàm his de rebus cogitationem suscipiunt. *Gens*

O

absque

392 DE SUMMA DOCT.

*absque consilio est & sine prudentia: utinam
saperent & intelligerent, atque novissima pro-
viderent. His videmus, quod Job sanctus
ajebat, quotidie usuvenire. Tenent tympa-
num, & gaudent ad sonitum organi: Du-
cunt in bonis dies suos & in puncto ad infer-
na descendunt. Sic risus dolore miscetur, &
extrema gaudij luctus occupat.*

VII.

*Quæ est summa eorum, quæ in hoc libro
continentur?*

SUMMA totius operis duabus rebus con-
tinetur, **SAPIENTIA ET JUSTITIA
CHRISTIANA.** Ad sapientiam hæc ca-
pita, videlicet de Fide & Symbolo Fidei,
de Spe & Oratione Dominica, de Charita-
te & Decalogo referuntur. Nam **FIDES,**
SPES, CHARITAS, illæ virtutes sunt,
quibus veram hominis sapientiam, ut Au-
gustinus annotavit, Divina Scriptura con-
cludit. Accessit porro de præceptis Eccle-
siæ, & de Sacramentis tractatio. Sicut
enim prædictæ virtutes absque Sacramen-
tis & præceptis Ecclesiæ rectè observatis
subsistere non possunt, ita eorum acces-
sione efficaciter nobis inferuntur, insertæ
confirmantur, augentur & perficiuntur.
Itaque

Itaque in ijs , quæ ad sapientiam referimus , explicandis , prior libri pars absoluta est.

Posterior , quæ circa Justitiam versatur , duas ejus partes tum ad mala fugienda , tum ad bona consequenda spectantes , breviter enucleat. Etenim abstinere à malis Chrysostomo teste , non satis nobis est ad salutem , nisi adsit etiam bonorum possessio & virtutis actio. Utrique igitur parti capita nonnulla , quæ præcipuè ad malorum , bonorumque discrimen observandum pertinent , accommodata sunt. Totius autem justitiæ vim & amplitudinem Tobias vir æquè sapiens ac justus , succinctè comprehendit , ubi suum filium , adeoque in illo filios Dei omnes sigillatim admonet in hæc verba : *Noli timere fili mi : pauperem quidem vitam gerimus , sed multa bona habebimus , si timuerimus Deum , & recesserimus ab omni peccato , & fecerimus bene.* Ita demum discimus Christiani hominis integrum officium , quod non modò fidem , sed vitam etiam , quæ secundum Sapientiam , & Justitiam Christianam instituta sit , omnino requirat. *Sapiens autem cor , & intelligibile* , uti Scriptura testatur , *ab-*

O 2

tinebit

*tinebit se à peccatis, & in operibus justitia
successus habebit.*

Verùm enim verò ne institutæ brevitatis
terminos prætereamus, doctrinæ hujus ad
Christianos, eosque inprimis simplices
institutos pertinentis, hic modus &
finis esto. Quæ omnia uno Ecclesiastis
verbo, tanquam totius hominis illustri
sigillo, consignabimus, ita concludentes :
**DEUM TIME, MANDATA EJUS
OBSERVA, HOC EST ENIM OMNIS
HOMO.**



INDEX TOTIUS LIBELLI ORDINEM ET SUMMAM COMPLECTENS.

Chriftiana doctrina circa Sapientiam & Iuftitiam verfatus.

Ad Sapientiam, quæ ordine fequuntur, & infra tractantur capita, referri poffunt.

1. De Fide & Symbolo Fidei.
2. De Spe & Oratione Dominica cum Angelica falutatione.
3. De Charitate & mandatis Decalogi, cum Ecclefiaë præceptis.

4. De Sacramentis.

Ad Iuftitiæ priorem partem, quæ in malis fugiendis eft fita, pertinent hæc Capita:

1. De peccatis feptem capitalibus.
2. De peccatis alienis culpa aliqua noſtra ad nos pertinentibus.
3. De peccatis in Spiritum ſanctum.
4. De peccatis in cælum clamantibus.

Ad Iuftitiæ partem alteram, quæ in bonis faciendis, aut conſpectis eft poſita, rectè referri poſſunt:

1. Bonorum operum genera triplicia.
2. Opera

2. Opera misericordiæ.
3. Virtutes Cardinales.
4. Dona & fructus Spiritus sancti.
5. Octo beatitudines.
6. Consilia Evangelica.
7. Quatuor hominis novissima.

*Ad Christianæ doctrinæ totius summam,
unico ceu verbo comprehendendam, Ec-
clesiastici sententia notatu digna est, qui
ait :*

FILI, concupiscens Sapientiam, con-
serva Justitiam, & Deus præ-
bebit illam tibi.

FINIS.



307

CF 5654252

9.7. 416





005626 7



CB

